

اعمالِ رسولای عیسیٰ مسیح

پیشگفتار

کتابِ اعمالِ رسولِ ادامه زندگی نامِ عیسیٰ مسیح دَ مُطابِقِ لُوقاً أَسْتَه. مقصِدِ أَصْلِيِّ کِتابِ إِيَّ أَسْتَه کَه لُوقاً نِشَوَ بِدِيه، چَى رقمِ پَيَرَوَائِي اولیِّ عیسیٰ مسیح دَ هِدَايَتِ روحِ الْقُدْسِ خوشِ خبرِی دَ بَارِه عیسیٰ ره از اورشلیمِ دَ تَمَامِ يَهُودِيه، سَامِرَه وَ دَ مَمْلَكَتِ هَای دُنْيَا رَسَنَد. فَصَلِّ ۱ آیَه ۸ اَمْزِي کِتابَ دَ بَارِه ازِّي أَسْتَه کَه چَى رقمِ مَسِيحِیَّتِ دَ مِينَکَلِ يَهُودِيَا شُرُوعِ مُوشَه وَ بَعْدِ اَزْوَجَى رقمَ دَ تَمَامِ دُنْيَا دَ مِينَکَلِ مِلَّتِ هَای غَيْرِ يَهُودِ تِبَّتِ مُوشَه.

إِيَّ کِتابِ واضحِ مُونَه کَه ايماندارِي مسیحِ یگ گروهِ سیاسی بَلَدِه سَرِنَگُونِ کَدونِ امپراطوریِ رُومِ نِییه، بَلَکِه راهِ نِجَاتِ ره دَ بَینِ إِنْسَانِ هَا إِعلَانِ مُونَه.

کِتابِ اعمالِ رسولِ ره مُوشَه کَه دَ سِه قِسْمَتِ تقسِیمِ کُنَیْ:

يکی از مَوْضِعِ هَای مُهِمِّ کِتابِ اعمالِ رسولِ نازِلِ شُدَوْنِ روحِ الْقُدْسِ أَسْتَه کَه دَ روزِیِّ عِيدِ پِنْجَاهِمِ دَ اورشلیمِ دَ ايماندارِي مسیحِ نازِلِ شُدَ وَ رَهْبَرَيِّ ايماندارِ دَ

هِدایتِ روح الْقُدْس آهِسته بُنیادِ جماعتِ ایماندارای مسیح ره ایشت. فصل های آخرِ امزی کتاب دَباره دِستگیر شُدو و محاکمه شُدونِ پولس و سَفرِ پولس د رُوم آسته و ای که پولس چی رقم خوشخبری دَباره عیسیٰ مسیح ره دَرُوم اعلان کد.

فهرستِ عنوان ها

- تورای آخرِ عیسیٰ مسیح پیش از رفتو دَ عالم باله (فصل ۱، آیه ۴)
- انتخابِ رسول نو د جای یهودایِ اسخريوطی (۱۵:۱)
- نازل شُدونِ روح الْقُدْس (۱:۲)
- پیغامِ پترس (۱۴:۲)
- شفای آدمی که لَنگ دُنیا آمدُد (۱:۳)
- پترس و یوحنا دَ برابر شورای یهود (۱:۴)
- دروغِ حنانیا و سَفِیره (۱:۵)
- انتخابِ هفت خدمتگارِ نیک نام (۱:۶)
- دِستگیر کدو و کُشنونِ استیفان (۸:۶)
- رسیدونِ خوشخبری دَ مردمِ سامِره (۴:۸)
- فیلیپس و حَبْشی (۲۶:۸)
- تغییرِ زندگی شائل (۱:۹)
- سَفرِ پترس (۳۲:۹)
- صاحبِ منصبِ رُومی پَیر و عیسیٰ مسیح مُوشہ (۱:۱۰)

پِتْرُس دُوباره دَ اورُشَلِيم موره (۱۱:۱۱)
ایماندارای شارِ انطاکيه (۱۱:۱۹)
آزادی پِتْرُس از بَندیخانه (۱۲:۱۲)
مَرَگِ هیرودیس پادشاه (۱۲:۲۰)
بَرَنابا و شائول دَ سَفَر رَبِي مُوشَه (۱۳:۱)
خوشخبری دَ جَزِيرَه قِبرِس (۱۳:۴)
خدمت دَ انطاکِيَه پِيسِيدِيَه (۱۳:۱۳)
پُولُس دَ شارَاي قوئيَه، لِستره و دِريَه (۱۴:۱)
شوراي اوْرُشَلِيم (۱۵:۱)
خط بَلِدِه ایماندارای غَيرِ يهُود (۱۵:۲۲)
جدايى پُولُس از بَرَنابا (۱۵:۳۶)
يَكْحَاي شُدُونِ تِيموتَائوس قد پُولُس و سِيلاس (۱۶:۱)
خاوِ پُولُس دَ شارِ تروآس (۱۶:۶)
ایمان اوْرُدونِ لِيدِيَه دَ شارِ فيليبي (۱۶:۱۱)
بَندِي شُدُونِ پُولُس و سِيلاس دَ شارِ فيليبي (۱۶:۱۶)
شورِش دَ شارِ تِسالونِيَكِي (۱۷:۱)
پُولُس و سِيلاس دَ شارِ بِيرِيه (۱۷:۱۰)
پُولُس دَ شارِ آتن (۱۷:۱۶)
پُولُس دَ شارِ قُرِنْتُس (۱۸:۱)
پس آمَدونِ پُولُس دَ شارِ انطاکيه (۱۸:۱۸)

سَفِرِ سِوْمِ پُولُس (٢٣:١٨)
پُولُس دَ شَارِ إِفِسْس (١:١٩)
شُورِش دَ شَارِ إِفِسْس (٢١:١٩)
مُسَافِرَتِ پُولُس پَس دَ مَقْدُونِيَّه وَ يُونَان (١:٢٠)
از شَارِ تِروَآس دَ مِيلِيُّس (١٣:٢٠)
خُدَا حَافِظَى پُولُس قَد بُزْرَگَى جَمَاعَتِ إِفِسْس (١٧:٢٠)
سَفِرِ پُولُس دَ اُورُشَلِيم (١:٢١)
پُولُس دَ اُورُشَلِيم (١٧:٢١)
كِرْفَتَار شُدُونِ پُولُس دَ خَانَه خُدَا (٢٧:٢١)
دِفاعِ پُولُس (٣٧:٢١)
دِفاعِ پُولُس دَ پِيشِ يَهُودِيَا (١:٢٢)
پُولُس دَ حُضُورِ شُورَايِ يَهُودِيَا (٣٠:٢٢)
نَقْشَه دَ ضِيدِ پُولُس (١٢:٢٣)
إِنْتِقالِ پُولُس دَ شَارِ قَيْصَريَّه (٢٦:٢٣)
مَحْكِمَه پُولُس دَ حُضُورِ فِيلِكسِ والِي (١:٢٤)
بَنْدَى شُدُونِ پُولُس دَ قَيْصَريَّه (٢٢:٢٤)
پُولُس دَ حُضُورِ فِستُوسِ والِي (١:٢٥)
پُولُس دَ حُضُورِ أَكْرِيپَاسِ پَادِشاَه (١٣:٢٥)
دِفاعِ پُولُس دَ حُضُورِ أَكْرِيپَاسِ پَادِشاَه (١:٢٦)
رَبِيِّ كَدوَنِ پُولُس دَ شَارِ رُوم (١:٢٧)

طوفانِ شَدِيد (۱۴:۲۷)

مَيْدَهُ شُدُونِ كِشْتَى (۳۹:۲۷)

دَ جَزِيرَه مَالَت (۱:۲۸)

رَسِيدَوْنِ پُولُس دَ شَارِ رُوم (۱۱:۲۸)

تورای آخر عیسی مسیح پیش از رفت و عالم باله

^۱ دوستِ عزیز مه تیوفیلُس، د کتاب او ل خو ما د باره پگ چیزای که عیسی انجام می‌داد و تعلیم میداد نوشته کدم، از شروع گرفته^۲ تا امو روزی ره که عیسی د رسولی انتخاب کده خو د وسیله روح القدس حکم کد و خود شی سون آسمو رفت.^۳ او بعد از رنج و مرگ خو د دورون چل روز خود ره د یارای خو زنده ظاهر کد و د طریقه های مختلف دزوا ثابت کد که او واقعاً بعد از مرگ دوباره زنده شده. او دمزو غیبتا د باره پادشاهی خدا توره موغفت.

^۴ وختیکه عیسی قد یارا جم شده بود، او اینی حکم ره دزوا دد: "از شار اورشلیم دور نروید، بلکه د انتظار وعده آته آسمانی بشید که ما د باره شی دز شمو گفتم. ^۵ یحیی شمو ره د آو غسل تعیید میداد، لیکن از آلی کلوتر از چند روز تیر نموشه که شمو قد روح القدس تعیید دده موشید." ^۶ د امزو غیت که اونا یگجای شیشه بود، وا از عیسی سوال کده گفت: "یا مولا، آیا دمزی وخت پادشاهی از دست رفته اسرائیل ره پس میدی؟"^۷ او دزوا گفت: "بلده شمو لازم نییه که وخت ها و زمان های ره که آته آسمانی د اختیار خود خو تعیین کده بفامید.^۸ مگم وختیکه روح القدس د بلده شمو قرار میگیره، شمو قدرت پیدا مونید و د اورشلیم، د تمام منطقه یهودیه و سامره و حتی د دورترین جای های دنیا د باره ازمه شاهدی میدید." ^۹ بعد از گفتون امزی تورا، مولا عیسی د پیش چیمای ازوا سون آسمو بُرده شد و یگ آور او ره از نظر ازوا غیب کد.^{۱۰} د امزو غیت که او مورفت و چیمای ازوا هنوز آسمو ره توخ مُوكد، بےبلغه دو آدم سفید پوش د پالوی ازوا ایسته شده^{۱۱} گفت: "آی مردای جلیلی، چرا ایسته شده سون آسمو توخ مُوكنید؟ امی عیسی که از پیش شمو سون آسمو رفت، د امزو رقم که رفتون شی ره د آسمو دیدید، د امزو رقم او بسم پس مییه."

^{۱۲} بعد ازو یارا از کوه زیتون پس د اورشلیم آمد که تا اونجی ره یگ روزه سفر روز آرام بود.^{۱۳} اونا وختیکه د شار داخل شد، دمزو بالهخانه رفت که د اونجی اتاق داشت. امو نفرا پترس، یوحنا، یعقوب، اندریاس، فیلیپس، توما، برتوالما، متی، یعقوب باچه خلفی، شمعون غیرتی، و یهودا باچه یعقوب بود.^{۱۴} تمام ازوا قد خاثونو و مریم آیه عیسی و برارای عیسی خود ره د یگ دل د عبادت و دعا مصروف کد.

انتخاب رسول نو د جای یهودای اسخربوطی

^{۱۵} د یکی امزو روزا پترس د مینکل ایماندارای که تعداد پگ ازوا تقریباً د یگ صد و بیست نفر میرسید، ایسته شده

گفت: "برارو، لازم بود که امو نوشتہ ها پوره شنہ که روح القدس از زیون داؤود پیغمبر داره یهودا پیشگویی کده بود یعنی داره نفری که او یگ راهنما بلده امزو کسای جور شد که عیسی ره گرفتار کد. ^{۱۷} یهودا از جمله ازمو و د وظیفه مو شریک بود." ^{۱۸} از مزدی که یهودا بلده خیانت خو گرفتند او یگ ژوئیه زمی خرد و قد روی خو دامزو زمی خورده از مبنه خو دو پاره شد و روده های شی برو بُر شد. ^{۱۹} و تمام مردم اورشلیم از مرگ ازو خبر شد، و امو ژوئیه زمی د زیون خودگون شی د نام «حقیقت داما» یعنی «زمین خون» مشهور شد. ^{۲۰} پترس بسم گفت: "ازی که د کتاب زیور گفته شده:

خانیه امزو کس خراب شنہ و هیچ کس دامزو جای نشینه.

و بسم گفته شده:

مسئولیت شی ره دیگه نفر بگیره.

^{۲۱} پس یکی امزو آدمای که د تمام امزو مدت که مولا عیسی د مینکل مو مید و مورفت قد ازمو همکار بوده، ^{۲۲} یعنی امزو روز که یحیی مولا عیسی ره غسل تعمید دد تا امو روز که مولا د پیش چیمای مو سون عالم باله بُرده شد، باید قد ازمو شاهد ازی بشه که مولا عیسی دوباره زنده شده.

^{۲۳} پس اونا دو نفر ره پیشنهاد کد: یگ شی یوسف بر سایا بود که او ره یوسف ام مُوگفت و دیگه شی متیاس. ^{۲۴} و اونا دعا کده گفت: "آی خداوند، تو از دل تمام کس خبر داری. دز مو نشو بدی که امزی دو نفر کدم شی ره انتخاب کد، تاکه دمزی خدمت حصه بگیره و وظیفه رسولی ره قبول کن، وظیفه ره که یهودای اسخربوطی از دست دد و د جای که تعلق داشت رفت." ^{۲۵} پس اونا پشک ره د نام امزو دو نفر آندخت و پشک د نام متیاس بُر شد. بعد ازو متیاس د جم یازده رسول اضافه شد.

نازل شدون روح القدس

^۱ وختی «عید روز پنجاهم» رسید، پگ ایماندارا د یگ جای جم بود ^۲ که اولغنه از آسمو یگ آواز رقم گرس باشدید آمد و تمام خانیه ره که اونا د اونجی ششته بود، پُر کد. ^۳ و یگ چیز رقم آنگه آتش الی دزوا ظاهر شده تیت شد و د بله سر هر کدم ازوا ششت. ^۴ اوخته پگ ازوا از روح القدس پُر شد و د زیونای مختلف د توره گفتتو شد،

چراکه روح الْقُدْسِ ای قُدرت ره دَزوا دَد.

^٥ دَمْزُو روزا يهودیای خُدا ترس از هر مِلَّتِ زیر آسمو بَلِّدِه عِيدَة اورُشَلَیمَ آمدَه بُود. ^٦ وَخْتِیکه امی آواز شَنِیده شُد، غَدَر مرَدُم جَم شُدَه حَیرو مَنَد، چراکه هر کس زِبُونِ خود خُوره از دانِ ایماندارا مِیشَنید. ^٧ اُونا حَیرو مَنَدَه وَتَعْجَب کده قد یگِدِیگِه خُو مُوگفت: "آیا پِگ امزی کسا که دَرَوْ توره مُوگیه از جَلِیلِیه نِیسته؟" ^٨ پس ای چطُورِ امکان دَرَه که هر کُدَم ازمو زِبُونِ اَصْلِي خُوره از دانِ ازیا مِیشَنَوی؟ ^٩ مو خُو مرَدَمَای پارت، ماد، ایلام و باشِنَدَه هَای بَین الْنَّهَرَین، يهودیه، کَبَدِوکِيه، پونطُس و آسیا، ^{١٠} فَرِیجِیه، پَمْفِیلِیه، مِصر، مناطِق لَبِیی نزدِیکِ قَبْرِوان وَ مرَدَمَای شارِ رُومَ آستَى، ^{١١} ام يهودی بِزَاد وَ ام کسای که دِینِ يهود ره قَبْول کده. بعضی هَای مو ام کریتی وَ عَرَبَ آستَى، پِگ مو مِیشَنَوی که آمیَا دَزِبُونِ اَصْلِي خودون مو از کارای بُزُرگِ خُدا گَپ مِیزَنَه! ^{١٢} وَ تمامِ مرَدُمَ دَحَالِیکه گِیج وَ مو شُدَه مَنَدَه از یگِدِیگِه خُو پُرسان کده مُوگفت: "ای چَی حِسابَه؟" ^{١٣} لیکِن بعضی کسای دِیگه رِیشَخَندَی کده مُوگفت: "آمیَا غَرَقِ نَشِه شَرَابِ تازَه آستَه!"

پیغامِ پِتْرُس

^{١٤} مِكْمِ پِتْرُس قد امْزُو یازده یارِ دِیگه ایستَه شُدَه دَآوازِ بِلَند گُفت: "آی مَرَدَای يهودی وَ پِگِ باشِنَدَه هَای اورُشَلَیم، بِلِلَید که ای ره دَزْ شُمَوْ بُقَامَنَم وَ دَتُورَای مه خُوب گوشِ بِدید! ^{١٥} او رَقِیَکِه شُمَوْ گُمان مُونَید، امی آدما نَشَه نِییه، چراکه ساعتِ سِوَم روزَ آستَه! ^{١٦} بلکِه ای امُو چِیز آستَه که یوئیل پَیغمَبر پِیشَگویی کده گُفت:

^{١٧} خُداونَد مُوگیه:

"ما دَ روزَی آخر روح خُوره دَبَلِه تمامِ بَشَر قرار مِیدِیم

و باچَه هَا و دُخْتِرُون شُمَوْ نَبُوت مُونَه

و جوانای شُمَوْ رویا هَا

و آدمای پِیر شُمَوْ خاو هَا مِینَگَرَه.

^{١٨} آرَه، دَأُو روزا حتَی دَبَلِه غُلامَا وَ كَنِیَزَای خُو

ما روحِ خُوره قرار میدیم

و تمامِ ازوا نبُوت مُونه.

^{۱۹} ما باله د آسمو چیزای عجیب

و تاه د زمی معجزه های کنه ظاهر مُونم،

یعنی خون و آتش و دود تریک.

^{۲۰} پیش از آمدون روز بُرگ و پُرجلال خداوند،

آفتو تریک مُوشه و ماہتو د خون تبدیل مُوشه.

^{۲۱} لیکن هر کسی که نامِ خداوند ره بِگیره،

او نجات پیدا مُونه. ”

^{۲۲} او مردای إسرائیلی، د تواری مه گوش بِدید! خودون شُمو میدَنید که عیسای ناصیری مردی بُود که خُدا د وسیله کارای پُر قدرت، چیزای عجیب و معجزه های که خُدا از طریق ازو د مینکل شُمو انجام دد، او ره تَصدیق کد.

^{۲۳} امی آدم د مُطابِق نَقْشِه که تعیین شُدد و خُدا از پیش میدَنیست دَز شُمو تسلیم دده شُد و شُمو او ره د دستِ مردمای بی خُدا د صلیب میخکوب کده کُشتید. ^{۲۴} مگم خُدا او ره از عذابِ مرگ خلاص کده دُوباره زنده کد،

چراکه هیچ امکان نَدَشت که مرگ او ره د چنگال خُونِگاه کنه. ^{۲۵} چون داود پیغمبر د باره مسیح مُوگیه:

‘ما خداوند ره همیشه پیش رُوى خُواضر مینگرم؛

ازی که او د دستِ راست مه یه، ما از جای خُوتکان نَمُوخورم.

^{۲۶} امزی خاطر دل مه خوش آسته

و زیون مه خوشحالی مُونه

و جان مه ام دَ أُمِيد زِندگی مُوكُنَه،

^{٢٧} چُون تُو جان مَرَه دَ عَالَم مُرَدَه هَا ايله نَمُونَى

و نَمِيلَى كَه مَرَد و فَادَار تُو دَ قَبْر گَنْدَه شُنَه.

^{٢٨} تُو رَاه زِندگَى رَه دَز مَه ياد مِيدَى

و قد حُضُور خُو مَرَه پُر از خوشى مُونَى.

^{٢٩} بِرا رو، دِ اطِمِينَانِ كَامِلَ دَز شُمَو مُوگَمَ كَه بايَه كَلُون مو دَأُود مُرَد و دَفَن شُد و قَبْر شَى تا إِمْرَوز دَ بَيْنِ ازمو مَوْجُود آسَتَه. ^{٣٠} مَكْمَ او يِكَ پِيغَمِير بُود و مِيدَنِست كَه خُدا قَسَم خورَدَه قد شَى قَوْل دَدَه كَه يِكَي از آولَادِه ازُو رَه دَ تَخَتِ پادشاهي شَى بِشَنَدَنَه. ^{٣١} او آيَنَه رَه مِيدَنِست و دَ بَارَه زِندَه شُدُونِ مسيح گُفت كَه او دَ عَالَم مُرَدَه هَا نَمُونَه و جَسَد شَى ام دَ قَبْر گَنْدَه نَمُوشَه. ^{٣٢} پَكَ مو شاهِدَه آسَتَى كَه خُدا امي عيسَى رَه دُوبَارَه زِندَه كَد. ^{٣٣} پَس او سَرِيلَند شَدَه دَ دِسَتِ راستِ خُدا قرار گِرفَت و روح الْقُدُس وَعده شَدَه رَه از آئِه آسمانِي حاصلَه دَز مو بِخَشِيد. امي رَه كَه شُمَو مِينَگِيرِيد و مِيشَنَويِد نِعمَتِ روح الْقُدُس آسَتَه. ^{٣٤} چُون دَأُود پِيغَمِير دَ آسمَو نَرَفَت، مَكْمَ خَود شَى گُفت:

”خُداونَد دَ مَوَلَى مَه گُفت:

”دَ دِسَتِ راستِ مَه بِشَى

^{٣٥} تا دُشَمنَى تُو رَه تَى بِيَسِى زِيرِ پَاي تُو جور كُم.“

^{٣٦} پَس تمامِ قَوْمِ إِسْرَائِيلَ دَ يِقِينِ اى رَه بُفَامَه كَه خُدا عيسَى رَه ام مَوَلَى و ام مسيح تعَيِّنَه كَدَه، امي عيسَى رَه كَه شُمَو دَ صَلِيب مِيخَكُوب كَدِيد.“

^{٣٧} و خَتَيِّكَه مرَدُم اى گَپَا رَه شِنَيَد، اونَا جِكْرُخُون شَدَه از پِتَرسُوس و دِيَكَه رَسُولًا پُرسَانَ كَد: ”بِرا رو، آلى مو چِيزَ كَار كَنى؟“ ^{٣٨} پِتَرسُوس دَزَوا گُفت: ”هَر كُدَم شُمَو بَايد تَوِيه كَنىَد و دَ نَامِ عيسَى مسيح غُسلِ تَعْمِيد بِكِيرِيد تاكَه گُناهَاهَي شُمَو بِخَشِيدَه شَنَه و نِعمَتِ خُدا، يَعْنِي روح الْقُدُس رَه حاصلَه كَنىَد.“ ^{٣٩} چُون امي وَعده بلَدَه شُمَو و بِچِيكَچَاهِي شُمَو و بلَدَه تمامِ كَسَاهِي كَه دُور آسَتَه، دَدَه شَدَه، يَعْنِي بلَدَه تمامِ كَسَاهِي كَه خُداونَد، خُداي مو اونَا رَه سُونَه خَود كُوى

مۇنە.^{٤٠} و پِتْرُس قد غَدَر توره های دِیگه دَزوا شاھِدی دَد و اُونا ره نصِيحةٍ کده گفت: "خودگون خُوره ازى نسلِ شَرِير نِجات بِدِيد." ^{٤١} پس کسای که توره های پِتْرُس ره قبُول کد غُسلِ تعَمِيد گِرفت و دَمْزُو روز تقریباً سِه هزار نفر دَجِم ازوا إضافه شُد.^{٤٢} اُونا يکسره دَ تعَلِيمِ رسُولا گُوش مِیدَد، دَبَين خُورفاقت دَشت، مَراسِم ٹوٹه کدون نان آخِر عیسیٰ مسیح ره دَ جای میورَد و دَوامدار دُعا مُوكَد.^{٤٣} پِكِ مردم ره بِیم گِرفتُد، چُون مُعجزه های غَدر و علامَت های بُزرگ دَ وسیله رسُولا دَ مردم نِشو دَدَه مُوشَد.^{٤٤} تمام ایماندارا یگجاي و دَ هر چیزی یگدیگِه خُوشِریگ بُود.^{٤٥} اُونا مُلك و دارایی خُوره سَودا کده دَ هر کس دَ اندازه ضرورَت شی تقسِیم مُوكَد.^{٤٦} هر روز اُونا دَ یگ دِل دَ خانِه خُدا جَم مُوشَد و خانه دَ خانِه مَراسِم ٹوٹه کدون نان آخِر عیسیٰ مسیح ره دَ جای میورَد. اُونا نان خُوره دَ خوشی و دِل پاک قَتَى خورده^{٤٧} خُدا ره سِتایش مُوكَد و دَ دِل پِكِ مردم شییرین شُدَه مورَفت. و خُداوند هر روز تعدادِ مردمای نِجات یافته ره دَ جَم ازوا إضافه مُوكَد.

شفای آدمی که لَنگ دَ دُنيا آمدَد

^٣ یگ روز ساعتِ سِه بَجه بعد از چاشت، دَ وختِ دُعا، پِتْرُس و یوختا دَ خانِه خُدا رفت. دَ او غَیت یگ آدم که از کَوِره آپه خُولَنگ دَ دُنيا آمدَد، آورده شُد. اُمو آدم ره مردم هر روز دَ خانِه خُدا دَ دَم درگه که دَ نام «نُورِیند» بُود، میایشت تا از مردمای که دَ خانِه خُدا میمَد، خَیرات طلب کُنه.^{٤٨} وختی او نفر پِتْرُس و یوختا ره دِید که اُونا میخایه دَ خانِه خُدا داخل شنه، او ازوا خَیرات طلب کد.^{٤٩} لیکن پِتْرُس و یوختا سُون شی تیز توخ کده گفت: "سُون ازمو سیل کُو!"^{٥٠} گدایگِر لَنگ سُون ازوا توخ کد و تَوقُع دَشت که ازوا یگو چیز بِکِیره.^{٥١} مَگم پِتْرُس دَزشی گفت: "ما طِلّا و نُقره نَدرُم، ولے چیزی که دَرُم دَز تُو مِیدُم: دَ نام عیسیٰ مسیح ناصِرى، باله شُو و راه بُورو!"^{٥٢} و پِتْرُس از دِستِ راستِ ازو گِرفته او ره از جای شی باله کد. بُجُلَکا و پایای شی فَوری قُوت پَیدا کد^{٥٣} و او وُچَت دَ سرِپای خُو ایسته شُدَه دَ گشتو شُد. وختیکه او قد ازوا دَ خانِه خُدا داخل مُوشَد، او راه مورَفت و قِرتَک و خیزَک زَده خُدا ره حمد-و-ثنا مُوكَفت.^{٥٤} وختی تمام مردم دِید که او راه مورَه و خُدا ره سِتایش مُونە،^{٥٥} اُونا او ره شِنَخت که او اُمو آدم آسته که دَ دَم درگه «نُورِیند» خانِه خُدا میشِشت و خَیرات طلب مُوكَد. پس اُونا از کاری که قد ازو شُدد، تعجب کد و خَیره مَند.

^{١١} دَ حالِیکه او خود ره دَ پِتْرُس و یوختا چسپَنَدَد، تمام مردم یگجاي طرف بَرنِدَه که بَرنِدَه سُلیمان گُفته مُوشَد، دَوید و خَیرَت زَده دَ گردِ ازوا جَم شُد.^{١٢} وختی پِتْرُس امی کار مردم ره دِید او دَزوا گفت: "ای مردای إسرائیلی، چرا دَ ای کار تعجب مُونید و سُون مو دَ دِقت توخ مُونید، فقط بُگی که مو دَ قُدرت و دِینداری خود خُو ای آدم ره دَ گشتو

آورده بشی؟ ^{۱۳} خدای ابراهیم، اسحاق و یعقوب، یعنی خدای بابه کلونای مو، خدمتگار خو عیسیٰ ره سر بلند کد، امو ره که شمو د دست پیلاتس تسليیم کدید تا د مرگ محکوم شنه، اگرچه پیلاتس میخاست او ره ايله کنه، مگم شمو او ره د حضور پیلاتس رد کدید. ^{۱۴} دزی رقم شمو شخص مقدس و عادل ره انکار کدید و خاستید که د جای ازو یگ مرد قاتل بلده شمو آزاد شنه. ^{۱۵} شمو سرچشمه زندگی ره کشتید، لیکن خدا او ره از بین مرده ها زنده کد و مو شاهد ازی استی. ^{۱۶} امی آدم ره که شمو مینگرد و مینخشید د وسیله ایمان خو د نام عیسیٰ فوت ایسته شدو ره پیدا کده. آرس، نام عیسیٰ و ایمان دزو امی آدم ره کاملاً شفا دده و ای فعلًاً د پیش روی پگ شمو ایسته يه.

^{۱۷} براو، ما میدئم که رفتار شمو و رهبرای شمو از رُوی نادانی بوده. ^{۱۸} مگم خدا پیش از پیش از زیون پیغمبرای خو پیشگویی کده بود که مسیح باید رنج بینگره و دمزی رقم پیشگویی پوره شد. پس توبه کنید و سون خدا پس بیید تا گناه های شمو پاک شنه ^{۱۹} و ختای راحتی و تازگی از طرف خداوند نصیب شمو شنه و خدا، مسیح وعده شده یعنی عیسیٰ ره دز شمو ری کنه. ^{۲۰} ولے او باید د عالم باله بمنه تا زمانی که تمام چیزا تازه-ونو شنه، امو رقم که خدا غدر وخت پیش از دان پیغمبرای مقدس خو اعلان کدد. ^{۲۱} چون موسیٰ پیغمبر گفت: 'خداوند، خدای شمو از مینکل براون خودون شمو یگ پیغمبر ره که رقم ازمه آسته، بلده شمو ری مونکه و هر چیزی که او دز شمو مونگیه شمو باید گوش کنید. ^{۲۲} هر کسی که از آید امزرو پیغمبر نشننه، او کاملاً از قوم خو ریشه کن موشه.' ^{۲۳}

^{۲۴} و تمام پیغمبرا از سموئیل گرفته تا دیگه پیغمبرای که بعد ازو آمد، د باره امزی روزا پیشگویی کده. ^{۲۵} شمو اولاد پیغمبرا استید و د عهدی که خدا قد بابه کلونای شمو بسته کد، شربگ استید. چون خدا د ابراهیم گفت: تمام مردم رُوی زمی از نسل ازثُو خیر-و-برکت مینگره. ^{۲۶} امزی خاطر خدا خدمتگار خو عیسیٰ ره سر پای کده اول او ره پیش از شمو ری کد تا شمو ره خیر-و-برکت دده هر کدم شمو ره از راه های شیطانی شمو پس بیره. "

پترس و یوحنا د برابر شورای یهود

^۱ اونا قد مردم دَرَوْ توره مُوكفت که پیشوایو و قومدان مُحافظین خانه خدا و بعضی از صدوقی ها د سر ازوا آمد. ^۲ اونا غَدر قار بود، چراکه پترس و یوحنا د مردم تعليم مید و اعلان کده مُوكفت که " د نام عیسیٰ مرده ها از مرگ دُباره زنده موشه." ^۳ پس اونا ره دستگیر کده تا روز دیگه د بندی خانه آندخت، چراکه امو غیت شام بود.

^۴ مگم غَدر کسای که پیغام ره شنید، ایمان آورد و تعداد ایماندارای مرد د حدود پنج هزار نفر رسید. روز دیگه شی رهبرا، ریش سفیدا و عالیمای دین د اورشلیم جم شد. ^۵ پیشوای بزرگ د نام حتاً قد قیافا، یوحنا، سکندر و دیگه نفرای که پگ ازوا از خانوار پیشوای بزرگ بود، ام د اونجی حضور داشت. ^۶ اونا پترس و یوحنا ره د غول مجلس

آورده ازوا سوال کد: "شمو چی قدرت و نام کی امی کار ره کدید؟"^{۱۰} اوخته پترس از روح القدس پر شده دزوا گفت: "آی رهبرا و ریش سفیدای قوم،^{۱۱} اگه امروز از خاطر کار نیک که د حق یگ آدم لنگ انجام دده شده از مو بازخاست موشه و پرسان موشه که چی رقم ای آدم شفا یافته،^{۱۲} بیلید که د پگ از شمو و تمام قوم اسرائیل معلوم شنه که ای آدم د نام عیسی مسیح ناصری که شمو او ره د صلیب میخکوب کدید، ولے خدا او ره دوباره زنده کد، جور و تندرست د پیش شمو ایسته یه.^{۱۳} امی عیسی

سنگی که شمو استاکارا دور پورته کدید،

سنگ مهم تادو شده.

^{۱۴} غیر از او هیچ کس دیگه نجات دده نمیتنه، چون د تی آسمو هیچ نام دیگه د بین مردم دده نشده که مو د وسیله ازو نجات پیدا کنی.

^{۱۵} ختیکه اونا دلیری پترس و یوختا ره هوش کد و فامید که اونا آدمای ناخانده و بساد آسته، حیرو مند و شستخت که اونا قد عیسی بوده.^{۱۶} مگم وختی اونا آدم شفایافته ره د پالوی پترس و یوختا دید، د خلاف ازوا هیچ چیز گفته نتنیست. پس امر کد که اونا از مجلس شورا بُر شنه و خودگون شی قد یگ دیگه خو د مشوره شد و گفت: "قد ازی آدما چی کار کنی؟ چون امی معجزه کنه که د وسیله ازوا انجام شده، تمام مردم او روشنیم از شی خبر آسته و مو ام انکار نمیشی.^{۱۷} مگم بلده ازی که امی گپا د مینکل مردم کلوتر تیت نشنه، مو باید اونا ره آخرار بدی که د نام عیسی دیگه قد هیچ کس گپ نزنه.^{۱۸} پس اونا ره دوباره د مجلس طلب کده گفت: "دیگه هرگز د نام عیسی گپ نزنید و تعلیم ندید!^{۱۹} لیکن پترس و یوختا د جواب ازوا گفت: "خدون شمو قضاوت کنید که د نظر خدا کدم چیز درست آسته: اطاعت از خدا یا اطاعت از شمو؟^{۲۰} مو از گفتون چیزای که دیده و شنیده نمیتنی که دان خو ره بند کنی."

^{۲۱} پس از تهدید کلو اونا ره آزاد کد، چون بلده سزا ددون ازوا کدم دلیل پیدا نتنیست و ام بخاطر مردم، چراکه تمام مردم خدا ره بلده چیزی که واقع شده بود، شکر موغفت،^{۲۲} چون آدمی که معجزه شفا د حق شی انجام شدد، عمر شی از چل سال کلوتر بود.

^{۲۳} ختیکه پترس و یوختا ایله شد، اونا د پیش دوستای خو رفت و چیزای ره که پیشوایون عالی مقام و ریش سفیدا

ذَرُوا گُفْتُد، َذَ دُوستَى خُو نَقْلَ كَد.

٢٤ وختى ايماندارا امى تورا ره شىنىد، أونا يكجاي آواز خُوره بِلنَدَ كَد وَ پِيشِ خُدا دُعا كَده گُفت: "آى خُداوندِ قادرِ مُطلق، آى خالقِ آسمو و زمى و دريا و هر چيزى كَه َمَنِه ازوا آسته، ٢٥ تُو َذَ وسِيلَه روحُ الْقُدْس از زِيونِ بابه کلون مو داُود خِدمتگار خُو گُفتى:

چرا مِلَّت هَا َذَ شورِشَ أَمَدَه

وَ قَوْمَ هَا عَبَثَ نَقْشَه مِيَكَشَه؟

٢٦ پادشايون زمى باله شُدَه و حُكمَانا يكِيدَست شُدَه

َذَ ضِيدِ خُداوند وَ َذَ ضِيدِ مَسَحَ شُدَه اُزُو قَرَارَ گِرَفَتَه؟

٢٧ واقعاً، آى چيزا دَمَزى شار رُخ دَد: هيروديس پادشاه و پُنطيوس پيلاسْ حُكمَانَ قد مردمَائِي غَيْرِ يَهُود وَ بَنِي إسرائيَلَ َذَ خِلافِ خِدمتگارِ مُقدَّس تُو عِيسَى كَه تُو اُو ره اِنتخابَ كَدى يكِيدَست شُدَه، ٢٨ تا هر چيزى ره كَه قُدرَت و إرادَه از تُو پِيشِ از پِيشِ تعِينَ كُدد، پُوره كَنه. ٢٩ وَآلَى، آى خُداوند، مُتَوَّجَه تهديَدَاهِ ازوا شُو وَ َذَ خِدمتگارَاهِ خُو جُرَاتِ كَامِلِ بِدَى تا پِيَغَامْ تُو ره إعلانَ كَنه، ٣٠ حِينَ كَه تُو دِسَت خُوره بَلِدَه شَفَاهَ دَدَو دِرازِ مُونَى وَ مُعْجَزَهَاهَا وَ چِيزَاهِي عَجِيبَ َذَ نَامِ خِدمتگارِ مُقدَّس خُو عِيسَى نِشو مِيدَى. ٣١ وَختىكَه أونا از دُعا كَدو خلاصَ شُدَه، امُو خَانَه كَه أونا ذَرَشَى جَمِ بُود لَرِزِيدَ وَ پِگِ ازوا از روحُ الْقُدْس پُر شُدَه پِيَغَامْ خُدا ره َذَ دَلِيرَى َذَ مَرْدَمَ رَسَندَ.

٣٢ تمامِ ايماندارا يك دِل وَ يك نظر بُود وَ هيچِ كَس دارايَى خُوره از خود خُو نَمِيدَنَست، بَلِكَه پِگ شَى َذَ دارايَى يكِيدِيَگَه خُوشِيَگَه بُود. ٣٣ رسُولا َذَ بارَه زِنَدَه شُدَونِ مَوَلَا عِيسَى قد قُدرَتِ كَلو شاهِدَى مِيدَد وَ فَيَضْ-وَبَرَكَتِ كَلو َذَ سِرِ پِگ ازوا بُود. ٣٤ َذَ مِينَكِلِ ازوا هيچِ كَس مُحتاجَ نَبُود، چراكه هر كُدَم شَى زَمَى يَا خَانَه كَه دَشت، سَوَدَا مُوكَد وَ پِيَسِيه شَى ره آُورَدَه ٣٥ َذَ رسُولا تسلِيمِ مُوكَد تا َذَ هر كَس َذَ اندازِه ضُرُورَت شَى تقسيَم شَنَه. ٣٦ دَمَزى رقمِ يوُسُفَ كَه از طَافِيَه لَاوَى وَ مُتَوَلِّه قِبَرِس بُود وَ رسُولا اُو ره «بَرَنَابَا» يعنى «تشويقَگَر» مُوكَفَت، ٣٧ يك ٹوُله زَمِينَ خُوره سَوَدَا كَد وَ پِيَسِيه شَى ره آُورَدَه َذَ پِيشِ پَايِ رسُولا ايشَت.

^٥ مگم يگ نفر د نامِ حنانيا قد خاتون خُو سَفِيره يگ ٹوٹه زمي ره سَودا کده يگ مقدار پيسه شى ره د مشوره خاتون خُونگاه کد و باقى مَنِدَه شى ره اُورده د پيش پاي رسولا ايشت. ^٦ اوخته پترس گفت: "حنانيا، چرا ايشتى شيство د دل تُو جاي بِكِيره تا د روح الْقُدُس دروغ بُكَى ويگ مقدار پيسه زمي ره نگاه کنى؟ ^٧ د غَيْتِيكَه زمي سَودا نَشَدَه بُود، آيا مالِ خود تُوبَود؟ و بعد ازو که سَودا شُد، آيا اخْتِيار پيسه شى ره نَدَشَتَى؟ پس چرا اى چيزا ره د دل خُو جاي دَدَى؟ تُو تنها دَز مو دروغ نَكْفَتَى، بلکَه دَحْدَأ ام دروغ گفتَى." ^٨ امى که حنانيا اى گپا ره شينيد، او د زمي اُفتَد و دَم شى بُرَشَد. و تمامِ کسای که دَبارِه امزى واقعه شِنِيد غَدَر ترسِ كَثَه دَبَلَه ازوا قرار گِرفَت. ^٩ بعد اُرو جوانا باله شُدَه او ره دَكَفَن پيچ کد و د بُرُو بُرَدَه دَفَن کد.

^{١٠} تقرِيباً سِه ساعت بعد خاتون شى که ازى واقعه بَسِ خبر بُود، دَأونجى آمَد. پترس ازو پُرسِيد: "دَز مه بُكَى، آيا شُمو زمِين خُو ره واقعاً دَمَزِي قِيمَت سَودا کَدِيد؟" او گفت: "آر، دَمَزِي قِيمَت." پترس دَزُو گفت: "چطور شُمو يگدِست شُدِيد تا روح خُداوند ره آزمایش کَيَيد؟ اونه، کسای که شُوي تُو ره دَفَن کده، پایايان ازوا دان درگه رسِيد و اونا تُو ره ام مُوبَره." ^{١١} دَامْزُو لَحظَه او ام دَپِيش پاي پترس چپَه شُدَه مُرَد. وختيکه جوانا داخلِ خانه شُد، دید که او ام مُرَد. پس چنانِه شى ره بُرَدَه دَپَالُوي شُوي شى دَفَن کد. تمامِ جماعتِ ايماندارا و کسای که دَبارِه امزى واقعه ها شِنِيد، دَبَلَه ازوا غَدَر ترسِ كَثَه قرار گِرفَت.

^{١٢} غَدَر مُعْجزَه ها و چيزا عَجِيب دَوسِيله رسولا دَمِينَكَلِ مَرَدُم انجام دَدَه مُوشَد و تمامِ ايماندارا دَ«بَرَندَه سُليمان» جَم مُوشَد. ^{١٣} مگم هيچ کس دِيگَه غَيْر از ايماندارا جُرَات نَدَشَت که قد رسولا يگجايان شُنه، ليکِن مَرَدُم اونا ره غَدَر احْتِرام مُوكَد. ^{١٤} ولے بازَم تعدادِ کَلُونِ مَرَدَا و خاتونو دَجَم ايمانداراي مَولَه عَيْسَى اضافه شُدَه مورَفت. ^{١٥} کار د جاي رسِيد که مَرَدُم ناجوراي خُو ره دَكُوجَه ها مَيُورَد و دَبَلَه چارپايى ها و توشكَا مى ايشت تا وختيکه پترس تير شُنه حدِ اقل ساپِه شى دَبَلَه يَكْوَن ازوا بُفَته و اونا شفا پَيَدا کَنه. ^{١٦} امچنان جمعيَتِ كَنه مَرَدُم از آغيلاي اطرافِ اورُشَليم جَم مُوشَد و ناجورا و چندى هاي خُو ره مَيُورَد و پَكَ ازوا شفا پَيَدا مُوكَد.

^{١٧} مگم پيشواي بُرَگ و همِدِستاي شى که از فِرقَه صُدوقيا بُود، از حَسَدَه جوش آمَد ^{١٨} و رسولا ره دِستِگِير کده دَبَندي خانِه عُمومي آندخت. ^{١٩} ليکِن دَامْزُو شاو ملايِكَه خُداوند درگه هاي بَنَدِي خانه ره واز کد و اونا ره بُرَ کده گفت: ^{٢٠} "دَخانِه خُدا بُرِيد و دَأونجى ايسته شُدَه تمامِ پيغامِ امزى زِندَگَى نَو ره مُكَمَل دَمَرَد اعلان کَنِيد." ^{٢١} اونا امى تورا ره شِنِيد و صباحِ گاه دَخانِه خُدا داخلِ شُدَه دَتعلِيم دَدو شُروع کد.

وختیکه پیشوای بُزرگ قد تمام دار-و-دسته خو جم شد و اونا پک اعضای شورای یهود و ریش سفیدای بنی اسرائیل ره کُوی کد، اوخته چند نفر ره دَبَندی خانه رَبِی کد تا رسُولا ره گرفته بیره.^{۲۲} مگم وختی مامُورا دَبَندی خانه رسید، اونا ره دَأُونجی پیدا نَتَبَنَت. اوخته مامُورا پس آمد و دَزوا خبر دَدَه گفت:^{۲۳} "درگه های بَندی خانه مُکمل کیب بُود و پیره دارا دَم درگه ها پیره داری مُوكد. مگم وختیکه أُونجی ره واز کدی، هیچ کس ره دَمَنه شی پیدا نَتَبَنَت." قومَنَدانِ مُحَافِظِينِ خانه خُدا و پیشوایونِ عالی مقام امی توره ها ره شِنَید، اونا لال شُده مَند که "آخر ازی چی مُوشه؟"^{۲۴} دَامُزو لَحظه یگ نفر خبر اُورده گفت: "امُو کسای ره که شُمو دَبَندی خانه آندخته بُودید، دَخانه خُدا ایسته شُده و دَرَو دَمردم تعلیم میدیه."^{۲۵} اوخته قومَنَدان قد پیره دارا رفت و اونا ره بِدُون جَبَر-و-سِتم آورده، چون اونا میترسید که مردم اونا ره بخارطِ رسُولا سنگسار نکنه.^{۲۶} پس اونا ره اُورده دَپیش شورا ایسته کد و پیشوای بُزرگ ازوا پُرسان کده گفت:^{۲۷} "آیا دَز شُمو سخت حُکم نَکدی که دَای نام دیگه تعلیم نَدید؟ لیکن شُمو تمام شار اوُرشَلِیم ره قد تعلیم خُو پُر کدید و قَصَد دَرِید که خُون ازی آدم ره دَگردون ازمو بِنَذَرِید!"^{۲۸} پُترس و دیگه رسُولا د جواب ازوا گفت: "مو باید از خُدا اطاعت کنی، نَه از انسان.^{۲۹} خُدای بابه کلوانای مو امُو عیسی ره که شُمو د صلیب باله کده کُشتید، دُوباره زِنده کد. خُدا او ره سرِبلند کد و دَدِست راست خُو شَنَده سرور و نجات دِهنده تعیین کد تا دَقَوم اسرائیل فرصت بِدیه که تویه کُنه و گُناهای شی بخشیده شُنه.^{۳۰} مو شاهِدای امزی چیزا استی، امُو رقم که روح الْقُدُس ام شاهِد اَسته و خُدا روح الْقُدُس ره دَامُزو کسای دَدَه که از شی اطاعت مُوكنه."

اعضای شورا از شنیدون امزی توره ها دَسِرِ قار آمَدَه قَصَد کد که اونا ره بُکُشه.^{۳۱} لیکن دَشُورا یگ نفر فریسی دَنَامِ گَمالِیل که یگ عالمِ دین بُود و پک مردم دَزشی کلو احترام داشت، ایسته شُده امر کد که رسُولا ره بَلدِه چند لَحظه دَبُرو بُر کُنه.^{۳۲} بعد ازو دَنفرای شورا گفت: "او مردای اسرائیل، چیزی ره که شُمو قَصَد دَرِید دَ حق امزی مردا انجام بِدید دَباره شی احتیاط کُنید، چراکه چند وخت پیش یگ نفر دَنَام تیَّعُودا باله شُده ادعا کد که 'ما آدم بُزرگ اَسْتُ' و تقریباً چار صد نفر ام پیرو ازو شُد؛ لیکن خود شی کُشته شُد و پیروای شی تیتپَرَک شُد و او د هیچ برابر شُد.^{۳۳} بعد ازو، دَدورونِ روزای سرشماری یگ شخص دَنَام یهودای جلیلی باله شُد و یگ ڈَل ره رهبری کده شورِش کد. او ام کُشته شُد و تمام پیروای شی تیتپَرَک شُد.^{۳۴} و آلی دَز شُمو مُوگم که دَزی آدما کار نَدَشته بشید و اونا ره ایله کنید، چون اگه نقشه و کار ازوا از انسان بَشَه، خود بَخُود ناکام مُوشه.^{۳۵} لیکن اگه از طرفِ خُدا بَشَه، شُمو نَمیتَنید که دَم رُوی ازوا ره بِکِیَرید. احتیاط کُنید، نَشَنَه که شُمو خود ره قد خُدا دَجنگ بِنَذَرِید!"

أونا پَنِد ازو ره قبُول کد^{۳۶} و رسُولا ره اُورده قَمچی زَد و امر کد که دَنَام عیسی دیگه توره نَگیه. بعد ازو اونا ره

ایله کد.^{٤١} رسولا از شورا بُر شُد و خوشحالی مُوكد، چون اونا لایقِ ازی شِنَخته شُد که بخاطرِ نام عیسی^۱
توهین-و-تحقیر شُنَه.^{٤٢} اونا از تعلیم دَدو دست نکشید، بلکه هر روز دَخانه خُدا و ام خانه دَخانه وعظ مُوكد که
عیسی امُو مسیح وعده شُدَه آسته.

إنتخابِ هفت خِدمتگارِ نیک نام

^٤ دَمْزُو روزا وختیکه تعدادِ ایماندارا کلو شُدَه رَبی بُود، یهودیای یونانی زیو از یهودیای عِبرانی زیو گله کد که دَ
خاتُونوی بیوه یونانی زیو دَ تقسیمِ خوراکِ روزانه بَتَّوجُهی مُوشَه. پس امُو دوازده رسُول تمامِ یارا ره کُوی کده
گفت: "ای دُرُستِ نیبیه که مو از خاطرِ وظیفه نان دَدو دَ تعلیمِ دَدونِ کلامِ خُدا کم-تَوجُهی کنی. پس آی بِرارو، از
بینِ خودون خُو هفت مردِ نیک نام، پُر از روحِ الْقُدْس و پُر از حِکْمَتِ ره انتخابِ کُنید تاکه اونا ره بلده امزی کار
مُقرَر کنی.^٤ بعد ازُو مو وخت خُو ره دَ دُعا و دَ تعلیمِ کلامِ خُدا مَصَرَف مُونی." پس تمامِ جماعتِ ای پیشنهادِ ره
قبول کد و اینی نفرا ره انتخاب کد: استیفان، مردی که پُر از ایمان و روحِ الْقُدْس بُود، فیلیپس، پروخُرس،
نیکانور، تیمون، پرمیناس و نیکولاوس از شارِ آنطاکیه که از سابقِ دینِ یهود ره قبول کده بُود.^٥ اوخته جماعت
امی هفت نفر ره دَ رسُولا پیش کد و رسُولا دستای خُو ره دَ بَلَه ازوا ایشته دُعا کد.^٦ و کلامِ خُدا روز دَ روزِ دَ بین
مردمِ تیتِ مُوشَد و تعدادِ پیروا دَ اوُرُشَلِیم هر روز کلو شُدَه مورَفت و تعدادِ کلونِ پیشوایو ام تابعِ ایمان دَ عیسی^٧
مسیح شُد.

دِستگیر کدو و کُشتونِ استیفان

^٨ استیفان که پُر از فیض و قُوتِ خُدا بُود، دَ بینِ مردمِ چیزای عجیب و مُعجزه ها انجام دَد. مگم یک تعدادِ یهودیا
از جماعتی که دَ نام «جماعتِ آزادگان» مشهور بُود و از قیروان و سکندریه و یگ تعداد شی از قیلیقیه و آسیا بُود،
باله شُدَه قد استیفان جَر-و-بَحث ره شروع کد.^٩ مگم اونا تاب اُورده نَتَنیست، چراکه او قد حِکْمَت و قُدرتِ روح
توره مُوگفت.^{١٠} پس اونا چند نفر ره وادر کد که بُگیه: "مو شِنَیدی که استیفان دَ ضَدِ مُوسَى و خُدا تواری کُفر
آمیز مُوگفت." ^{١١} دَمْزی رقم اونا مردم، ریش سفیدا و عالمای دینِ یهود ره دَ شورش اُورد و اونا دَ سرِ ازُو آمده او
ره دِستگیر کد و بلده محکمه کدو دَ پیشِ شورا بُرد.^{١٢} اونا شاهدای دروغی تیار کُدد که گفت: "ای نفر یکسره دَ
ضَدِ امزی جای مُقدَّس و دَ ضَدِ شریعت توره مُوگه." مو دَ گوش خُو شِنَیدی که مُوگفت: عیسای ناصری امی
جای ره خراب مُونه و رسم-و-رَواجی ره که از مُوسَى بلده ازمو مَنَدَه، تغییر مِیدیه.^{١٣} تمامِ کسای که دَ امْزو

شورا حاضر بود، چیمای خُوره د استیفان دوختد و دید که رُوی شی رقم رُوی ملایکه الی شد.

۷ اوخته پیشوای بزرگ از استیفان پرسان کد: "آیا امی چیزا راست آسته؟" ^۸ استیفان د جواب شی گفت: "آی بارو و آته‌گو، گوش کنید! وختیکه با به کلون مو ابراهیم د بین النهرين زندگی موکد و تا او غیت د خران کوچ نکده بود، خدای پر جلال دزو ظاهر شده ^۹ گفت: 'وطن و قومای خوره ایله کو و د سرزمینی بورو که دز تو نشو میدیم.' ^{۱۰} پس ابراهیم از سرزمین کلدانیا کوچ کد و د خران جای-د-جای شد. بعد از مرگ آته شی خدا او ره د امزی سرزمی که شمو امروز د بله شی زندگی مونید کوچ دلچی کد. ^{۱۱} ولی د امزی زمان خدا حتی یگ جای پای امزی سرزمی ره ام دزو میراث نداد. مگم او د ابراهیم قول دد که خود شی ره و بعد از او اولاده شی ره صاحب امزی زمی جور کنه، اگرچه ابراهیم او غیت هیچ اولاد نداشت. ^{۱۲} خدا د ابراهیم اینی رقم گفت: 'اولاده تو د یگ ملک دیگه بحیث بیگنه زندگی مونه. مردم امزی ملک اونا ره مدت چار صد سال د غلامی آندخته عذاب مونه.' ^{۱۳} لیکن ما ملتی ره که اونا ره د غلامی میندازه، قضاؤت مونم. ^{۱۴} و خدا گفت: 'بعد ازو اونا ازو سرزمی برموشه و مره د امزی جای عبادت مونه.' ^{۱۵} د امزی غیت خداوند حکم ختنه ره د عنوان نشانی عهد خو د ابراهیم دد تاکه یگ نشانی عهد و قول د بین ازوا بشه. پس ابراهیم، وختیکه با چه شی اسحاق پیدا شد، او ره د روز هشتم ختنه کد. اسحاق آته یعقوب شد و یعقوب صاحب دوازده با چه شد که هر کدم ازوا کنه یگ طایفه شد.

۹ با چه های یعقوب قد یوسف بار خو همچشمی پیدا کد و او ره سودا کد که د مصر بردہ شنه، لیکن خدا قد یوسف بود ^{۱۰} و او ره از تمام غم و رنج های شی نجات دده د پیش فرعون پادشاه مصر حکمت و عیزت دد. پس پادشاه او ره حاکم مصر و رئیس تمام دربار خو تعیین کد. ^{۱۱} اوخته د تمام سرزمین مصر و کیان قحطی شدید و رنج-و-مُصیبت کته آمد، د اندازه که با به کلونای مو نان پیدا نمی‌تیست. ^{۱۲} وختی یعقوب شنید که د مصر غله یافت موشه، او دفعه اول با به کلونای مو ره د اونجی ری کد تا غله بخره. ^{۱۳} دفعه دوم که اونا رفت، یوسف خود ره د برارای خو شنخنند و فرعون از اصل-و-نسب یوسف خبر شد. ^{۱۴} بعد ازو یوسف نفر ری کد تا آته خو یعقوب ره قد تمام خانوار شی طلب کنه که جمله ازوا هفتاد و پنج نفر بود. ^{۱۵} د امزی رقم یعقوب کوچ کده د مصر رفت و او و با به کلونای مو د امونجی فوت کد. ^{۱۶} چنانه ازوا ره پس د شکیم برد و دمزو قبرستو که ابراهیم از با چه های حمور د شکیم خریدد، خاک کد.

۱۷ وختی زمان پوره شدون قول خدا که قد ابراهیم کدد نزدیک موشد، تعداد قوم مو د مصر غدر کلو شده مورفت، ^{۱۸} تا زمانی که یگ پادشاه دیگه که یوسف ره نمینخشید حاکم مصر شد. ^{۱۹} ای پادشاه قد قوم مو د چل-و-نیرنگ

رفتار کد و بابه‌کلونای مو ره اُوقَس مجبور کد که نِلغه های خُو ره د سر راه بیله تا بُمره.^{۲۰} دَمْزُو غَيْت مُوسَى دُنْيَا آَمَد. اُو دَنْظِرِ خُدا يِگ نِلغه نُورِتَند بُود و فقط سِه ماه دَخانِه آَتِه خُو پَرَوَرِش شُد.^{۲۱} وختِیکه اُونا اُو ره دَبُرو ایشت، دُخترِ فِرَغُون اُو ره از اُونجی گِرَفَت و مِثْلِ أَوْلَادِ خود خُو تَرَبِيه کد.^{۲۲} مُوسَى دَمُطَابِقِ تمامِ عِلْمٍ-و-فِرَهْنَگِ مِصْرِيَا تَرَبِيه شُد و دَكْفُتَر و كَرْدَار قَوِي بُود.

وختِیکه اُو چَل ساله شُد، يِگ روز دَدِل شِی گَشَت که دَدِيدُون بِرارِای خُو، يعني بَنِی إِسْرَائِيل بُوره.^{۲۳} اوخته اُو رفت و دَید که قد يکی امْزُو إِسْرَائِيلی ها بدرفتاری مُوشَه. پس مُوسَى دِفاعِ امْزُو نِفرِ إِسْرَائِيلی باله شُدَه نِفرِ مِصْرِي ره كُشت.^{۲۴} مُوسَى فِكَر کد که بِرارِای إِسْرَائِيلی شِی مُوفَامَه که خُدا اُو ره بَلَدِه نِجَات ازوا رَبِی کده، مِكْمَ اُونا نَمُوفَامِيد.^{۲۵} روزِ دِیگِه شِی دُو نِفرِ إِسْرَائِيلی ره دَحَالِ جِنَگ دِید و كَوْشِش کد که اُونا ره آَشْتَى بِدِيه، اوخته دَزَوا كَفَت: 'او آَلَيْكُو، شُمُو قد يِگِيَّيْكِه خُو بِرارِ أَسْتَيْد؛ چرا دَبَيْن خُو جِنَگ-و-جِنَجَال مُونِيد؟'^{۲۶} ليکِن اُمو نِفرِ که قد هَمَتَبَار خُو بَدِی مُوكَد، مُوسَى ره پس تِيله دَدَه گَفَت: 'تُو ره کَبِي دَسِرِ ازْمُو حَاكِم و قاضِي تعِيَّن کده؟'^{۲۷} آیا میخاهی که مَرَه ام رقمِ امْزُو مِصْرِي آلَى بُكْشِي که دِيرَوَز كُشتی؟^{۲۸} اوخته مُوسَى بِخاطِرِ امزِی توره دُوتا کده بَحَيَّثِ بِيَكَنَه دَسَرْزِمِينِ مِدِيَان جَاي-دَجَاي شُد و دَأَونجِي صَاحِبِ دُو باچَه شُد.

چَل سال بعد يِگ ملايکه دَبِيَابُونی که نِزَديِكِ کوه سِيَنا بُود، دَالَّنِيگِه آَتِش از يِگ بُوْثِه دَمُوسَى ظَاهِر شُد.^{۲۹} مُوسَى از دَدِيدُون امزِی مَنظَره تعَجُّب کد. وختِی نِزَديِكِ رفت که أَونجِي ره توخ کنه، آوازِ خُداوند آَمَدَه گَفَت:^{۳۰} ما خُدَاءِ بابه‌کلونای تُو أَسْتُم، خُدَاءِ إِبرَاهِيم، إِسْحَاق و يَعْقُوب.^{۳۱} مُوسَى از تِرس دَلَرَزَه آَمَد و جُرَات نَكَد که سُون بُوْثِه توخ کنه.^{۳۲} اوخته خُداوند دَزَو گَفَت: 'كَوْشِرِه خُو ره از پَاي خُو بُرْ كُو، چُون امي جَاي که تُو دَبَلَه شِي ایسته بَيِّ، زَمِينِ مُقدَّسَ أَسْتَه.^{۳۳} ما رَنْج-و-غَمَ قَوم خُو ره که دَمِصْرِ أَسْتَه دِيدِيم و نَالَه هَاءِي ازوا ره شِينِيدِيم و آَمَدِيم تاکه اُونا ره نِجَات بِدُم. آَلَى بِيه که تُو ره دَمِصْرِ رَبِي كُنم.^{۳۴} اُمو مُوسَى که بَنِي إِسْرَائِيل او ره رَد كُدد و دَزَشِي گَفَتْد 'تُو ره کَبِي دَسِرِ ازْمُو حَاكِم و قاضِي تعِيَّن کده؟' اُمو مُوسَى ره خُدا دَسِيلَه ملايکه که دَبُوْثِه دَز شِي ظَاهِر شُدَد بَحَيَّثِ حَاكِم و نِجَات دِهِنَدَه بَلَدِه ازوا رَبِي کد.^{۳۵} اُمو آدم بُود که اُونا ره از مِصْرِ بُرُو أَوْرد و چِيزِي عَجِيب و مَعْجزَهَا ره دَمِصْر و دَدِريَاي سُرخ و بَلَدِه چَل سال دَبِيَابُو انجام دَد.^{۳۶} اي اُمو مُوسَى بُود که دَبَنِي إِسْرَائِيل گَفَت: 'خُدا از مِينَكِلِ بِرارُونِ خُودُون شُمُو يِگ پَيَغْمِير ره که رقمِ ازْمَه أَسْتَه، بَلَدِه شُمُو رَبِي مُوكَنَه.^{۳۷} او اُمو كَسِي بُود که قد جماعتِ بَنِي إِسْرَائِيل دَبِيَابُو حُضُور دَشَت و ملايکه دَکوه سِيَنا قد اُزو و قد بابه‌کلونای مو توره گَفَت و او كلامِ زِنَدَگِي بَخَش ره گِرَفَت تا دَز مو بِرَسَنه.^{۳۸} مِكْمَ بابه‌کلونای مو نَخَاست که از آَيَد شِي شُنَه، بَلَكِه او ره رَد کد و دَدِل خُو آَرزو دَشَت که پس دَمِصْر بُوره.^{۳۹} اُونا دَهَارُون گَفَت: 'بَلَدِه ازْمُو خُدَائيونِي جور كُو که پِيش پِيش مو بُوره،

چون مو نَمِيَّدَنَى که دَ سِرِ امْزُو مُوسَى که مو ره از سَرِزَمِينِ مصر بُرُو أُورَدَه، چِيز خيل آمَدَه.^{٤١} و دَمْزُو روزا أُونَا يِك بُت دَ شَكْلِ گوسلَه جور کده بَلَدِه شَي قُربانِي کد و بَلَدِه چِيزِي که کارِ دِستَاي ازوا بُود، جشن گِرفَت.^{٤٢} مَگم خُدا ازوا رُوي گردو شُدَه أُونَا ره دَ حَالِ خودون شَي ايشَت تا لشَكْرِ آسمُو ره پَرِسَتِشَ كُنه. امُورِقَم که دَكتَابِ آنَبِيا نوشته شُدَه:

أَيْ خَانَوارِ إِسْرَائِيلُ، دَ دَورُونِ چِل سَالَ کَه دَ بِيَابُو بُودَيدَ،

آيا شُمو قُربانِي ها و هديه ها بَلَدِه مَه تقدِيمَ كَدِيدَ؟

نَه، بَلَكِه شُمو جايِگاه مولِك و سِتَارِه خُدَيِ خُو رِفَان ره قد خُو بُرِدَيدَ^{٤٣}

يعنى بُت های ره که بَلَدِه پَرِسَتِشَ کدو جور کده بُودَيدَ.

امزى خاطر ما شُمو ره دَ او طرفِ شارِ بايُلِ پورته مُونُمَ.^{٤٤}

جايِگاه صندوقِ شهادَت قد با به کلونَاي مو دَ بِيَابُو بُود. امُورِ جايِگاه ره مُوسَى دَ أمِرِ خُدا دَ مُطابِقِ نَمُونَه که دِيدَدَ،^{٤٥} جور کُددَ. امُورِ جايِگاه دَ با به کلونَاي مو رَسِيدَ و أُونَا او ره قد يوشَع دَ سَرِزَمِينَ وعدَه شُدَه أُورَدَ، دَ سَرِزَمِينَ مِلتَهای که خُدا أُونَا ره از پِيشِ رُوي با به کلونَاي مو هَي کد. و امُورِ جايِگاه تا زمانِ داوُود دَ اُونجَيِ مَنَد.^{٤٦} خُدا از داوُود خوش شَي آمَدَ و داوُود درخاست کد که دَزَشِي إجازَه بَلَدِه خُدَيِ يعقوب يِگ جايِگاه پَيَدا کنه.^{٤٧} مَگم سُليمان امُورِ کس بُود که بَلَدِه شَي خانَه آبَادَ کد.^{٤٨} و ليکِن خُدَيِ مُتعَال دَ خانَه هَاي جور شُدَه دِستِ إنسان زِندَگِي نَمُوكَه. امُورِ رقمِيَّكِه پَيغمَبر نوشته کده:

خُداونَد مُوگَه:^{٤٩}

”آسمُو تَختَ مَه آسَتَه و زَمَى تَىپَىيَ مَه.“

چَيِ رقم خانَه بَلَدِه مَه آبَاد مُونِيدَ يا چَيِ رقم جَايِ بَلَدِه إِسْتَراحتَ مَه؟

”آيا پَگِ امزِيا ره دِستِ خَودَ مَه جور نَكَده؟“^{٥٠}

^{٥١} آی مردمای سرکش که دل‌ها و گوشای شمو ناخننه آسته! شمو همیشه رقم با به‌کلونای خود روح‌القدس مخالفت مونید. ^{٥٢} کُدُم پیغمبر بود که از دستِ با به‌کلونای شمو آزار-و-آذیت ندیده بشه؟ اونا کسای ره که داره‌امدون امزو شخص عادل پیشگویی مُوكد، کشت. و دای زمان شمو مردم دامزو شخص خیانت کدید و او ره دقتل رسندید. ^{٥٣} امچنان شمو شریعتِ خُدا ره که دوسله ملایکه‌ها حاصل کدید، ازو اطاعت نکدید.

^{٥٤} قد شنیدون امزی تورا اونا غدر قار شد و دبله استیفان دندو خیی مُوكد. ^{٥٥} مگم استیفان پر از روح‌القدس، رُوى خُوا ره سُون آسمو کده جلالِ خُدا و عیسی ره که دستِ راستِ خُدا ایسته بود، دید ^{٥٦} و گفت: "تون کنید، آسمو واژ شده و «باقجه إنسان» ره که دستِ راستِ خُدا ایسته يه، مینگرم."

^{٥٧} د او غیت اونا د آوازِ بلند چیغ زده گوشای خُوا ره بند کد و پگ شی یگدست شده د سر ازو حمله کد و او ره از شار پر کده سنگسار کد. کسای که د ضد استیفان شاهیدی ددد، چپنهای خُوا ره د پیش‌پایی یگ جوان د نام شائول ایشت.

^{٥٨} د حالیکه اونا استیفان ره سنگسار مُوكد، او دعا کده گفت: "يا مولا عیسی، روح مره قبول کو." پس او زانو زد و د آوازِ بلند چیغ زده گفت: "آی خداوند، ای گناه ره د حساب امزا نکیر!" وختیکه ای گپ ره گفت دم شی پر شد.

۸ و شائول د قتل استیفان رضایت دده بود.

دمزو روز آزار-و-آذیت سخت د خلافِ جماعتِ ایماندارای اورشلیم شروع شد و تمام ایماندارا بغير از رسول‌الله عیسی مسیح د منطقه‌های یهودیه و سامرہ تیتپرک شد. ^٩ چند نفر از مردای پرهیزگار-و-خداترس چناره استیفان ره خاک کد و بدلیشی ماتم کته گرفت. ^{١٠} مگم شائول جماعتِ ایماندارا ره سخت عذاب مُوكد و خانه دخانه کشته، خاثنو و مردا ره کشیده د بندی خانه پورته مُوكد.

رسیدون خوشخبری د مردم سامرہ

^{١١} پس ایماندارای که تیتپرک شده بود، د هر جای که مورفت کلام ره تعییم میدد. ^{١٢} فیلیپس د شار سامرہ رفت و نجاتِ عیسی مسیح ره د مردم اونجی اعلان کد. ^{١٣} وختیکه مردم تورای فیلیپس ره شنید و معجزه‌های ره که او

انجام می‌داد هوش کد، پگ شی دِقتَ دَ تورای شی تَوجهَ کد، ^{۱۹} چون چنیات از جانِ غَدر کسای که جَندی بُود، دَ آوازِ بلند چیغَ زَده بُرْ شُد و خیلی آدمای شَل و لَنگ شفا پیدا کد. ^{۲۰} ازی خاطر خوشی کَته دَ او شار پیدا شُد.

دَ اونجی یگ آدم دَ نامِ شِمعون بُود که از وختای گاه دَ امزُو شار جادُوگری مُوكد و مردم سامِره ره دَ حَیرَتَ آندختَد و خود ره آدم بُزرگ نِشو می‌داد. ^{۲۱} پگ مردم سامِره از ریزه گِرفته تا کَته دَزُو گوش می‌داد و مُوكفت: "ای آدم نَمُونَه قُدرتِ امزُو خُدای آسته که 'قدرتِ بُزرگ' نام دَرَه." ^{۲۲} اونا دَزُو سخت تَوجهَ داشت، چون غَدر وخت مُوشَد که اونا ره قد جادُوگری خُو دَ حَیرَتَ آندخته بُود. ^{۲۳} مگ وختی اونا دَ خوشخبری فِيلِيپِس که او دَ بارِه پادشاهی خُدا و نامِ عیسیٰ مسیحِ اعلان کد ایمان اُورد، مردا و خائُنُوی ازوا غُسلِ تعَمِیدَ گِرفت. ^{۲۴} حتی خود شِمعون ام ایمان اُورد غُسلِ تعَمِیدَ گِرفت و بعد اُزو قد فِيلِيپِس مَند و از دیدونِ معجزه ها و کارای پُر قُدرت که انجام دَده مُوشَد حَیرَو مَندَد.

^{۲۵} وخَتِیکه رسُولا دَ اورُشَلِیم شِنید که مردم سامِره کلامِ خُدا ره قبُول کده، اونا پِترُس و يوحنَّا ره پیشِ ازوا رَبِی کد. ^{۲۶} اونا که دَ اونجی رسید، بلده ایماندارا دُعا کد تا روحُ الْقُدْس ره حاصل کُنه، ^{۲۷} چراکه روحُ الْقُدْس تا او غَیَّبتَ دَ هیچ کُدم ازوا نازِل نَشَدَ و اونا فقط دَ نامِ مَولا عیسیٰ غُسلِ تعَمِیدَ گِرفته بُود و بس. ^{۲۸} پس پِترُس و يوحنَّا دِستَای خُوره دَبله ازوا ایشت و اونا ام روحُ الْقُدْس ره حاصل کد. ^{۲۹} وختی شِمعون دید که قد ایشتونِ دِستَای رسُولا روحُ الْقُدْس بخشیده مُوشَه، او دَ پیشِ ازوا پیسَه اُورَدَه ^{۳۰} گفت: "ای قُدرت ره دَز مه ام بِدید، تا دَبله هرکسی که ما دِست بیلم او روحُ الْقُدْس ره حاصل کُنه." ^{۳۱} پِترُس دَ جواب شی گفت: "پیسَه تو قد خود تُوقتی نابُود شُنَه، چون تو فکر کدی که بخشش-ونعمت خُدا دَ پیسَه خَریده مُوشَه!" ^{۳۲} تو دَزی باره هیچ حصَّه و تقسیم نَدرَی، چراکه دل تو دَ حُضُورِ خُدا راست نیشه. ^{۳۳} پس، ازی شرارَت خُو تویه کُو و از خُدا درخاست کُو تا شاید امی نیَّتِ ناپاکِ دل تو بخشیده شُنَه، ^{۳۴} چون ما مِینگَرم که تو دَ تَلَخی حسادت و دَ چنگِ گُناه گِرفتار آستی. ^{۳۵} شِمعون دَ جواب شی گفت: "شُمو بلده مه دَ پیشِ خُداوند دُعا کُنید تا چیزای ره که دَ بارِه مه گُنید دَبله مه نَیَّه." ^{۳۶} پس پِترُس و يوحنَّا بعد از شاهِدی دَدو و گُفتونِ کلامِ مَولا عیسیٰ، ازونجی پس طرفِ اورُشَلِیم رَبِی شُد و دَ بَینِ راه دَ غَدر آغِيلَاي سامِره خوشخبری ره اعلان کد.

فِيلِيپِس و حَبْشَى

^{۳۷} اوخته یگ ملایکه خُداوند دَ فِيلِيپِس گفت: "باله شُو و سُون جنوب بُرُو، دَ امزُو راهِ بیابونی که از اورُشَلِیم طرفِ منطقه غَزه موره." ^{۳۸} پس او باله شُده رَبِی شُد. دَمُزو راه یگ آدمِ إتيوبیا که خِدمتگارِ دربارِ کَنداکه مَلِکِه إتيوبیا

بُود، سَفَر مُوكِد؛ أُو يِگ شخص قُدرتَمَنِد و مسْتُول تمام خَزانَه هَای کَنْداکَه بُود. أُو بلِدَه عِبَادَت دَ اورُشَلِيمَ آمَدَد و پس سُون وطن خُو مورَفت. أُو دَ گَادَى خُو شِستَه کِتابِ إِشعِيَا نَبَى رَه خَانَه رَبِي بُود. دَ امْزُو غَيْتَ روح الْقَدَسَ دَ فِيلِيپِيسْ گُفت: "دَ نَزِدِيكِ امْزُو گَادَى بُورُو و خَود رَه دَزُو بِچَسِپَن." ^{٣٠} پس فِيلِيپِيسْ دَويِدَه نَزِدِيكَ رَفَت و شِنِيدَه کَه از کِتابِ إِشعِيَا نَبَى مِيَخَانَه. اوختَه از شَى پُرسَانَ کَد: "آيا چِيزِي رَه کَه مِيَخَانَى مُوفَامِي؟" ^{٣١} أُو دَ جَواب شَى گُفت: "چَطُور مِيتَنِمْ بِقَامِمْ، اگَه کَس مَرَه راهْنَمَايِي نَكْنَه؟" اوختَه أُو از فِيلِيپِيسْ خاَهَشَ کَد کَه دَ گَادَى سوار شُنَه و دَ پَالُوَي شَى بِشِينَه. ^{٣٢} جَاي رَه کَه از کِتابِ مُقدَّسَ مِيَخَانَد، اينَى بُود:

"أُو رقم گُوسِپُو آلى دَ كُشتارَگَاه بُرْدَه شُد"

و رقم بَارِه کَه دَ پِيشِ مالَكَلَگَرْ چُپ مِيشِينَه،

أُو دَان خُو رَه واَز نَكَد و چُپ شِشتَ.

^{٣٣} أُو حَقِير حِساب شُد و حَقِ ازو از شَى گِرفَته شُد.

كَي مِيتَنَه از نَسلِ ازو تورَه بُكَيه،

چراَکَه زِندَگَى شَى از رُوي زَمى گِرفَته شُد.

^{٣٤} خِدمَتَگَارِ دَريَار از فِيلِيپِيسْ پُرسَانَ کَد: "لُطفاً دَز مَه بُكَى کَه امي چِيزِا رَه پِيغَمَبر دَ بَارِه خَود خُو گُفَته يَا دَ بَارِه کُدمَ کَس دِيَگَه؟" ^{٣٥} اوختَه فِيلِيپِيسْ دَان خُو رَه واَز کَد و امْزُو جَاي کِتابِ مُقدَّس شُروعَ کَدَه خَوشَخبرَى دَ بَارِه عِيسَى رَه دَزُو گُفت. ^{٣٦} پس دَ حالِيكَه اُونَا دَ رَاه رَبِي بُود دَ يِگ نُورِ آو رسِيد و خِدمَتَگَارِ دَريَار گُفت: "اينَه، دَ إِينجِي آو آسَتَه، آيا ما تَمِيتَنِمْ غُسلِ تعَمِيدِ بِكَيرِم؟" ^{٣٧} [فِيلِيپِيسْ گُفت: "اگَه قد تمام دِل ايمَان بِيرِي هيچ مانِعِي وجود نَدَره." أُو جَواب دَد: "ما ايمَان دَرُم کَه عِيسَى باَچَه خُدا آسَتَه."] ^{٣٨} پس خِدمَتَگَارِ دَريَار امرَ کَد کَه گَادَى رَه ايسَتَه کَنه. اوختَه هَر دُوي شَى يَعْنِي فِيلِيپِيسْ و خِدمَتَگَارِ دَريَار دَ مَنه آو رَفَت و فِيلِيپِيسْ او رَه غُسلِ تعَمِيدَ دَد. ^{٣٩} و خَتيَكَه اُونَا از آو بُر شُد، اولَغَتلَه رَوح خُداونَد فِيلِيپِيسْ رَه غَيَبَ کَد و خِدمَتَگَارِ دَريَار دِيَگَه او رَه هُوش نَكَد، ولَى قد خَوشَى کَلو دَ رَاه خُو رَفت. ^{٤٠} مَگم فِيلِيپِيسْ دَ شَارِ آشَدَوَد دِيَدَه شُد و دَ بَيَنِ رَاه دَ هَر شَارِي کَه مِيرَسِيد دَ مرَدُم خَوشَخبرَى مِيدَد تَا اي کَه دَ شَارِ قَيَصَرِيه رسِيد.

تغییر زندگی شائول

^٩ دَمْزُو غَيْث شائول هنوز پَيَرَواي مَولا عِيسَى ره تهديد مُوكد كه اونا ره مُوكشه. او دِير پيشوای بُزرگ رفته
^{١٠} ازو د سِر تمام عِبادت خانه هاي شار دَمِشق خط طلب کد تا پَيَرَواي راه مَولا عِيسَى ره که د اونجي پيدا مُوشد، اولغتله يگ
چي مرد، چي خاتُو، دستگير کده د اورُشَلَيم بيره. ^{١١} د حاليکه شائول مورفت و دَمِشق نزديك مُوشد، اولغتله يگ
نور از آسمو د گرد شى بلقده کد. ^{١٢} او د زمى افتاد و يگ آواز ره شينيد که دَزُو گفت: "شائول، شائول، چرا مرد
آزار-و-آذيت مُوكنى؟" ^{١٣} او پُرسان کد: "صاحب، ثُو كى آستى؟" جواب آمد: "ما عيسى آستم، امو که تو او ره
آزار-و-آذيت مُوكنى. ^{١٤} الى باله شُو و د شار بورو. د اونجي دَز تُو گفته مُوشه که چي باید بُكى."

^{١٥} همسفراي شائول مو شده حيرو مندد، چراكه اونا آواز ره ميشينيد، مگم هيچ کس ره نمیديد. وختيکه شائول از
زمي باله شد، او چيمای خُو ره واز کد، مگم هيچ چيز ره نمیديد. پس همسفراي شى از دست ازو گرفت و او ره
کوتل کده دَمِشق بُرد. ^{١٦} بلده سه روز چيمای ازو دید نداشت و او نه چيزى خورد و نه ام وچي کد. ^{١٧} دَمِشق يگ
پَيَرَواي مَولا زِندگى مُوكد. مَولا عِيسَى دَخاوَذشى ظاهر شده گفت: "آي حنانيا." حنانيا د جواب شى
گفت: "امر کُو، يا مَولا." ^{١٨} و مَولا دَزُو گفت: "باله شُو، دَكُوچه بورو که نام شى «سيده» آسته و د خانه يهودا
کسى ره د نام شائول از شار طرسوس پُرسان کُو. امي الى او مَشْغُول دُعا آسته ^{١٩} و او د خاو خُو دیده که يگ نفر د
نان حنانيا مبيه و دست خُو ره دَبله ازو ميله تا او دُوباره بینا شنه. ^{٢٠} حنانيا گفت: "يا مَولا، ما از غدر کسا
شينيديم که اي آدم د سِر مُقَدَّسِين از تو د اورُشَلَيم کلو ظلم کده. ^{٢١} و الى از طرف پيشوایون عالي مقام اختيار پيدا
کده د اينجى آمده تمام کسای که نام تُو ره بِكِيره، اونا ره دستگير کنه. ^{٢٢} مگم مَولا دَزُو گفت: "حيره، بورو،
چراكه ما او ره انتخاب کديم تا يگ وسیله جور شنه و پيغام مره د مردم غير يهود و د پادشايو و ام د بنى إسرائيل
برسنه. ^{٢٣} ما دَزُو نشو ميديم که بلده نام مه چيقس باید رنج-و-رحمت بکشه."

^{٢٤} اوخته حنانيا رفته د خانه يهودا داخل شد و دست خُو ره دَبله شائول ايشته گفت: "شائول بِرار، وختيکه تو ايسو
ميمدي مَولا عِيسَى د بَيَن راه دَز تُو ظاهر شد. او مره رَيَي کده تاكه تُو دُوباره بینا شنى و از روح الْقُدْسِ پُر شنى." ^{٢٥}
^{٢٥} د امزُو لحظه يگو چيز رقم پرده الى از چيمای شائول تاه پَرِيد و او دُوباره بینا شد. اوخته او باله شده غسل تعميد
گرفت. ^{٢٦} بعد ازو او نان خورده قُوت گرفت و بلده چند روز قد پَيَرَواي عِيسَى مسيح دَمِشق مند. ^{٢٧} او فوراً د
عِبادت خانه هاي يهوديا رفت و وعظ کد که عيسى واقعاً باچه خُدا آسته. ^{٢٨} کسای که توراي ازو ره ميشينيد مو
شده حيرو مُومَند و مُوكفت: "آيا اي امو کسی نبيه که د اورُشَلَيم کسای ره که نام عِيسَى ره ميگرفت، تباہ مُوكد؟

و آلی ام د اینجی نَمَدَه تا اُونا ره دِستِگیر کده دَ پیشِ پیشوایونِ عالی مقام بُرْه؟^{۲۲} مگم شائول قدرتِ بیان شی روز د روز کلو مُوشُد و قد دلیلای زیاد یهودیای دَمِشق ره بَند آنداخته ثبُوت مُوكد که عیسیٰ امُو مسیح و عده شُدَه استه.^{۲۳} بعد از چند وخت یهودیا نقشه کشید که اُوره بُکُشه. ولے شائول از نقشه ازوا خبر شُد. اُونا د درگه های شار شاو و روز پَیره مُوكد تاکه اُوره گرفته از بین بُرْه. لیکن یارای شی اُوره شاو دَ مَنَه یگ سَبَد ایشته از دیوال شار تاه کد.^{۲۴} وختیکه شائول د اورُشَلِیم رسید، او میخاست که قد دیگه یارا یگجای شُنه، مگم پگ ازوا ازو ترس خورد، چون باور نَمَدَه که اُوره گرفته از بین بُرْه.^{۲۵} لیکن بَرَنابا اُوره گرفته دَ پیشِ رسول ابرُد و بلده ازوا نَقل کد که چطور اُوره دَ راهِ دَمِشق مَوَلَا عیسیٰ ره دیده و مَوَلَا چطور قد اُرُو توره گفتَه و اُوره چی دلیری د نَامِ عیسیٰ توره گفتَه.^{۲۶} اوخته شائول قد ازوا یگجای شُد و د اورُشَلِیم رفت و آمد داشت و دِلَارَی د نَامِ مَوَلَا عیسیٰ وعظ مُوكد.^{۲۷} او قد یهودیای یونانی زیو بَحث و گفتشگوی مُوكد، مگم اُونا د تلاشِ کُشتوں شی بُود. وختیکه ایماندارا خبر شُد، اُونا اُوره د شارِ قیصریه بُرد و از اُونجی د شارِ طَرسُوس رَبی کد.

^{۲۸} پس جماعتِ ایماندارا د سرتاسر یهودیه، جلیلیه و سامرہ صلح-و-آرامِش پیدا کد. اُونا د ایمان خُوقَی شُدَه د خُدَائِرسی زِندگی مُوكد و د کومَکِ روح الْفُدْسِ تعدادِ ازوا کلو شُدَه مورفت.

سَفَرِ پِتْرُس

^{۲۹} پِتْرُس د تمامِ منطقه ها سَفرِ مُوكد و اُوره پیشِ مُقدَّسینی که د شارِ لَدَه زِندگی مُوكد ام آمد. د اُونجی او یگ آدم ره د نَامِ آینیاس دید که اُوره مُدَتِ هشت سال فَلَج و د جاگه افتَدَه بُود. پِتْرُس دَرُو گفت: "آینیاس، عیسیٰ مسیح تُو ره شفا میدیه. باله شُو، جاگه خُوره جَم کُو." و اُوره دستی از جاگه خُوره باله شُد.^{۳۰} از دیدون آینیاس تمامِ مردمای شارِ لَدَه و منطقه شارون سُونِ مَوَلَا عیسیٰ رُوی اُورد.

^{۳۱} د شارِ یافا یگ خاتُونِ ایماندار د نَامِ طَبِیتا بُود که د زیونِ یونانی اُوره دورکاس یعنی "آهو" مُوكفت. او خاتُونِ غَدر نیکوکار بُود و هر غَیَّتِ خَيْرَات میدَد.^{۳۲} د امزو روزا طَبِیتا ناجور شُدَه مُرَد و جَسَد شی ره غُسل دَدَه د یگ بالهخانه ایشت.^{۳۳} ازی که شارِ لَدَه د نزدیکِ شارِ یافا بُود، پیروای عیسیٰ د یافا شَنِید که پِتْرُس د شارِ لَدَه آسته. پس اُونا دُو نفر ره رَبی کد تا اُرُو خاھش کُنه و بُگه که هر چی زُودَرَ دَ پیشِ ازمو بیه.^{۳۴} اوخته پِتْرُس باله شُدَه قد ازوا رَبی شُد. وختیکه د اُونجی رسید اُوره دَمَرُو بالهخانه بُرد. د اُونجی تمامِ خاتُونوی بیوه چخرا کده د گردِ پِتْرُس جَم شُد و پیرونا و دیگه کالای ره که دورکاس دَذَرُونی که قد ازوا بُود دوختَد، دَرُو نِشَو میدَد.^{۳۵} مگم پِتْرُس پگ ازوا ره از اُتاق بُرد و زانو زَدَه دُعا کد و رُوی خُوره سُونِ چنازه کده گفت: "طَبِیتا، باله شُو." اوخته او چیمای

خُوره واز کد و امی که پِترس ره دید، رُست شُدَه شِشت.^{٤١} پِترس از دِست شی گِرفته او ره دَ سِرپای شی ایسته کد و بعد ازو مُقدَّسین و خاتُونوی بیوه ره کُوی کده او ره زِنده دَزوا تسلیم کد.^{٤٢} ای خبر دَ سراسِر یافا تیت شُد و غَدر نفرا دَ مَولا عیسیٰ ایمان آورد.^{٤٣} دَ حین زمان پِترس بَلِدِه روزای کلو دَ یافا قد شِمعون چَرمگر مَند.

صاحبِ منصبِ رُومی پَیر و عیسیٰ مسیح مُوشہ

^١ دَ شارِ قَصَرِیه یگ آدم دَ نامِ کُرنیلیوس زِنَدگی مُوكد که یکی از قومَنَدانَی فِرقَه رُومی دَ نامِ فِرقَه ایتالیا ی بُود. ^٢ او قد تمامِ خانوار خُو پرهیزگار و خُداترس بُود و دَ مردم کَلو خَیرات دَدَه هر وخت دَ پیشگاهِ خُدا دُعا مُوكد. ^٣ او یگ روز نزدِیک ساعتِ نَهِمِ روز، دَ عالمِ خاوِیگ ملایکه خُدا ره بَرَملا دید که پیش شی آمَدَه گفت: "ای کُرنیلیوس." ^٤ کُرنیلیوس قد ترس-و-لرز سُون ازو توخ کده گفت: "چی امرِ استه، صاحب؟" او دَ جواب شی گفت: "دُعا ها و خَیراتْ تُو دَ حُضُورِ خُدا دَ عالمِ باله دَ عنوانِ یادآوری رسیده. ^٥ آلی چند نفر ره دَ شارِ یافا پُشتِ شِمعون که مشهور دَ پِترسِ استه رَبی کُو. ^٦ او دَ پیشِ شِمعون چَرمگر که خانه شی دَ لِبِ دریا آسته، مهمویه." ^٧ وختی امو ملایکه که قد ازو توره مُوگفت غَیب شُد، کُرنیلیوس دُونفر از خِدمتگارای خُوره قد یگ عسکر پرهیزگار که از جمله حاضریاشای شی بُود، کُوی کد و تمامِ چیزا ره دَزوا بیان کده اونا ره دَ یافا رَبی کد.

^٩ روزِ دِیگَه شی دَ حالِیکه اونا سَفر مُوكد و دَ شارِ نزدِیک مُوشُد، پِترس ساعتِ شَشمِ دَ بَلِه باهِ خانه بُر شُد تا دُعا کُنه. ^{١٠} او گُشه شُد و میخاست که یگو چیز بُخوره. مگم دَ حالِیکه نان تیار مُوشُد، دَ بَلِه ازو خاو آمد. ^{١١} اوخته او دید که آسمو واز شُد و یگ چیز رقمِ دِسترخون کنه که از چار شِنگ شی گِرفته شُدد تا شُده دَ بَلِه زمی آمَد. ^{١٢} دَ مَنه ازو هر رقم چارپایا و خِزندگونِ زمی و پِرندگونِ هوا مَوجود بُود. ^{١٣} اوخته او یگ آواز ره شِنید که گفت: "ای پِترس باله شُو، حلال کُو و بُخور." ^{١٤} مگم پِترس گفت: "نه خُداوندا، چون ما هرگز چیزای ناپاک و حرام ره تَخوردیم." ^{١٥} دفعه دوم امو آواز دَزشی گفت: "چیزی ره که خُدا پاک جور کده، تو او ره حرام نَگی." ^{١٦} ای واقعه سِه دفعه تِکرار شُد و امو دِسترخو یگ دَم پس دَ آسمو بُرده شُد.

^{١٧} دَ حالِیکه پِترس دَ باره معنای امزُو خاو که دِیدُد چورت مِيزَد، نفرای ره که کُرنیلیوس رَبی کده بُود خانه شِمعون چَرمگر ره پالِیده دَ دانِ درِگَه شی رسید. ^{١٨} اونا کُوی کده پُرسان کد: "ایا شِمعون مشهور دَ پِترس دَ امینجی مهمو یَه؟" ^{١٩} دَ حالِیکه پِترس هنوز دَ باره خاو خُو چورت مِيزَد، روح الْقُدُس دَزُو گفت: "اونه، سِه نفر تو ره طلب مُونه." ^{٢٠} باله شُو، تا بُرُو و از رفتو قد ازوا دِل-و-نادِل نَشُو، چراکه ما اونا ره رَبی کدیم." ^{٢١} پِترس تا شُده دَ پیشِ امزُو

نفرا رفت و گفت: "ما امو کس آسم که شُمو مُوبالید. شُمو از چی خاطر د اینجی آمدید؟"^{۲۲} اونا ڏ جواب شی گفت: "کُرنیلیوس قومندان رومی که یک آدم نیکوکار و خُداترس و ڏ بین تمام قوم یهود محترم استه، مو ره رَبی کده. چُون یک ملایکه مُقدس ڏزو هِدایت ڏده که پُشت ازْنون فر رَبی کنه تاکه تُو ڏ خانه اُزو بیسی و او تورای تُو ره پِشنوه."^{۲۳} اوخته پِترس اونا ره دعوت کده دَمُزو خانه مهمو کد.

صَباحِ شی قد ازوا سُون قیصریه رَبی شُد و چند نفر از ٻرارای ایماندار یافا ام قد اُزو قَتی رفت^{۲۴} و اونا روزِ دیگه شی ڏ قیصریه رسید. کُرنیلیوس قَوْما و دوستای نزدیک څو ره کُوی کده بُود و پگ شی چیم ڏ راهِ ازوا بُود.^{۲۵} وخُتیکه پِترس ڏ منه خانه رفت، کُرنیلیوس قد شی رُوى ڏ رُوى شُد و خود ره ڏ بله پای شی آندخته او ره پِرسش کد.^{۲۶} مگم پِترس او ره باله کد و گفت: "ایسته شُو، ما خود مه ام یگ انسان آسم."^{۲۷} اوخته پِترس قد اُزو توره گفتہ داخل رفت و دید که ڏ اونجی کلو نفر جَم آسته.^{۲۸} پِترس دَزاوا گفت: "خودون شُمو میدنید که بلده شخص یهودی روانیبه که قد غیر یهودی ششت-و-برخاست کنه. مگم خُدا ڏ خاو ڏز مه نشو ڏد که هیچ کس ره باید ناپاک یا نجس نگیم.^{۲۹} امزی خاطر وخُتیکه شُمو پُشت مه نفر رَبی کدید، ما بے چون-و-چرا آمدم. آکو بُکید که بلده چیز خبل مره طلب کدید؟"^{۳۰} کُرنیلیوس ڏ جواب شی گفت: "چار روز پیش ڏ امزی ساعت، ساعتِ ٿئم ما ڏ خانه څو ڏزو دعا مُوكُدم که اولغتله یگ آدم قد کالای نورانی رُوى ڏ رُوى مه ایسته شُده^{۳۱} ڏز مه گفت: 'آی کُرنیلیوس، دُعای ٽو شِنیده شُدہ و خیرات ٽو ڏ حُضور خُدا یادآوری شُدہ.^{۳۲} آلی چند نفر ره ڏ یافا رَبی کُو و شِمعون ره که مشهور ڏ پِترس آسته کُو که ڏ اینجی بیسیه. او ڏ خانه شِمعون چې مگر که ڏ لب دریا آسته مهمو یه.^{۳۳} پس فَوری ڏ پُشت ٽو نفر رَبی کُدم و ٽو لطف کده آمدی. آلی پگ مو ڏ حُضور خُدا جَم شُدی تا تمام چیزای ره که خُداوند ڏز ٽو گفتہ، مو پِشنوی."

اوخته پِترس دان څو ره واز کد و گفت: "ما واقعاً پَی بُرم که خُدا سیاه اسپی جدا نَمُوكُه، بلکه از هر مِلت هر کسی که از خُدا پِرسه و کار نیک کنه، ڏ پیش اُزو قبُول مُوشه.^{۳۵} شُمو از کلامی که خُدا ڏ بنی إسرائیل رَبی کده باخبر آستید، یعنی از خوشخبری صلح-و-آرامیش که ڏ وسیله عیسی مسیح اعلان شُد. او مولای پگ آسته.^{۳۶} شُمو از تورای که ڏ سراسِ منطقه یهودیه واقع شُدہ خبر ڏرید، از تورای که از منطقه جلیلیه شروع شُد، بعد ازی که یحیی ڏ مردم اعلان کد که غسل تعیید بگیره.^{۳۷} و ام شُمو میدنید که چطور خُدا عیسای ناصری ره قد روح الْقدس و قُدرت مسیح تعیین کد و چطور عیسی ڏ چارطرف رفته کار نیک کد و تمام کسای ره که ڏ زیر شِکنجه اِبليس بُود شفا ڏد، چُون خُدا ڏزو بُود.^{۳۸} مو شاهید تمام کارای آستی که او ڏ مُلک یهودیه و ڏ شار اورشلیم انجام ڏد. اونا او ره ڏ رُوى صلیب میخکوب کده کشت،^{۳۹} ولے ڏ روزِ سِوم خُدا او ره زِنده کد و ڏ مردم ظاھر کد.

^{٤١} مگ نه د پگ مردم، بلکه فقط شاهدای که از گاه خدا اونا ره انتخاب کده بود، یعنی دزمو که بعد از دُباره زنده شدون شی از مرده ها قد ازو خوردي و وُچي کدي.^{٤٢} و او دزمو وظيفه دد که د مردم موعظه کني و شاهدي بدی که او امو آسته که خدا او ره قاضی زنده ها و مرده ها تعیین کده^{٤٣} و دباره ازو تمام پیغمبرا شاهدي دده که هر کسی که دزو ايمان بيره، گناهای شی د نام ازو بخشیده موشه.^{٤٤}

^{٤٥} توراي پترس هنوز خلاص نشده بود که روح القدس تمام کسای که پیغام ره شنید، نازل شد.^{٤٦} ايمانداراي یهودی که قد پترس آمده بود حیرو مند، چراکه نعمت روح القدس حتی د غیر یهوديا ام دده شد،^{٤٧} چون اونا میشنید که امي غیر یهوديا د زیونای مختلف خدا ره سیاست اش مُوكد. اوخته پترس گفت:^{٤٨} آيا کسی میتنه امي نفرا ره از گرفتون غسل تعمید د آو منع کنه، امي کسای ره که رقم ازمو الی روح القدس ره حاصل کده؟ "پس پترس امر کد که اونا د نام عيسی مسیح غسل تعمید دده شنه. اوخته اونا از پترس خاکش کد که چند روز دیگه قد ازوا بُمنه.

پترس دُباره د اورشلیم موره

^١ رسولا و دیگه پراراي ايماندار که د تمام منطقه یهوديه بود، شنید که غیر یهوديا ام کلام خدا ره قبول کده.^٢ وختیکه پترس د اورشلیم رفت، ايمانداراي ختنه شده، د بله ازو اعتراض کده^٣ گفت: "تو چرا د مینکل مردادی ناختنه رفتی و قد ازوا نان خوردي؟"^٤ اوخته پترس قصه ره شروع کده د تفصیل دزوا بيان کد و گفت: "یگ روز د شاري يافا مشغول دعا بُدم و د عالم خاو دیدم که یگ چيز رقم دستاخون کته که از چار شنگ شی گرفته شدد، از آسمو تاه آمد و د پیش ازمه رسید.^٥ وختیکه خوب سون ازو توخ کدم، دیدم که د منه شی چاربایای زمى، حیوانای درنده، خزندگو و پرندگون هوا موجود بود. د اونجی یگ آواز ره شنیدم که مُوگفت: 'آی پترس باله شو، حلال کو و بخور.^٦ لیکن ما گفتیم: 'نه خداوندا، چون ما هرگز چیزای ناپاک يا حرام ره د دان خو نزدیم.^٧ دفعه دوم امو آواز از آسمو آمده گفت: 'چيزی ره که خدا پاک جور کده، تُو او ره حرام نگي.^٨ ای واقعه سه دفعه تکرار شد و بعد ازو پگ چيزا دُباره د آسمو بُرد شد.^٩ دمز و غیت د خانه که ما مهمو بُدم سه نفر رسید. اونا ره از شاري قیصریه د پشت ازمه رَی کدد.^{١٠} روح القدس دز مه گفت که بِدون چُون-و-چرا قد ازوا بورم. امي شش بِرار ايماندار ام قد ازمه قَتی رفت و مو د خانه امزو آدم داخل شدی.^{١١} او بلده ازمه قصه کد که چطور ملایکه ره دید که د خانه شی ایسته شد و دَزشی گفت: 'چند نفر ره د يافا رَی کو تا شمعون ره که مشهور د پترس آسته، کُوي کنه.^{١٢} او دز تُو یگ پیغام میره که تُو و خانوار تُو د وسیله ازو نجات پیدا مُونید.^{١٣} امي که شروع د توره گفت

کُم، روح الْقُدْسَ دَزْوا نَازِلٌ شُدَّ، امُورِقَمْ كَه دَشْرُوعَ دَزْ مو ام نَازِلٌ شُدَّه بُود. ^{١٦} اوخته توره مَوْلَاه ياد مه آمد كه گُفته بُود: 'يحيى! قد آو غُسلِ تعمید مِيدَد؛ مگم شُمو قد روح الْقُدْسَ تعمید دَدَه مُوشِيد.' ^{١٧} پس اگه خُدا دَزْوا نِعْمَتِ روح الْقُدْسَ ره بخشیده، امُورِقَمْ كَه دَزْ مو دَوْخَتِ ايمان أُوردو دَمَوْلَاه عيسى مسيح بخشیده، ما كَي بُودُمْ كَه مانع كارِ خُدا مُوشِدُم؟' ^{١٨} وختيکه اونا إى چيزا ره شينيد، پگ شى چُپ مَنَد و خُدا ره سِتايشه كده گُفت: 'پس خُدا دَغَيرِ يهوديا ام فرصن عطا كده تا توبه كنه و زِندگى آبدي ره نصيبي شنه.' ^{١٩}

ایماندارای شار انطاکيه

^{٢٠} ایماندارای که از خاطر آزار-و-آذىت بعد از مرگِ إستيفان تیتپَرَك شُدَّ، تا منطقه فِينيقِيَه، جزیره قِبرِس و شار انطاکيه رفت و پَيَغَامِ عِيسَى مسيح ره بَغَيرِ از يهوديا دَهیج کس نَكْفَت. ^{٢١} مگم چند نفر از ایماندارای قِبرِس و شار قِيروان دَ انطاکيه رفت و قد يونانيا توره گُفته خوشخبرى دَ باره مَوْلَاه عيسى ره دَزْوا رَسَند. ^{٢٢} و دِستِ خُداوند قد ازوا بُود و تعدادِ کَلو ايمان أُورده پَيَرواي مَوْلَاه عيسى جور شُدَّ. ^{٢٣} إى خبر دَگُوشِ جماعتِ ایماندارا دَ اورُشَليَم رسید و اونا بَرَنابا ره دَ انطاکيه رَسَى كد. ^{٢٤} وختيکه بَرَنابا دَ اونجى رسید و نتیجه فَيَضِ و برَكَتِ خُدا ره دِيد، او خوشحال شُد و ایماندارا ره تشويق کد که از دِل و جان دَمَوْلَاه وفادار بُمنه، ^{٢٥} چون او يگ آدمِ مهربو و پُر از روح الْقُدْسَ و ايمان بُود. پس غَدر مردم دَپَيَرواي مَوْلَاه عيسى إضافه شُدَّ. ^{٢٦} بعد ازو بَرَنابا دَ شار طَرسُوس رفت تاکه شائول ره پَيَدا کنه. ^{٢٧} وختيکه او ره پَيَدا کد، او ره دَ انطاکيه أُورد. پس يگ سالِ كامل هر دُوي شى قد جماعتِ ایماندارا جَمْ مُوشِد و دَغَدر مردم تعلیم مِيدَد. دَ انطاکيه بُود که بَلَدِه اوَلى دفعه پَيَرواي عيسى ره «مسیحی» نام ایشت.

^{٢٨} دَمُرُو وخت، چند نَبَى از اورُشَليَم دَ انطاکيه آمد. يكى ازوا که آگابوس نام دَشت، باله شُد و دَ سِيلَه روح الْقُدْسَ پيشگوئي کد که يگ قحطى شَدَيد دَ سراسر دُنيا ميشه. إى واقعه دَ دورونِ امپراطوري کَلَوْديوس رُخ دَد. ^{٢٩} اوخته ایماندارا دَ بيَن خُو فَيَصلَه کد که هر کس دَ اندازه قُدرَت و تَوان خُو دَ بِرارَاه ایماندار که دَ مُلَكِ يهوديه آسته کومَك رَبَى کُنه. ^{٣٠} اونا امي تصميم خُو ره عملى کد و کومَكَاه خُو ره از دِستِ بَرَنابا و شائول دَ بُرگَاه جماعتِ ایماندارا دَ اونجى رَبَى کد.

آزادی پِترُس از بَندِ خانه

١٢ ^١ دَمُرُو غَيت هيروديس پادشاه دِست خُو ره بَلَدِه آزار-و-آذىت دَ بَلَه بعضى نفراي جماعت ایماندارا دِراز کد.

^۳ او یعقوب بِرَارِ یوحنّا ره قد شمشیر کُشت. ^۴ وختی هیرودیس دید که ای کاریهودیا ره خوش کد، او د کارای خُو ادامه دده پِتُرس ره ام دِستگیر کد. ای واقعه د روزای عِیدِ فطیر رُخ دَد. بعد از دِستگیر کدو او ره دَبَندی خانه آندخت و چار ڏلِ چار نفری ره دَبَله شی پیره دار مُقرر کد. هیرودیس قَصْدَ دَشَت که بعد از عِیدِ پَصَحَ او ره دَپیشِ مردم بُره تا محاکمه شُنَه. ^۵ مگم زمانی که پِتُرس دَبَندی خانه نِگاه مُوشُد، جماعت ایماندارا از تَی دل دَپیشِ خُدا بلدِه شی دُعا مُوكد.

^۶ شاو امزُو صَبَاحَ که هیرودیس میخاست پِتُرس ره دَپیشِ مردم بُره، پِتُرس دَبَندی خانه قد دُو زنجیر بسته شُدَه دَبَین دُو عسکر خاو بُود و پیره دارا ام دَم درگه بَندی خانه پیره داری مُوكد. ^۷ اولَغَتَله يگ ملايکه خُداوند ظاهر شُد و يگ نور مَنه اُناق ره روشو کد. ملايکه دَبَغلِ پِتُرس زَدَه او ره بیدار کد و گفت: "زُود باله شُو." د امزُو لَحظَه زنجیرا از دِستای شی واز شُدَه اُفتَد. ^۸ اوخته ملايکه دَزشی گفت: "کمر خُوره بسته کُو و چپلی های خُوره پای کُو." پِتُرس امُورِ رقم کد. ملايکه بسم دَزُو گفت: "پُتوی خُوره دَگرد خُوبِگیر و از رَدَه بَيه." ^۹ و پِتُرس از اُناق بُر شُدَه از پُشتِ ملايکه رَبِی شُد، مگم او باور شی نَمِيمَد که کارای ملايکه حَقِيقَتَ دَشَتَه بَشه، بلکه فِكَر مُوكد که خاو مِينگره. ^{۱۰} اونا از پیره دار اول و دَوْم تیر شُدَه دَرگه آينی بَندی خانه که طرفِ شار واز مُوشُد، رسید. امُورِ درگه خود بَخود بلدِه ازوا واز شُد و اونا ازونجی بُر شُد. وختیکه اونا د آخرِ كُوچه رسید، ملايکه يگ دَم از پیشِ پِتُرس غَيَب شُد. ^{۱۱} اوخته پِتُرس دَخُود اَمَدَه گفت: "آلی ما باور کَدُم که خُداوند ملايکه خُوره رَبِی کَده و مَره از چنگ هیرودیس و از تمام چیزای که مردم یهود دَانتظار شی بُود، خلاص کَده." ^{۱۲} امی که سر شی دَرَك شُد، او د خانه مریم آبه یوحنّا که مشهور دَمرقس بُود، رفت. د اُونجی غَدر مردم جَم شُدد و دُعا مُوكد. ^{۱۳} وختیکه پِتُرس درگه خَولی ره ٿَخَخَ کد، يگ کَبِيز دَنَام رودا آمد تا توخ که که کَي اَستَه. ^{۱۴} غَيَّتِيكه آوازِ پِتُرس ره شِنَخت، د جای ازی که درگه ره واز کنه، از خوشی ڪلو پس سُون خانه خیز کد و د دِيگرو خبر دَد که "پِتُرس د دَانِ درگه اِستَه يه!" ^{۱۵} ليکِن اونا دَزشی گفت: "تو دیونه شُدَي." مگم ازی که او غَدر شَلَه شُد که راست مُوگیه، اونا گفت: "حتماً او ملايکه شی بَشه." ^{۱۶} مگم پِتُرس يکسره درگه ره ٿَخَخَ مُوكد. وختیکه اونا درگه ره واز کد و دید که پِتُرس اَستَه، اونا ڪلو خَير و مَند. ^{۱۷} پِتُرس قد دِست خُو سُون ازوا إشاره کد که چُپ شُنَه و بعد ازو بلدِه ازوا قِصَه کد که چي رقم خُداوند او ره از بَندی خانه خلاص کَده. او دَزوا گفت: "يعقوب و دِيگه بِرارُون ایماندار ره ام امزی واقعه خبر کَنید." بعد ازو پِتُرس ازونجی بُر شُدَه د يگ جای دِيگه رفت.

^{۱۸} صَبَاحَ شی دَبَين عسکرا کنه غَوغا اُفتَد که "پِتُرس کُجا شُدَه؟" ^{۱۹} وختی هیرودیس امِر پاليدون ازو ره دَد و او ره پیدا نَتِنَست، او از پیره دارا تحقیق کده حُكمِ اعدام ازوا ره صادر کد و خود هیرودیس از منطقه یهودیه د شار

قیصریه رفت و د اُونجی مَند.

مَرگِ هیرودیس پادشاه

٢٠ د امزو غیت هیرودیس د سر مردم شارای صور و صیدون سخت قار بود، مگم اونا یگجای شده د دیدون ازو آمد. امی که اونا پُشتیوانی بلاستنس ناظر قصر پادشاه ره د دست اوُرد، از پادشاه تقاضای صلح-و-آشتبی کد، چراکه مُلک ازوا خوراکه-باب خو ره از مُلک هیرودیس پادشاه د دست میورد. ٢١ د روز تعیین شده هیرودیس کالای شاهانه خو ره پوشیده د تخت شِشت و د مردم سخنرانی کد. ٢٢ و مردم چیغ زده مُوگفت: "ای آواز، آواز خدا یه، نه آواز انسان!" ٢٣ د امزو لحظه ملایکه خداوند هیرودیس ره زَد، چراکه او مغرور شده خدا ره سِتایش نَکد. پس جان شی ره کِرم زَد و او مُرد.

٤٤ مگم کلام د دل مردم رُشد مُوكد و پخش شده مورفت. ٤٥ وختیکه بَرَنابا و شائول وظیفه خو ره د اورشلیم تکمیل کد، اونا پس د آنطاکیه رفت و یوختای مشهور د مَرقس ره ام قد خو بُرد.

بَرَنابا و شائول د سَفر رَبِّی مُوشَه

٤٦ د جماعت ایماندارای آنطاکیه یگ تعداد نَبی و معلم وجود داشت که اینی کسا بود: بَرَنابا، شِمعون که او ره نیجر ام مُوگفت، لُوکیوس قیروانی، مناحم که پرارخونده هیرودیس پادشاه بود و شائول. ٤٧ یگ روز وختیکه اونا روزه داشت و خدا ره عِبادت مُوكد، روح الْقُدُس دَزْوا گفت: "بَرَنابا و شائول ره بَلَدِه کاری که ما اونا ره کُوی کدیم، بَلَدِه ازمه جدا کُنید." ٤٨ پس اونا بعد از روزه گرفتو و دعا کدو دست خو ره د سر ازوا ایشت و اونا ره بَلَدِه خدمت رَبِّی کد.

خوشخبری د جزیره قِبرِس

٤٩ پس بَرَنابا و شائول د امر و هِدایت روح الْقُدُس رَبِّی شد. اونا اول د شارِ سَلْوکیه رفت و ازْونجی د کِشتی سُون جزیره قِبرِس سَفر کد. ٥٠ وختیکه د شارِ سَلَمِیس رسید، اونا د عِبادت خانه های یهودیا رفته کلام خدا ره اعلان کد. ٥١ یوختای مشهور د مَرقس قد ازوا همکار بود. ٥٢ اونا تمامِ جزیره ره گشت تاکه د شارِ پافوس رسید. د اُونجی اونا قد یگ آدم یهودی د نام باریشُوع سر خورد که او جادوگر و پیغمبر دروغی بود. ٥٣ او یکی از نفرای سِرگیوس پولس

والی قِبِرس بود. سِرگیوس پُولس یگ آدم دایشمند بود و او بَرَنابا و شائول ره ڏپیش ٿو طلب کد، چون میخاست کلام خُدا ره ٻِشتوه. ^١ مگم امو جادوگر که ترجمِه نام شی ڏیونانی علیماس بود، قد ازوا مُخالفت کده کوشش مُوكد که والی ره از ایمان آوردو منع کنه. اوخته شائول مشهور ڏپولس، پُر از روح الْقُدُس شُدہ سُون علیماس غُرُوج توخ کد و گُفت: ^٢ "آی باچه شَيْطَو که پُر از هر جِيله و هر نَيَرنَگ آستَى، آي دُشمنون تمام نیکی ها! آیا از کَج معنی کدون راه های راست خُداوند دِست باله نَمُوكُنى؟ ^٣ اينه، آلى دِست خُداوند ڏخلاف تُو باله مُوشہ و تُو کور شُدہ آفَتو ره بلدِه چند وخت دیده نَمِيشَتَى. " دَمَرُ لَحْظَه غُبار و تَرِيکَى ڏَبَلَه چِيمَى ازو آمد و او ڏَگَرد خُوتاو مُوخورد که يَكُو كَس ره پَيَدا كَنه تا از دِست شى گِرفته او ره کوتَل كَنه. ^٤ وختیکه والی امى واقِعه ره دید، ایمان آورد، چراکه از تعليِم ڏباره مَولا عَيسَى حَيَرو مَنْدَد.

خدمت ڏ انطاکِيہ پیسییدیه

^٥ پُولس و رِفيقَي شى از پافوس حَرَكَت کده ڏكِشتى سُون شارِپِرگَه ڏ ولايتِ پَمَفِيلِيه رفت و ڏ أونجى يوختَا ازوا جدا شُدہ پس ڏ اورُشَلَيم رفت. ^٦ مگم اونا از پِرگَه حَرَكَت کده ڏ شارِ انطاكيه ڏ ولايتِ پیسییدیه آمد. اونا ڏ روز آرام ڏ عِبادت خانه يهُوديا دَر آمد و ڏ أونجى شِشت. ^٧ بعد از خاندون تورات و نوِشته های آنبيا بُرگَاي عِبادت خانه يگ نفر ره ڏ پیشِي ازوا رَيَى کده گُفت: "پارو، اگه کَدَم پِيغَام تشوِيق کُننَدہ بَلَدِه مرَدُم دَريَد، لُطفًا بُكِيد." ^٨ پس پُولس ايسته شُدہ قد دِست خُو إشاره کد و دَزوا گُفت: "آي مَرَدَي إِسْرَائِيل و دِيكَه کسَاي که خُدَاتَرس آستَيد، گوش کُنيد. ^٩ خُدَاي امزى قَوْمِ إِسْرَائِيل، آجادَاد مو ره انتِخَاب کد و قَوْم مو ره ڏ دورونى که ڏ عنوانِ بِيَكَه ڏ سرزمِينِ مصر بُود سرِيلَند کد و اونا ره قد بازُوي قَوْي ازونجى بُرُو آورُد ^{١٠} و تقرِيباً مُدَّتِ چل سال ڏ بِيابو حَرَكَت های ازوا ره تَحَمُل کد. ^{١١} او هفت مِلَت ره از سرزمِينِ کِياعَن نابُود کده سرزمِينِ ازوا ره ڏ عنوانِ ميراث ڏ بنَى إِسْرَائِيل دَد. ^{١٢} اى واقِعه ها تقرِيباً چار صد و پِنجاه سال ره دَرِير گِرفت. بعد ازو خُدا تا زمانِ سموئيل پِيغمبر قاضى ها ره مِثَلِ رهبر دَزوا دَد. ^{١٣} اوخته مرَدُم خاست که يگ پادشاه دَشته بشَه و خُدا شائول باچه قَيَس ره از طَايِفَه بِنيَامِين ڏ عنوانِ پادشاه بَلَدِه ازوا دَد و او مُدَّتِ چل سال حُكُومَت کد. ^{١٤} وختیکه خُدا شائول ره از پادشاهي برطرف کد، داُود ره پَيَدا کد تا پادشاه ازوا شُنه و ڏ باره ازو شاهِدِي دَد گُفت: 'داُود باچه يسَى آدم دِلَخَاه مه آستَه. او تمام خاست های مَرَه پُوره مُوكُنه. ^{١٥} از نسلِ امزى پادشاه، خُدا ڏ مُطابِق و عَدِه خُو يگ نِجَات دِهِنَدَه، يعني عيسى ره بَلَدِه بنَى إِسْرَائِيل رَيَى کد. ^{١٦} پیش از آمدَون عَيسَى، يحيى پِيغمَبر ڏ تمام بنَى إِسْرَائِيل إعلان مُوكد که توبَه کُنه و غُسلِ تعمید بِكِيره. ^{١٧} وختیکه دوره خِدمَتِ يحيى ڏ خلاص شُدو بُود او گُفت: 'شُمو مَرَه کَي خيال مُونَيَد؟ ما او نِيَسْتُم که شُمو ڏ انتِظَار شى آستَيد. مگم او شخص بعد از مه میبَيَه و ما حتَى لياقت ازى ره نَدَرُم که بَنَد چپلَى شى ره واز

کُم.^{۲۶} آیِ بارو که اولادِ ابراهیم آستید و ام شُمو کسای دیگه که از خُدا ترس دَرید: ای پیغامِ نجات دَپگمو دَده شُد. مردم شارِ اورشلیم و رهبرای شی عیسیٰ ره نَشِخت و پیشگویی پیغمبرا ره که هر روز آرام خانده مُوشد ام نَفَعِیمید. وختیکه اونا عیسیٰ ره دَمرگ مَحکوم کد، اونا دَحقیقت امُو پیشگویی ها ره پُوره کد.^{۲۷} اگرچه اونا کُدم دَلیل نَدَشت که او ره دَمرگ مَحکوم کنه، لیکن اونا از پیلاتس خاچش کد که او ره اعدام کنه.^{۲۸} وختی اونا تمام پیشگویی های ره که دَباره ازو نوشتہ شُد بُود پُوره کد، اونا او ره از صلیب تا کده دَقبر ایشت.^{۲۹} مگم خُدا او ره از مُرده ها دُوباره زِنده کد^{۳۰} و دَدورونِ روزای کلو بلده کسای که قد شی از جلیلیه دَاورشلیم آمده بُود ظاهر شُد. و امی‌آلی اونا دَباره ازو دَمردم شاهدی میدیه.^{۳۱} مو دَز شُمو اینی خوشخبری ره میدی: چیزی ره که خُدا دَبابه‌کلونای مو وعده کده بُود، او ره خُدا بلده ازمو که اولاده ازوا آستی قد دُوباره زِنده کدونِ عیسیٰ پُوره کد. امُو رقم که دَزیورِ دوم نوشتہ شُده:

تُو باچه مه آستی،

ما إمروز آته تُو شُدم.

^{۳۴} خُدا او ره از مُرده ها دُوباره زِنده کد تا جَسَد شی هرگز گَنْدَه نَشَنَه. او دَزی باره اینی رقم گُفتنه:

امُو بَرَكَاتِ مُقَدَّس و پُرِ اعتِماد ره که دَداُود وعده کده بُودم، دَز تُو مِيدیم.

^{۳۵} دَیگ جای دیگه زیور اینی رقم گُفتنه:

تُو نَمِيلی که مَرد وفادار تُو دَقبر گَنْدَه شُنَه.

^{۳۶} لیکن داُود دَزمانِ خود خُو دَمُطابِقِ اراده خُدا خدمت کد و مُرد و دَفن شُدَه قد بابه‌کلونای خُو یگجای شُد و جَسَد شی گَنْدَه شُد. لیکن او کسی ره که خُدا دُوباره زِنده کد جَسَد ازو هرگز گَنْدَگی ره نَدید.^{۳۷} امی خاطر، بِرارای عزیز، بِدَنید که دَوسیله امی عیسیٰ بخشش گناه ها بلده شُمو اعلان مُوشه.^{۳۸} هر کسی که دَزِر ایمان بیره از تمام چیزای که شربعتِ مُوسیٰ نَتِنسته او ره آزاد کنه، آزاد مُوشه.^{۳۹} پس احتیاط کُنید که گُفتنه های پیغمبرا دَسر شُمو نَیه که مُوگیه:

آیِ ریشخندگرا، توخ کُنید،^{۴۰}

حکیرو بُمَیِید و نابُود شُنِید،

چراکه دَ روزای ازْشُمو کاری مُونُم

که حتی اگه یَگو کس او ره بَلِدِه شُمو بُگیه،

شُمو باور نَمُوكَنید. ”

٤٢ وختیکه پولُس و بَرَنابا از عِبادت خانه بُرو میَمَد مردم ازوا خاھِش کد که دَ روز آرام آینده بسم قد ازوا دَ باره ازی
چیزا توره بُگه. ٤٣ وختیکه مردم از عِبادت خانه رُخَصَت شُد، غَدر از یهُودیا و دِیگه مردم خُداپَرسَت که دِین یهُود ره
قُبُول کُدد، از دُمبالِ پولُس و بَرَنابا رسَی شُد. هر دُوی شی قد ازوا توره مُوگُفت و اُونا ره تشویق مُوکد که دَ فَیض-و-
رَحْمَتِ خُدا پَایدار بُمنه. ٤٤ دَ روز آرام دِیگه، تقریباً پَگِ مردم شار جَم شُد تا کلام خُداوند ره بِشَوَه. ٤٥ مگم وختیکه
یهُودیا او جمعیَت کَثِه ره دید، سخت بَخِيلی ازوا آمد و قد هر چیزِ یکه پولُس مُوگُفت، اُونا مُخالفَت کده دَوکری
مُوکد. ٤٦ اوخته پولُس و بَرَنابا دَ شُجاعت دَزوا گفت: ”لازِم بُود که کلام خُدا از پَگ کده اوْلَشَ دَز شُمو یهُودیا
مِیرَسید. مگم ازی که شُمو او ره رد کدید و خودگون خُوره لایق زِندگی آبدی نَدِید، اینه، مو دَ پیش غَیر یهُودیا
موری، ٤٧ چراکه خُداوند دَز مو اینی رقم آمر دَده:

‘ما تُو ره بَلِدِه مِلَّت ها یَگ نُور جور کدیم

تاکه دَ سراسِر زمی سَبَب نِجات بَشی.’ ”

٤٨ وختیکه غَیر یهُودیا ای توره ها ره شِنید، اُونا خوشحال شُد و کلام مَولا ره تعَرِیف-و-تَمَجِید کد و تمام امزُو کسای
که بَلِدِه زِندگی آبدی تعیین شده بُود، ایمان اوُرد. ٤٩ و کلام مَولا دَ سراسِر امُرو منطقه تیت شُد. ٥٠ لیکن یهُودیا
خاتُونوی خُداتَرس و آبرُومَند و بُزرگای شار ره دَ ضَدِ پولُس و بَرَنابا باله کد و اُونا ره آزار-و-آذیت کده از منطقه خُور
بُر کد. ٥١ اوخته پولُس و بَرَنابا خاکِ پای خُوره دَ عنوانِ اعتراض دَ پیشِ رُوى ازوا ٹَک زَده دَ شارِ قونیه رفت. و
پَیَروا پُر از خوشی و روح الْقُدُس بُود.

پولس ڈشارای قونیه، لستره و دریه

۱۳ ^۱ ڈقونیه ام پولس و بَرَنَابَا ڈِعِبَادَتْ خانِه يهُودِيَا رفت و ڈُونِجِيَ ڈِطِيقِه توره گفت که يگ تعدادِ کِتَه يهُودِيَا و يوَنَانِيَا ايمانَ أُورَدَه. ^۲ مگم يهُودِيَاي که ايمانَ نُورَدُدَه، غَيْرِ يهُودِيَا ره ڈِشُورَ أُورَدَه و فِكَرَهَاي ازوا ره ڈِبرَابِرِ بِرَارَونِ ايماندار تغِييرَ دَه. ^۳ باوجُودَه ازو ام پولس و بَرَنَابَا بَلَدِه کَلَوَ وَخَتَ ڈُونِجِيَ مَنَدَه و ڈِلِيرِيَ ڈِبارِه مَوَلَا عِيسَى توره مُوكَفَت و مَوَلَا ڈِوسِيلِه عطا کدونِ مُعْجَزَهَا و چِيزَاي عَجِيبَه که از طِيقِ ازوا انِجَامَ مُوشَدَه، ڈِبارِه کلامِ پُرَ فَيَضَ حُو شاھِدِيَ مِيدَدَه. ^۴ و مردُمِ شارِ دُو تقسيمِ شُدَه: يگ تعدادِ مردُم طرفدار يهُودِيَا و يگ تعدادِ دِيگَه شَي طرفدار رسُولا شُدَه. وختِيکه غَيْرِ يهُودِيَا و يهُودِيَا قد رهبراي حُو كوشِيشَه کد که رسُولا ره آزارِ و-آذیت کده سنگسار کنه پولس و بَرَنَابَا ازِي مَوَضَعَ خبرَ شُدَه ڈِمنْتَقَه لِيكَائِونِيَه ڈِشارَاي لِسْتَرَه و درِيه و جايَاي گِردوَرِ شَي دُوتا کد و ڈُونِجِيَ ام ڈِاعَلَانِ خوشخبریِ اِدامَه دَدَه.

۱۴ ^۱ ڈِشارِ لِسْتَرَه يگ آدمِ شِيشَتَه که هر دُو پَاي شَي شَلَ بُودَه؛ او از کَوَرِه آيَه حُو لَنَگَ بُودَه و هرگِز راه نَرَفَتَه. ^۲ حالِيکه پولس توره مُوكَفَت، امُو آدمِ گوشِ مُوكَدَه. و پولس سُونِ ازو غَوُوجَ توخَ کد و فاميَدَه که او اُوقَس ايمانَ دَرَه که شفا پَيَدا کنه. ^۳ پولس ڈِآوازِ بلندَ گفت: "باله شُو، قد پَايَايِ حُو راستِ ايستَه شُو." و او آدمِ ثُوبَ کده ڈِراه رفتَو شُدَه. ^۴ وختِيکه مردُمِ اي کارِ پولس ره دَيدَه، اونا ڈِزِيونِ ليکَئُونِيَه چِيجَ زَدَه گفت: "خُدَّا يو ڈِشكَلِ إنسانَ ڈِمينَكلِ مو نازِل شُدَه." ^۵ اوختَه اونا بَرَنَابَا ره زاوُوشَ نامَ کدَه، چراکَه او ڈِتوره گفتَو پيَشَ قَدَمَ بُودَه. ^۶ عِبَادَتَگَاهِ زاوُوشَ ڈِبرُونِ درَگَه شارِ بُودَه و پيَشَوَاي شَي قَد مردُمِ نَرَگَاوَهَا و حلَقهَهَاي گُلَ ره ڈِدرَگَه هَا آُورَدَتَه ڈُونِجِيَ قُربَانَيَ کنه. ^۷ مگم وختِيکه بَرَنَابَا و پولس ازِي توره خبرَ شُدَه، اونا كالايِ حُو ره چَكَ کده ڈِيَيَنِ مردُمِ رفتَه و چِيجَ زَدَه گفت: ^۸ او مردُمِ، اي چَي کارِ آسَتَه که شُمَو مُونَيَدَه؟ مو ام رقمِ از شُمَو الَّي إنسانَ آسَتَه؟ مو دَز شُمَو خوشخبریِ آُورَديِ تاكَه شُمَو دِستِ حُو ره ازِي چِيزَاي باطلِ باله کُنَيَدَه و طرفِ خُدَّا زِنَدَه رُوي بِيرَيَدَه، طرفِ خُدَّا که آسمَو و زَمَي و درِيَا و هر چِيزَي ره که ڈِمنَه ازوا آسَتَه، خَلَقَ کده. ^۹ ڈِزِمانَاي تيرِ شُدَه خُدَّا پِكِ مِلَتَهَا ره ايَشَتَه که ڈِراهِ خودِ حُو بُورَه. ^{۱۰} ڈِعَينَ حالَ او قَد انجامِ اعمَالِ نِيكَه، خودِ ره بَي شاھِدَه ايَشَتَه، يعنى قَد دَدَونِ بارَو از آسمَو و فصلَهَاي پُرَشَمَه بَلَدِه شُمَو، او شُمَو ره قَد خورَاک سِيرَ کده و دِلهَي شُمَو ره پُرَ از خوشَيَ کده. ^{۱۱} قد ازِي تورَايِ حُو پولس و بَرَنَابَا بَيَلهِ تَبَيَستَه که مردُمِ ره از قُربَانَيَ کدو بَلَدِه خودِ گونِ حُو مَنَعَ کُنه.

۱۲ ^۱ مگم يگ تعدادِ يهُودِيَا از آنطاكيَه و قونِيَه آمدَه و مردُمِ ره طرفدارِ حُو جورَ کده پولس ره سنگسار کدَه و او ره کشاَل کده از شارِ بُرو بُردَه، چُونَ ڈِگَمانِ ازِي بُودَه که او مُرَدَه. ^۲ ليکِن وختِيکه يارا ڈِگَرِدِ ازو جَمَ شُدَه، او باله شُدَه پس

داخِل شار رفت و روزِ دیگه شی قد بَرَنابا سُون دِربِه رَبِی شُد.^{۲۱} وختیکه اُونا خوشخبری ره دَ امْزُو شار رَسَند و پَیرَوای کلو جور کد، اُونا پس دَ شارای لِستره، قونیه و آنطاکیه رفت^{۲۲} و پَیرَوا ره دِل دَدَه تشویق کد که دَ ایمان خُو محکم-و-پایدار بُمنه و دَزوا گفت: "لازِم استه که از راه های سخت و دُشوار تیر شُنی تا دَ پادشاهی خُدا برَسی."^{۲۳} اُونا دَ هر جماعتِ ایماندارا رهبرا ره تعیین کد و اُونا ره قد دُعا و روزه دَ دستِ مولای که اُونا دَزو ایمان اوَردد،^{۲۴} تسلیم کد. بعد ازِ اُونا از سرزمین پیسیدیه تیر شُدَه دَ منطقه پمفیلیه رسید^{۲۵} و خوشخبری ره دَ شار پرگه اعلان کده دَ شار آتالیه رفت.^{۲۶} اُونجی اُونا دَ کِشتنی سُون شار آنطاکیه سوریه آمد، دَ امْزُو جای که اُونا دَ فَیض-و-سلامتی خُدا بَلِدَه انجام وظیفه که فعلًا پُوره کُدد، سِپُرَدَه شُدَد.^{۲۷} وختیکه دَ اُونجی رسید، اُونا تمام جماعتِ ایماندارا ره جم کد و پگِ کارای ره که خُدا دَ وسیله ازوا انجام دَده بُود، نقل کد. اُونا قِصَّه کد که چی رقم خُدا درگه ایمان ره دَ روی مردم غَیرِ یهود واژ کده.^{۲۸} و پولس و بَرَنابا دَ اُونجی غَدر وخت ره قد یارا تیر کد.

شورای اورشلیم

۱۵ دَ امْزُو غَیت بعضی کسا از منطقه یهودیه دَ آنطاکیه آمدَد و دَ بِرارای ایماندار تعلیم دَده مُوگُفت: "تاکه دَ مطابِق سُنتِ مُوسی پیغمبر خَتنه نَشَنید، بِحاجات پَیدا نَمی‌تَنید."^۱ وختیکه پولس و بَرَنابا قد ازوا بَحث و گُفتگوی کلو کد، فرار امی شُد که پولس و بَرَنابا قد چند نفر دیگه بخارطِ امزی مَسئله دَ پیشِ رسولا و بُزرگای جماعتِ ایماندارا دَ اورشلیم بوره.^۲ پس جماعتِ ایماندارای آنطاکیه اُونا ره رَبِی کد و دَ حالیکه از منطقه های فِنیقیه و سامِره تیر مُوشُد، اُونا دَ بارِه ایمان اوَردونِ مِلت های غَیرِ یهود دَزوا خبر رَسَند و ای خبر باعثِ خوشی تمام ایماندارا شُد.^۳ وختیکه اُونا دَ اورشلیم رسید، جماعتِ ایماندارا، رسولا و بُزرگا اُونا ره خوش آمدید گفت، و پولس و بَرَنابا دَ بارِه پگ کارای که خُدا دَ وسیله ازوا انجام دَده بُود، نقل کد.^۴ اوخته بعضی کسا از فِرقه فِریسی که دَ مولا عیسی ایمان اوَرده بُود، باله شُدَه گفت: "تمام ایماندارای غَیرِ یهود باید خَتنه شُنَه و ام بلِدَه ازوا باید امر شُنَه که شریعتِ مُوسی ره دَ جای بیره."^۵

^۶ پس رسولا و بُزرگا دَ بین خُو شِشت تا دَ بارِه امزی مَسئله مشوَرَه کُنه.^۷ بعد از بَحث و گُفتگوی غَدر پترس باله شُدَه دَزوا گفت: "آی بِرارای عَزِيز، شُمو میدَنید که مُدت ها پیش خُدا مَره از قد شُمو انتِخاب کد تا غَیرِ یهودیا پیغام خوشخبری ره از دانِ ازمه بِشَنَوه و ایمان بیره.^۸ و خُدای که از دِل ها آگاه آسته، قد دَدونِ روح الْقُدُس دَزوا دَ بارِه ازوا شاهدی دَد، امْرِق که دَ حق ازمو ام کُدد.^۹ او دَ بین ازمو و ازوا هیچ فرق قایل نَشَد، چراکه دِل های ازوا ره دَ وسیله ایمان دَ عیسی مسیح پاک کد.^{۱۰} پس آلی چرا خُدا ره امتحان مُوكَنید تا یُوغى ره دَ گردونِ پَیرَوا بیلید

که ته بابه گلون مو طاقت بُردون شی ره دشت و ته خودون مو؟ ^{۱۱} ایطور تکنید، چون مو ایمان ذری که تَوَسْطِ فَيَضِ
مَوْلَا عَيسَى نِجَاتٍ پَيَدا مُونِي، امُورِ رقم که اُونا ام نِجَاتٍ پَيَدا مُونِه. ^{۱۲} اوخته تمام جماعت چپ شد و تورای
برنابا و پولس که دَبَارِه مُعجزه‌ها و چیزای عجیب که خُدا دَبَین مردم غَيْرِ يَهُود تَوَسْطِ ازوا انجام دَدَه بُود، گوش
داد. ^{۱۳} امی که تورای ازوا خلاص شد، یعقوب گفت: "پرارای عزیز، دَز مه گوش بَدید. ^{۱۴} شمعون پترس بَلَدِه مو
بیان کد که خُدا چی رقم از اول نظر لطف کد که از بَینِ مِلَّت ها یگ قوم ره بَلَدِه نام خُو انتخاب کنه. ^{۱۵} ای مطابق
تورای پیغمبر آسته، امُورِ رقمیکه دَكَلام مُقدَّس نوشتنه يه:

^{۱۶} بعد ازی چیزا ما پس میُم

و خانِه داؤود ره که چپه شده، دُوباره آباد مُونِم؛

ما خرابی های شی ره بازسازی مُونِم،

و اُوره دُوباره د سِرِ پای شی ایسته مُونِم،

^{۱۷} تا باقی بَنَی آدم خُداوند ره جُسْتُجو کنه،

يعنى پَگِ مِلَّت های که نام ازمه د سِرِ ازوا ایشته شده.

ای ره خُداوند که امی چیزا ره انجام میدیه مُوگیه ^{۱۸} و از قدیم معلومدار کده. ^{۱۹} پس نظر ازمه اینی آسته: کسای
که از بَینِ مِلَّت ها سُون خُدا پس مییه، اُونا ره نباید د تکلیف بِنَدَزِی، ^{۲۰} بلکه دَزوا نوشتنه کنى که از الْوَهْد شُدو قد
بُت ها، از زِناکاری، از خوردون گوشت حیواناتی قَبَه شده و از خوردون خُون دُوری کنه، ^{۲۱} چراکه از زمانای قدیم د
هر شار مُوسی کسای ره دشت که شریعت شی ره تعليیم میدَد و هر روز آرام د عِبادت خانه ها او ره میخاند. "

خط بَلَدِه ایماندارای غَيْرِ يَهُود

^{۲۲} پس رسولا و بُزُرگا قد تمام جماعت ایماندارا فیصله کد که چند نفر ره از مَنِه خُو انتخاب کنه و قد پولس و برنابا
دَأَنْطاکِيَه رَبِّي کنه. اُونا یَهُودَي مشهور دَبَرسا با و سِيلَاس ره انتخاب کد که هر دُوي شی دَبَين پرارو ایماندار
مقام رهبری ره دشت. ^{۲۳} اوخته اُونا اینی خط ره نوشتنه کده از دِستِ پرارو رَبِّي کد:

” مو رُسُولا و بُزْرگا، بِرارون شُمو سلام خُوره دَز شُمو بِرارون ايماندارِ غير يهود كه د آنطاكيه، سوريه و قيليقيه
آستيد، تقديم مونى.

^{٢٤} مو شينيدى كه بعضى كسا از مينكل ازمو آمده و بدون آمر ازمو قد توراي خو شمو ره د تشویش آندخته و فکرای
شمو ره گدوذ كده. ^{٢٥} امزى خاطر پگ مو د يگ دل تصميم گرفتى كه چند نفر ره انتخاب كنى و قد عزيزاي خو،
برنابا و پولس د پيش از شمو رى كنى، ^{٢٦} قد مردai كه جان خو ره از خاطر خدمت مولاي مو عيسى مسيح د خطر
آنخته. ^{٢٧} پس مو يهودا و سيلاس ره رى كدى تا امى چيزا ره زبونى دز شمو بگه.

^{٢٨} چون روح القدس و مو لازم ديدى كه بار گرنگ د سر شمو نه ايلى، بغير از امزى دستوراي ضروري: ^{٢٩} از هر
چيزى كه بله بعثت ها قرباني شده بشه، از خون، از گوشت حيوانات قبه شده و از زناكارى دوري گئيد. اگه امزى
چيزا خود ره نگاه گئيد، كاري خوب مو گئيد. سلامت بشيد.

^{٣٠} پس اونا رى شده د آنطاكيه رفت و د اونجى جماعت ايماندارا ره جم كده خط ره دزوا دد. ^{٣١} وختيکه مردم امو
خط ره خاند، اونا از پيغام تشویق گئيد شى غدر خوشحال شد. ^{٣٢} يهودا و سيلاس كه هر دوي شى از جمله آنبا
بود، قد توراي مفصل خو برارو ره تشویق و تقويت کد. ^{٣٣} بعد ازو كه اونا يگ مدت ره د اونجى مند، براراي
ايماندار آنطاكيه اونا ره د سلامتى پس سون کسای رى كد كه از پيش ازوا آمد. ^{٣٤} [مگم د نظر سيلاس خوب بود
كه د آنطاكيه بمنه.] ^{٣٥} ليكين پولس و برنابا د آنطاكيه مند و قد غدر براراي ديكه د تعليم و وعظ کلام خداوند
مشغول بود.

جدايي پولس از برنابا

^{٣٦} بعد از چند روز پولس د برنابا گفت: ”بيه، پس د شاراي بوري كه کلام خداوند ره دزوا اعلان كده بودي و
بنگري كه ايماندار چطور استه.“ ^{٣٧} برنابا ميخاست كه يوحنا مشهور د مرقس ره ام قد خوب بيره. ^{٣٨} مگم پولس
صلاح نديد كه او ره قد خوب بيره، چراكه مرقس اونا ره د پمفيлиه ايله كدد و د كاري اعلان خوشخبرى قد ازوا ادامه
نده بود. ^{٣٩} بحث ازوا د اندازه کلو شد كه اونا يگديگه خو ره ايله كد و برنابا مرقس ره گرفته د كشتي سون جزيره
قيرس رفت. ^{٤٠} ليكين پولس، سيلاس ره همسفه خو انتخاب کد و د وسيلي برارو د فيض خداوند سپرده شده حرکت
کد. ^{٤١} او از سوريه و قيليقيه تير شد و جماعت هاي ايماندارا ره د امزرو جاي ها تقويت کد.

يگجای شدون تیموتاوس قد پولس و سیلاس

۱۶ ^۱پولس د دِرِه و لِستره رسید. د لِستره يکى از پَرَواَنَامِ تیموتاوس زندگی مُوكد که آئِه شى مسيحي يهودى، مگم آته شى يونانى بُود ^۲ و بِراراي ايماندار د شاراي لِستره و قونيه ازو تعريف مُوكد. ^۳پولس خاست او ره قد خُوقتى بُيره؛ پس از خاطر يهوديای امزُو منطقه او ره ختنه کد، چون پگ ميدِنست که آته شى يونانى آسته. د حالىكه اونا شار د شار ميگشت، فيصله های ره که رسولا و بُزرگا د اورشليم کدد، د ايماندارا مُوكفت تا اونا مطابق ازوا عمل کنه. ^۴دزى رقم جماعت های ايماندارا د ايمان خُقوی مُوشد و روز د روز تعداد ازوا کلو شده مورفت.

خاو پولس د شار تروآس

۶ ختيكه اونا از منطقاي فريجيه و غلاتيه تير مُوشد، روح القدس اونا ره نه ايشت که کلام خدا ره د ولايت آسيا اعلان کنه. ^۷و ختيكه اونا د سرحد منطقه ميسىي رسيد، کوشش کد که د منطقه بطينيه بوره، مگم روح مولا عيسى دزوا اجازه نداد. ^۸پس اونا از ميسىي تير شده د شار تروآس آمد. ^۹دمژو شاو پولس د خاو ديد که يگ آدم مقدونى ايسته بُود و د زاري دزشى مُوكفت: "د ولايت مقدونيه بيه و مو ره کومک کو." ^{۱۰}امي که پولس إى خاو ره ديد، فوراً مو تيارى گرفتى که سون مقدونيه رى شنى، چون إطميان پيدا کدی که خدا مو ره کُوي کده تا خوشخبرى ره دزوا ام برسنی.

ایمان اوْردون ليديه د شار فيليبى

۱۱ د شار تروآس د کشتى سوار شدی و مُستقيم سون جزيره ساموتراکی رفتى و روز دیگه شى از اونجى طرف شار نياپولس حرکت کدی. ^{۱۲}ازونجى د فيليبى رفتى که يگ شار کنه د ولايت مقدونيه و مُستعمره أمپراتوري رُوم بُود و مو مُدت چند روز د امزُو شار مَنَدى. ^{۱۳}د روز آرام مو از درگه شار بُر شدی و د لب دريا رفتى د فکر ازى که جاي دعای يهوديا د اونجى بشه. پس مو شىشتى و قد خاتُونى که د اونجى جم بُود، د توره گفتتو شدی. ^{۱۴}يکى از شينوندا يگ خاتُون د نام ليديه بُود که رخت های آرغوانى سودا مُوكد. او از مردم شار تياتира و يگ خاتُون خدا پرست بُود. خداوند دل ازو ره واز کد تا پيغام پولس ره قبول کنه. ^{۱۵}و ختيكه او و خاتوار شى غسل تعميد گرفت، او از مو خاهيش کده گفت: "اگه شُمو يقيناً مَره يگ ايماندار مولا عيسى ميدِنيد، بپيد د خانه مه بشينيد." از بس که غدر شله شد مو قد شى رفتى.

بَنْدِي شُدُونِ پُولُس و سِيلَاس دَ شَارِ فيليبي

يگ روز وختیکه مو د جای دعا موزنی قد یگ کنیز سر خوردی که او روح پالگری و غیبگویی داشت و ازی راه بلده بادارای خو فاییده کلو حاصل موكد.^{۱۶} او ره از مو و پولس ره گرفند و چیغ زده موكفت: "امی نفرا خدمتگارای خدای متعال آسته که راه نجات ره دز شمو إعلان مونه."^{۱۷} او بلده روزای کلو د امزی کار ادامه دد، تا ای که پولس د تنگ آمد و دمزو روح گفت: "دان عیسی مسیح دز تُو امر مونم که ازی دختر بُرُشُو!" و روح فوری ازو دختر بُرُشُد.^{۱۸} امی که بادارای کنیز دید که امید پیسه پیدا کدون ازوا از دست رفته، اونا پولس و سیلاس ره گرفته د میدان شار پیش حاکما کش کد^{۱۹} و اونا ره د پیش حکمرانا حاضر کده گفت: "ای آدمای یهودی آسته و شار مو ره گدوَد مونه."^{۲۰} اونا رواج های ره تبلیغ مونه که قبول کدو و د جای اوردون ازوا بلده ازمو مردم رومی جایز نییه.^{۲۱} اوخته مردم یگ دست شده د بله پولس و سیلاس هجوم آورد و حکمرانا امر کد که کالای ازوا ره از جان شی بُر کنه و اونا ره چوب بِزنه.^{۲۲} بعد از زد و کوی کلو اونا ره د بندي خانه آندخت و د قومندان بندي خانه امر کد که ازوا سخت نگاهداری کنه.^{۲۳} وختیکه ای دستور د قومندان بندي خانه دده شد، او اونا ره د بندي خانه که سخت محاافظت شده بود آندخت و پایای ازوا ره د کنده چیو بسته کد.^{۲۴} نزدیکای نیم شاو پولس و سیلاس مشغول دعا و مناجات بود و د پیشگاه خدا سرود حمد و شنا میخاند و دیگه بنديها گوش موكد که اولغتله زلزله شدید شد و بندي خانه ره از تادو شی شور دد. د امزو لحظه تمام درگه های بندي خانه واژ شد و زنجیر و زولانه پگ بنديا ايله شد.^{۲۵} وختیکه قومندان بندي خانه بیدار شد و درگه های بندي خانه ره واژ دید، گمان کد که بنديا دوتا کده؛ پس شمشير خو ره کشید که خود ره بُکُشه.^{۲۶} مگم پولس د آوازِ بلند گفت: "خود ره اوگار نکو! پگ مو امینجي آستي." قومندان بندي خانه چراغ ره طلب کده د عجله داخل رفت و د حالیکه میلزید د پیش پای پولس و سیلاس افتاد^{۲۷} و اونا ره بُر بُر کده گفت: "بادارای مه، ما باید چیز کار کنم تا نجات پیدا کنم؟"^{۲۸} اونا د جواب شی گفت: "د مولا عیسی ایمان بیرو و تو و پگ خانوار تُونجات پیدا مونید." اوخته پولس و سیلاس پیغام مولا عیسی ره دز و د تمام کسای که د خانه شی بود، رسند.^{۲۹} دمزو غیت شاو قومندان بندي خانه اونا ره بُر آورده زخمای ازوا ره ششت و خود شی و پگ خانوار شی فوراً غسل تعیید گرفت.^{۳۰} بعد ازو قومندان بندي خانه اونا ره د خانه خو بُرده بلده ازوا نان آورد و ازی که خود شی قد تمام خانوار خو د خدا ایمان آورده بود، کلو خوش بود.^{۳۱} امی که روز شد، حکمرانا چند عسکر ره ری کده گفت: "او نفرا ره ايله کو."

قومندان بندي خانه ای خبر ره د پولس رسنده گفت: "حکمرانا امر کده که شمو ره ايله کنم. پس آلی بُر شده بَخَير بورید." مگم پولس د جواب ازوا گفت: "اونا مو ره د پیش رُوي مردم بُدون سوال و جواب چوب زد و د بندي خانه آندخت، د حالیکه مو نفرای رومی آستي. و آلی اونا میخایه که مو ره تاشکی بُر کنه؟ هرگز نه! بیل که

خودگون شی بییه و مو ره بُرو بُبره.^{۳۸} عسکرا امی تورا ره د حکمرانا رسند. وختی اونا شنید که پولس و سیلاس رومی آسته، غَدر ترس خورد^{۳۹} و آمده ازوا عذر خاهی کد و اونا ره بُرو اُورده ازوا خاهش کد که شار ره ایله کنه. وختی اونا از بندي خانه بُر شد، اونا د خانه لیدیه رفته بِرارای ایماندار ره دید و اونا ره تشویق کده اُونجی رفت.^{۴۰}

شورش د شارِ تِسالونیکی

١٧ وختیکه اونا از شارای آمفیبولس و آپولونیا تیر شد اونا د شارِ تِسالونیکی رسید که یگ عبادت خانه یهودیا د اونجی بُود. پولس مطابق عادت خُو د عبادت خانه رفت و د سه روز آرام قد ازوا از کتاب مقدس بحث و گفتگو کد^{۴۱} و تشریح کده دلیل می‌آورد که لازم بُود مسیح رنج بِنگره و از مردها دُوباره زنده شنہ و ام مُوگفت: "امی عیسیٰ ره که ما دَر شُمو اعلان مُونم، امُو مسیح وعده شده آسته."^{۴۲} بعضی از یهودیا قانع شده قد پولس و سیلاس یگجای شد، امچنان گروه کنه یونانیای خُدا پرست و تعداد کلون خاتونوی نامدار. مگم یهودیا کلو بَخیلی شی آمد. پس اونا یگ تعداد آدمای ایله گشت ره از کوچه-و-بازار جم کده یگ گروه جور کد و شار ره د شورش اُورد و د خانه یاسون حمله کد تا پولس و سیلاس ره د پیش مردم بیره.^{۴۳} وختیکه اونا ره پیدا نتیست، اونا یاسون و یگ تعداد از بِرارای ایماندار ره د پیش حاکمای شار بُرد و چیغ زده گفت: "امی کسای که پگ دُنیا ره گدوذ کده، آلی د اینجی آمده^{۴۴} و یاسون اونا ره د خانه خُو جای دده. اونا پگ شی د خلاف حُکم قیصر رفتار مُونه و مُوگه که یگ پادشاه دیگه د نام عیسیٰ وجود دره."^{۴۵} پس مردم و حاکمای شار از شنیدون ازی خبر سخت د تشویش شد. مگم از یاسون و دیگرو ضمانت گرفته، اونا ره ایله کد.

پولس و سیلاس د شار بیریه

٤٠ امی که هوا تِریک شد بِرارای ایماندار، پولس و سیلاس ره د شار بیریه رئی کد. اونا وختیکه د اونجی رسید د عبادت خانه یهودیا رفت.^{۴۶} یهودیای بیریه از یهودیای تِسالونیکی کده فکر شی روشوتر بُود، چون اونا پیغام پولس و سیلاس ره د شوق کلو قبول کد و هر روز کتاب مقدس ره میخاند تا بِنگره چیزای ره که پولس گفتنه، راست آسته یا نه.^{۴۷} امی رقم غَدر ازوا ایمان اُورد؛ امچنان تعداد کلون خاتونوی نامدار یونانی و مردای یونانی.^{۴۸} مگم وختیکه یهودیای تِسالونیکی فامید که پولس د بیریه کلام خُدا ره اعلان مُونه، اونا د اونجی ام آمده مردم ره د شورش اُورد.^{۴۹} پس بِرارای ایماندار دستی پولس ره سُون لب دریا رئی کد، مگم سیلاس و تیموتائوس د بیریه مند.^{۵۰} نفرای که پولس ره همارهی مُوكد، او ره تا شار آتن رسند و بعد ازی که از پولس بلده سیلاس و تیموتائوس دستور گرفت که

أونا هر چې زودتر د پیش اُزوبیبه، خودون ازوا پس د بیریه رفت.

پولس د شار آتن

^{۱۶} د حالیکه پولس د آتن انتظار سیلاس و تیموتاوس ره میکشید، او تمام شار ره پُر از بُت ها دید و روح شی د وجود ازو د شور آمد.^{۱۷} پس او د عبادت خانه قد یهودیا و مردمای خُدا پرسست و امچنان د بازار قد راهرووا هر روز بحث مُوكد.^{۱۸} تعداد از فلسفه دانای اپیکوری و رواقی ام قد ازو بحث ره شروع کد. بعضی ازوا مُوكفت: "ای آدم ایله گوی چی میخایه بگیه؟" دیگرو مُوكفت: "میل که تبلیغگر خُدايون بیگنه آسته،" چراکه پولس خوشخبری عیسی و قیامت ره اعلان مُوكد.^{۱۹} پس او ره گرفته د شورای کوه آریوپاگس بُرد و گفت: "آیا إمكان دَره مو ام بُمامی که امی تعليم نَو ره که تُو پیشنها مُونی چی آسته؟^{۲۰} تورای تُو د گوش مو عجیب-و-غریب مییه. مو میخاهی معنای ازوا ره بُمامی."^{۲۱} پگ آتنی ها و خارجی های که د اونجی زندگی مُوكد، وخت خُواه بَغیر از گفت و شُنود د باره چیزای نَو د هیچ چیزی دیگه مصارف نَمُوكد.

^{۲۲} پس پولس د مینکل شورای کوه آریوپاگس ایسته شُد گفت: "ای مردم شار آتن! ما مینگرم که شمو د تمام چیزا خوب مذهبی آستید.^{۲۳} چون غیتیکه د شار شمو میگشتم و عبادتگاه های شمو ره توخ مُوكدم، دیگ قربانگاه رسیدم که دَزو نوشتہ شُد بُود: 'تقدیم د خُدای نَشنخته.'

^{۲۴} امو خُدای ره که شمو نَشنخته پَرسِتیش مُونید، ما امو ره دَز شمو اعلان مُونم.^{۲۵} خُدای که دُنیا و هر چیزی ره که د مَنِه شی موجود آسته جور کد، او صاحب زمی و آسمو آسته؛ او د خانه های که قد دست انسان جور شده زندگی نَمُونه^{۲۶} و نَه ام د سیلے دست انسان خدمت مُوشہ میل که بُگی او د یک چیز ضرورت داشته بشه، چراکه خود شی د پگ آدما زندگی و نفس و تمام چیزای دیگه ره میدیه.^{۲۷} او پگ میلت ها ره از یگ آدم خلق کد تاکه د تمام رُوى زمی جای بگیره و بله ازوا وخت ها و سرحدای جای بُود-و-باش ازوا ره تعیین کد.^{۲۸} مقصد خُدا ای بُود که مردم او ره بطلبه تا شاید تیمته کده او ره پیدا کنه، اگرچه او از هیچ کدم از مو دور نییه.

^{۲۹} چون د قدرت ازو مو زنده آستی، حرکت مُونی و وجود دَری؛ امو رقم که بعضی از شاعرای شمو مُوگیه:

'مو از نسل ازو آستی.'

^{۳۰} و چون پگ مو نسل خُدا آستی، مو نباید گمان کُنی که الوهیت میل بُتی آسته که از طلّا، نقره یا سنگ تراش

شُدَهَ دَ مُطَابِقِ هُنْر وَ مَهَارَتِ إِنْسَان جُورِ مُوشَهٌ.^{٣٠} حُدَا زَمَانَى جَهَالَتِ إِنْسَان رَه نَادِيَدَه گِرَفَت، مَكْمَلَى دَيْكِ مرْدُمْ دَهْ جَايَ اَمَرْ مُوكُنَه كَهْ تَوبَه كُنَه.^{٣١} چُون او يِكِ روزِ رَه تعَيِّنَ كَهْ كَهْ دَأُو روزِ دُنْيَا رَه دَسِيلَه مَرْدِي كَهْ إِنتِخَابَ كَهْ عَادِلَانَه قَضَائَاتِ مُونَه وَ حُدَا وَ خَتِيكَه اَمُو شَخْص رَه اَزْ مُرْدَهَه دُويَارَه زِنَدَه كَد، إِي تَورَه رَه دَتَامِ مَرْدُم ثَابِتَ كَد.^{٣٢}

وَ خَتِيكَه شُورَا دَ بَارِه قِيَامِ مُرْدَهَه هَا شِنَبَد، بَعْضِي كَسَا رِيشَخَنَدِي كَد، ولَى يِكِ تَعْدَاد گُفت: "دَيْكِ وَ خَتِ دِيْكِ بَسَمْ دَ بَارِه إِي چِيزَا اَزْ تُو مِيشَنَوِي."^{٣٣} اَمِي رَقْمِ پُولُس اَزْ بَيْنِ اَزوا بُرْ شُد.^{٣٤} مَكْمَلَى چَند نَفَرْ قَد اَزُو يِكَجَاهِي شُدَه اَيمَان اوُردَه كَهْ دَبَيْنِ اَزوا دِيُونِيسِيوس عُضُو شُورَى آريَوِيَاگُس وَ يِكِ خَانُو دَنَامِ دَاماَرِيس وَ اَمِ دِيْكِه نَفَرَى كَهْ قَد اَزوا بُود، وَجُودَه دَشَت.^{٣٥}

پُولُس دَ شَارِ قُرِنْتَس

١٨ بَعْد اَزُو پُولُس آتِن رَه اَيلَه كَهْ دَ شَارِ قُرِنْتَس رَفَت^١ وَ دَأُونَجِي قد يِكِ آدمِ يَهُودِي دَنَامِ اَكِيلَا كَهْ اَزْ مَرْدُمِ اَصْلِي پُونَطُس بُود، شِنَختَه شُد. اَكِيلَا قد خَاتُونْ خُو پِرسِكِلَا نَو اَزْ مُلْكِ اِيتَالِيا دَ قُرِنْتَس اَمَدَد، چِراَكِه كَلَوَديَوس اَمِپِراَطُورِ حُكْم كَهْ بُود كَهْ پَكِ يَهُودِيَا اَزْ رُومِ بُرْ شُنَه. پُولُس دَ دِيرِ اَزوا رَفَت^٢ وَ اَزِي كَهْ اُونَا هَمْشُغَلِ بُود، پُولُس قد اَزوا مَنَد وَ كَارَ كَد، چُون شُغَلِ پَكِ اَزوا خَيَمَه دَوزِي بُود.^٣ او هَر روزِ آرامِ دَ عِبَادَتِ خَانَه جَرَوْ-بَحَث كَهْ كَوِيشِش مُوكَدَه كَهْ يَهُودِيَا وَ يَوْنَانِيَا رَه دَ بَارِه عِيسَى مَسيَحِ قِنَاعَتِ بِدِيه. وَ خَتِيكَه سِيلَاس وَ تِيمُوتَائُوس اَزْ منَطِقَه مَقْدُونِيَه اَمَدَه، پُولُس تَامِ وَ خَتِ حُو رَه وَقْفِ إِعلَانِ پِيَغَامِ حُدَا كَد؛ او بَلَدِه يَهُودِيَا شَاهِدِيَه مِيدَدَه كَهْ عِيسَى اَمُو مَسيَحِ وَعَدَه شُدَه اَسْتَه.^٤ مَكْمَلَى وَ خَتِيكَه اُونَا قد اَزُو مُخَالَفَتَه كَهْ بَدِ زِيَونَى كَد، او خَاكِ چَيَّنْ خُو رَه دَ اَعْتَرَاضَه ٹَكِ زَدَه دَزَوا گُفت:
"خُون شُمَو دَ گَرَدونِ خُودَگُون شُمَو! اَزْ گَرَدونِ اَزْمَه خَلاَصَ اَسْتَه. بَعْد اَزِي دَ پِيشِ غَيْرِ يَهُودِيَا موْرُم." اَوْختَه پُولُس اُونَا رَه اَيلَه كَهْ دَ خَانَه يِكِ نَفَرِ دَنَامِ تِينِيَسْ يُوسَتَس رَفَت. او يِكِ آدمِ حُدَا پِرسَت بُود وَ خَانَه شَيِ دَ پَالُوَيِ عِبَادَتِ خَانَه يَهُودِيَا مَوقِعَتَه دَشَت.^٥ وَ كَرِيسِپُس كَهْ سَرِيرَسِتِ عِبَادَتِ خَانَه بُود، قد تَامِ خَانَوارِ خُو دَ مَوْلَا عِيسَى اَيمَان اوُردَه. عَلَوِه اَزِي، غَدَرِ مَرْدُمِ قُرِنْتَس كَهْ پِيَغَامِ پُولُس رَه شِنَبَد، اَيمَان اوُردَه وَ غُسلِ تَعمِيدِ گِرَفَت.^٦ يِكِ شَاوِ مَوْلَا عِيسَى دَ خَاوِ دَ پُولُس گُفت: "هَيَّجِ تَرسِ نَخُور؛ دَ وَعْظَ خُو اِدامَه بِدِي وَ چُبِ نَشِي،^٧ چِراَكِه ما قد تُو اَسْتُم. هَيَّجِ كَسِ دَ بَلَه تُو دِستِ بالَه نَمُونَه كَهْ دَزْ تُو ضَرَرِ بِرَسَنَه، چُون غَدَرِ مَرْدُمِ دَمزِي شَارِ دَزِ مَه تَعلُقَ دَرَه." پَسِ پُولُس مَدَتِ يِكِ سَال وَ شَشِ مَاه دَأُونَجِي مَنَد وَ كَلامِ حُدَا رَه دَزَوا تَعلِيمِ مِيدَد.

^{۱۲} وختیکه گالیو، والی ولايت آخیا بود، یهودیا دسته‌جمی د سرپولس هجوم اورده او ره د محکمه برد و گفت:
^{۱۳} "ای آدم مردم ره وادر مونه که خُدا ره قد روش‌های که برخلاف قانون رومی استه، پرستش کنه." ^{۱۴} حین که پولس میخاست دان خُوره واز کنه، گالیو د یهودیا گفت: "او مردم یهود! اگه ای مسئله یکو جرم و جنایت مُوبود، ما د ادعا های شُمو گوش میدم. ^{۱۵} مگم ازی که امی مسئله مریوط د تورا، نام‌ها و شریعت خودگون شُمو استه، باید خودگون شُمو حل‌و-فصل کنید. ما نمیخایم د باره امزی مسئله‌ها قضاوت کنم." ^{۱۶} پس گالیو اونا ره از محکمه بُر کد. ^{۱۷} اوخته پگ ازوا سوستیس ره که سرپرست عبادت خانه بُود، گرفته د پیش محکمه زَد-و-کوی کد، مگم گالیو هیچ د غم امزی چیزا نشد.

پس آمدن پولس د شار انطاکیه

^{۱۸} بعد ازی واقعه پولس روزای کلو ره د اونجی تیر کده قد برارای ایماندار خُدا حافظی کد و د کشتی طرف سوریه ری شُد و پرسکلا و آکيلا ام قد شی قتی بود. د شار کنخريا پولس سر خُوره کل کد، چراکه د گردون خُون نذر گرفته بُود. ^{۱۹} وختیکه اونا د شار افسس رسید، پولس ازو دُو جدا شُد و خود شی د عبادت خانه رفت و قد یهودیا د بحث کدو شُد. ^{۲۰} اونا از شی خاهش کد که بلده وخت کلو قد ازوا بمنه، مگم او قبول نکد، ^{۲۱} بلکه ازوا خُدا حافظی کده گفت: "اگه خاست خُدا بشه، بسم پیش شُمو میمیم." بعد ازو د کشتی سوار شُده از افسس ری شُد. ^{۲۲} وختیکه او د بندر قیصریه رسید، ازونجی د اورشلیم رفت و بعد از سلام و احوال پُرسی قد جماعت ایماندارا سُون شار انطاکیه حرکت کد.

سفر سوم پولس

^{۲۳} بعد از تیر کدون یگ مدت د انطاکیه، او بسم حرکت کد و سلسله‌وار سرزمین غلاتیه و فیجیه ره گشته تمام پیروا ره تقویت کد.

^{۲۴} د امزو غیت یگ آدم یهودی د نام آپولس که د شار سکندریه تولد شده بُود، د افسس آمد. او یگ توره‌گوی خوب و د کلام خُدا دانا و قوی بُود. ^{۲۵} او د راه مولا عیسی تربیه شُدد و پُر از شور-و-شوق روحانی چیزای ره که د باره عیسی بُود، د دقت مُوگفت و تعليیم میدد، اگرچه فقط از تعیید یحیی خبر داشت. ^{۲۶} امُو آدم د عبادت خانه پُرورن ترس-و-وهم د توره گفت تو شُد. وختیکه پرسکلا و آکيلا تورای شی ره شنید، اونا او ره گوشه بُرده راه خُدا ره دقیقتر بلده شی بیان کد. ^{۲۷} غیتیکه آپولس میخاست سُون ولايت آخیا سفر کنه، برارای ایماندار او ره تشویق کد و

د ایماندارای امزو جای نوشه که ازو پنیرایی کنه. آپولس امی که د اونجی رسید، کسای ره که د وسیله فیض خُدا ایمان آورده بود، کلو کومک کد، ^{۲۸} چراکه او د پیش تمام مردم یهودیا ره قد قدرت بیان بند آندخت و قد استفاده از کتاب مقدّس ثابت کد که عیسی امُو مسیح وعده شده استه.

پولس د شارِ افسُس

^۱ ختیکه آپولس د فرنُش بود، پولس از منطقه بالنه سفر کده د افسُس آمد و د اونجی قد بعضی از پیروا روی د روی شد ^۲ و ازوا پُرسان کد: "اختیکه ایمان آوردید، روح القدس ره حاصل کدید؟" اونا د جواب شی گفت: "نه، مو حتی شنیدے که روح القدس وجود دره." ^۳ پولس ازوا پُرسید: "پس چی رقم تعمید گرفتید؟" اونا گفت: "تعمید یحیی." ^۴ پولس گفت: "تعمید یحیی امی بود که مردم از گناه های خوتوبه کنه و یحیی د مردم مُوگفت که د کسی ایمان بیره که بعد ازو مییه، یعنی د مولا عیسی. ^۵ وختی اونا امی چیزا ره شنید، د نام مولا عیسی تعمید گرفت. ^۶ غیتیکه پولس دستای خوره د سر ازوا ایشت، روح القدس دزوا نازل شد و اونا د زیوانی مختلف توره گفت و نبوت کد. ^۷ اونا پگ شی تقریباً دوازده نفر بود.

^۸ پس پولس د عبادت خانه یهودیا رفت و مُدت سه ماه د اونجی بدون ترس توره گفت؛ او د باره پادشاهی خُدا بحث کده مردم ره قناعت میداد. ^۹ مگم بعضی از شنوندا سنگدل بود و از ایمان آوردو سریچی کده د پیش روی مردم د باره راه عیسی بدگویی مُوکد. امزی خاطر پولس ازوا گوشه گیری کد و پیروا ره قد خو گرفته بُرد و هر روز د تالار سخنانی که مربوط د تیرانوس بود، مجلس بحث ترتیب میداد. ^{۱۰} ای کارتا مُدت دو سال دوام کد تا ای که تمام باشنده های ولایت آسیا، ام از یهودیا و ام از یونانیا، پیغام مولا عیسی ره شنید. ^{۱۱} خُدا از دست پولس معجزه های کله نشو میداد، ^{۱۲} د اندازه که مردم دستمالا و پیشندای ره که د جان پولس ملیده شده بود، مُویرد و د جان مریضای خو مُولید و اونا از مریضی که داشت شفای پیدا مُوکد و جنیات از جان ازوا بُرمُوشد.

^{۱۳} مگم یگ تعداد از چنگیرای گشتگر یهودی ام کوشش کد که نام مولا عیسی ره د بله چندیا بگیره. اوخته اونا گفت: "د نام عیسای که پولس وعظ مُوکنه، دز شمو امر میدیم که بُر شنید!" ^{۱۴} هفت نفر از بچکیچای اسکیوا که یکی از پیشوایون عالی مقام یهود بود، ای کار ره مُوکد. ^{۱۵} مگم جن د جواب ازوا گفت: "ما عیسی ره میناخشم و د باره پولس ام خبر دَرُم، مگم شمو کی استید؟" ^{۱۶} امُو آدم چندی قد چنان قدرت د بله ازوا حمله کد که د سر پگ شی زور شد و اونا میده و دلده ازو خانه لُج دوتا کد. ^{۱۷} تمام باشنده های افسُس از یهودی گرفته تا یونانی ازی

توروه خبر شُد و پِگ ازوا دَ ترس-و-وهم افتَد و نام مَولا عيسىٰ دَ بَيْن ازوا کَلو مُحترم شُد.^{۱۸} غَدرِ امزُو کسای که ایمان اوْرُدد امَده کارای خُو ره إقرار و إفشا کد.^{۱۹} و تعدادِ کَلُون امزُو کسای که جادُوگری مُوكد، کتابای خُو ره جم کده دَ پیشِ روی پِگ مردم دَ دَ. قیمت ازوا ره که حساب کد، بَرا بِرِ پنجاه هزار سِکه نُقره بُود.^{۲۰} دَ امزى رقم کلام مَولا عيسىٰ تِبَت مُوشُد و قُدرتِ کَلوثر بَیدا مُوكد.

شورش د شارِ افسُس

^{۲۱} بعد ازی واقعه ها پولس دَ رهْنْمایی روح الْقُدْس تصمیم گرفت که از مَقدونیه و آخیا تیر شُدَه دَ اورْشَلِیم بوره. او گفت: "بعد از رفتَو دَ اونجی، شارِ رُوم ره ام بایدِ بِنْگَرُم."^{۲۲} پس دُو نفر از همکارای خُو، یعنی تیموتاوس و اراسطُس ره دَ مَقدونیه رَیی کد و خود شی بلدِه یگ مُدَاتِ کَلوثر دَ آسیا مَند.

^{۲۳} تقریباً دَمُزو غَبَت سر-و-صَدای کَلو دَ باره راهِ مَولا عيسىٰ دَ افسُس باله شُد.^{۲۴} دَ اونجی یگ زَرگر دَ نام دِیمیتِریوس بُود که عکسای نُقْرَبَی بُتخانِه آرتِمیس ره جور مُوكد و ای کار بلدِه صَنعتگرا فایدِه کَلو مِیرَسَند.^{۲۵} او تمام صَنعتگرای همشُغل و پِگ کارگرای ازوا ره جم کده گفت: "آلیکو، شُمو مِیدَنید که رَوْتَقِ زِندگی مو دَمَزی شُغل بَستَگی دَرَه.^{۲۶} و امُورِ رقم که مِینگِرید و مِيشَنَوید امی پولس قد تبَلِیغَای خُو نَه فقط دَ افسُس از مو، بلکه تقریباً دَ سراسِر آسیا کَلو مردم ره گُمراه کده و مُوگه: 'چیزای که قد دِستِ انسان جور شُدَه، خُدایو نِیسته.'^{۲۷} پس نَه تنها که شُغل مو دَ خطرِ اَسْتَه، بلکه خطر ازی اَسْتَه که عِبادتگاهِ خُدای بُزُرگ مو آرتِمیس از اعتبار بوفته و شِکوه-و-بُزُرگی آرتِمیس که تمام آسیا و سراسِر دُنيا او ره پَرَسِتِش مُونه، از بَيْن بوره.^{۲۸} وختیکه اُونا ای چیزا ره شِنید، کَلو قار شُد و چیغ زَدَه گفت: "بُزُرگ اَسْتَه آرتِمیسِ مردمِ افسُس!"^{۲۹} پس شارِ شورش افتَد و مردم یگجاو دَ مَیدانِ مسابقات هُجُوم بُرده گایوس و آرِستَرخُس ره که از مردمِ مَقدونیه و از همسَفراوی پولس بُود، دِستگیر کد و کَشَل کده قد خُو بُرد.^{۳۰} پولس میخاست که دَ بَيْن مردم بوره، مگم پَرَوای مَولا عيسىٰ او ره نَه ایشت.^{۳۱} حتَّی یگ تعداد از کنه سرای ولایتِ آسیا که قد پولس دوست بُود، دَ پیشِ پولس نفر رَیی کده اِصرار کد که دَ مَیدانِ مسابقات نَرَوه.^{۳۲} بعضی کسا چیغ زَدَه یگ چیز مُوگفت و بعضی دیگِه شی یگ چیز دِیگه، چون جمعیَت دَ سردارگمی بُود و زوره مردم مقصِدِ جم شُدون خُو ره هیچ نَمُوفَامِید.^{۳۳} یگ تعدادِ مردم فِکر کد که سِکندر مسْتَوَ اَسْتَه، چرا که یهودیا او ره پیش آندختَد. پس او قد دِست خُو إشاره کد که مردم آرام شُنَه و خاست تا دَ پیشِ مردم از یهودیا دِفاع کنه.^{۳۴} مگم وختی مردم فَامِید که سِکندر یهودی اَسْتَه، پِگ شی دَ یگ آواز دَ مُدَاتِ دُو ساعت یکسره چیغ مِیزَد: "بُزُرگ اَسْتَه آرتِمیسِ مردمِ افسُس!"^{۳۵} آخرِ کار مسْتَوِ شارِ مردم ره آرام کده گفت: "آی مردمِ افسُس، کی دَ ای دُنيا نَمِیدَنَه

که شارِ افُسُس مو، حافظِ عِبادتگاهِ آرْتِمِیسِ بُزُرگ و حافظِ سنگِ مُقدَّسی آسته که از آسمو ڈَزمی پَرِیده؟^{۳۶} پس، ازی که هیچ کس امی حقِیقت ره انکار کده نَمِیتنه، شُمو باید آرام بِشِینید و از عَجله کار نَگیرید.^{۳۷} امی آدمای ره که شُمو ڈَاینجی اوُر دید، نَه از عِبادتگاهِ مو چیزی ره دُزی کده و نَه ام ڈَضِدِ خُدای مو توره کُفرآمیز گفته.^{۳۸} پس اگه دِیمیتریوس و همکارای شی ڈَضِدِ کسی کُدمِ ادعا دره، درگه محکمه واز آسته و قاضیا ام حاضر. اُونا میتنه اُونجی دعوا های خُوره ڈَخلافِ یگِدیگِه خُو پیش کُنه.^{۳۹} اگه شُمو کُدمِ مسائلِ دِیگه دَرِید، باید ڈَجلسه رَسمی حل-و-فصل شُنَه.^{۴۰} چُون خطر ازی آسته که حُکومتِ رُوم مو ره مسُئولِ شورشِ امروز بِدَنه، ڈَحالِیکه کُدمِ دَلیل بلدِ شی نَرَی و هیچ جواب ام دَدَه نَمِیتنی.^{۴۱} وختِیکه امی چیزا ره گفت، او جمعیتِ مردم ره رُخَصَت کد.

مسافِرتِ پُولس پس ڈَمَقْدُونِیه و یونان

۲۰ ^۱ امی که شورش خلاص شد، پُولس پَیرَوَای مَوْلَا عَیَسَیٰ ره طلب کده اُونا ره تشویق کد و بعد از خُدا حافظی حَرَکت کده سُون مَقْدُونِیه رَسَی شُد.^۲ او ڈَامْزُو منطِقا سَفَر کده قدَ غَدَر تورا ایماندارا ره تشویق کد و آخرِ کار ڈَیونان رسید^۳ و سِه ماه ڈَأُونجی مَنَد. وختِیکه میخاست قد کِشَتی ڈَسُوریه بوره، فَامِید که یهودیا ڈَضِدِ شی راه جوری کده. امزی خاطر تصمیم گرفت که از راهِ مَقْدُونِیه پس بوره.^۴ اینی نفرا قد شی قتی بُود: سوپاترس باچه پیروس از بیریه؛ آرِسْتَرْخُس و سِکُنْدوس از تِسالوْنیکی؛ گایوس از دریه؛ امچنان تیموتاوس، تیخیکاس و تروفیموس از ولایتِ آسیا.^۵ ای نفرا پیشلو رفت و ڈَتروآس معطلِ ازمو شِشت. ^۶ مگم مو بعد از عِیدِ فطیر از شارِ فیلیپی ڈَکِشَتی سوار شُدی و پَنَج روز بعد ڈَبندرِ تروآس ڈَپیش ازوا رسیدی و یگ هفته ڈَأُونجی مَنَدی.

^۷ دَ شاوِ یگشَمِیه بَلِدِه مَرَاسِمِ ٹوٹه کدونِ نانِ آخرِ عَیَسَیٰ مسیح قد یگِدِیگِه خُو جَم شُدی. پُولس از خاطری که روزِ دِیگِه شی ڈَسَفَر رَسَی بُود، بَلِدِه ایماندارا موَعِظَه کد و تا نِیمِ شاوِ ڈَنَقل های خُو اِدامَه دَد.^۸ ڈَبَالِخانِه که جَم شُدَه بُودی چِراغای زیاد روشن بُود.^۹ ڈَأُونجی یگ جوان ڈَنَامِ اِفتیخوس ڈَدانِ کِلکِین شِشَتَه بُود و ڈَحالِیکه پُولس نَقل مُوكد ڈَبلِه ازُو کم خاو میمَد. ڈَآخر خاو سر شی زور شُد و او از منزلِ سِه تاه پَرِید. وختِیکه او ره باله کد، او مُرده بُود.^{۱۰} پُولس تا رفت و خود ره ڈَبلِه شی آندخته او ره ڈَبغَل خُو گِرفت و گفت: "تشویش نَکِنَید. جان شی ڈَ وجود شی آسته."^{۱۱} وختِیکه پُولس دُوباره باله رفت و نان ره ٹوٹه کده خورد، او کَلو دیر گُفتگوی خُو ره اِدامَه دَد یعنی تا دَمِ روزواز شُدو؛ بعد ازُو بُر شُدَه رفت.^{۱۲} و اُونا امُو جوان ره زِنَدَه ڈَخانه بُرد و فِکِرِ پَگ شی کامِلًا آرام شُد.

از شارِ تروآس ڈِ میلیٹس

^{۱۳} مو پیش از دیگرو ڈَ کشتی سوار شدہ طرفِ بندرِ آسوس حَرکت کدی تاکہ پُلُس ره اُونجی سوار کُنی. او امی رقم فیصلہ کد، چون خود اُزو خاست که تا اُونجی ره پای پیدہ بورہ.^{۱۴} وختیکہ پُلُس ڈَ شارِ آسوس قد مو یگجاو شد، او ره ڈَ کشتی سوار کدی و ڈَ بندرِ میلیٹینی رفتی.^{۱۵} روزِ دیگہ شی اُونجی ڈَ دریا رَبی شدہ ڈَ نزدیکِ جزیرہ خیوس رسیدی و روزِ سوم شی ڈَ جزیرہ ساموس رسیدی. صباحِ امزُو روزِ ڈَ بندرِ میلیٹس آمدی،^{۱۶} چراکہ پُلُس تصمیم گرفتہ کہ ڈَ افسُس گیر نکُنہ، چون نمیخاست ڈَ ولایتِ آسیا وخت تیر کنه. او عَجلہ داشت کہ زُودتر ڈَ اورشلیم پر سه و ڈَ صورتِ امکان عِید «روزِ پنجاہم» ره ڈَ اُونجی بَشه.

خُدا حافظی پُلُس قد بُزرگای جماعتِ افسُس

^{۱۷} پُلُس از میلیٹس یگ پیغام ڈَ افسُس رَبی کد و بُزرگای جماعتِ ایماندارا ره ڈَ پیش خُو کُوی کد. وختیکہ اونا ڈَ پیش شی آمد، پُلُس ڈَزوا گفت: «شُمو میدَنید، از اوَلین روزِ که ما پای خُو ره ڈَ آسیا ایشتم ڈَ تمام وختیکہ قد شُمو بُودم چطور رفتار کدم،^{۱۹} یعنی چطور قد شِکسته-نفسی کامل و آوِدیدہ های کلو مولا عیسیٰ ره خدمت کدم، باوجود آزمایش های که ڈَ وسیله دَسیسے های یہودیا ڈَبلہ مه آمد.^{۲۰} شُمو میدَنید که ما از تعليمَ ڈدونِ هر چیزی که بَلِدہ شُمو فایدہ داشت دریغ نکدم، بلکہ پیغام ره ڈَز شُمو رَسَندم و چی ڈَ جای عُمومی، چی ڈَ خانه های شُمو ڈَز شُمو تعليم ددم.^{۲۱} ما ڈَ یہودیا و یونانیا اعلان کدم که اونا ڈَ حُضُورِ خُدا تویہ کُنہ و ڈَ مولای مو عیسیٰ مسیح ایمان بیره.^{۲۲} و آلی ڈَ فرمون روحُ القدس ڈَ اورشلیم مورُم و ازی که ڈَ اُونجی چیز خیل ڈَ سر مه میمه نَمیدَنُم،^{۲۳} سوای که روح القدس ڈَ هر شار ڈَز مه خبر میدیه که بَندی گری و سختی ها ڈَ انتظار مه آسته.^{۲۴} مگمِ ادامہ زندگی بَلِدہ مه اُوفس آرِزش ندره. فقط آرزوی مه امی آسته که دَورِ خُو ره ڈَ آخر پرستم و خدمتی ره که مولا عیسیٰ ڈَ عَهدہ مه ایشته، یعنی اعلانِ خوشخبری فیضِ خُدا ره انجام بَدیم.^{۲۵} آلی ما میدَنُم که هیچ کدم از شُمو که ما ڈَ مینکل شُمو گشته پادشاهی خُدا ره ڈَز شُمو اعلان کدم، دیگہ رُوی مرہ نَمینگرید.^{۲۶} امزی خاطر امروز بَلِدہ شُمو واضح مُوگیم که ڈَ روزِ آخرت خُونِ هیچ کس ڈَ گردون ازمه نیسته،^{۲۷} چراکہ ڈَ اعلان کدونِ تمام مقصودِ خُدا بَلِدہ شُمو هیچ کوتاهی نکدیم.^{۲۸} فِکر خُو ره سُون خود و سُون پگ رَمہ که روح القدس شُمو ره ڈَ سرِ ازوا سرپرست جور کده، بِکِیرید تا ڈَ بَلِه جماعتِ ایماندارای خُدا چوبونی کنید، چون خُدا اونا ره قد خُون باچہ خُو خریده.^{۲۹} ما میدَنُم که بعد از رفتوں مه گُرگ های دَرنده ڈَ مینکل شُمو میمه و ڈَ بَلِه رمہ رَحم-و-دلسوزی نَمونه.^{۳۰} حتی از مینکل خودون شُمو کسای بالی مُوشہ که حقیقت ره تغییر میدیه تا پیروا ره ڈَ دُمبال خود خُو کش کُنہ.^{۳۱} پس آگاہ بَشید و پُرمُشت نَکنید که ڈَ ای

مُدَّتِ سِه سال، شاو و روز از آخطار دَدو قد آوَدیده دَ هر کُم شُمو فارغ نَبُودُم.^{۳۲} الی شُمو ره دَ خُدا و دَ کلام پُرَفَیضِ اُزو تسلیم مُونم که مِیتنه شُمو ره آباد کنه و شُمو ره دَ مینکلِ تمامِ کسای که تقدیس شُده یگ میراث بِدیه.^{۳۳}

ما چیم مه دَ طِلَّا و نُقره و یا کالای کسی نَمَنده.^{۳۴} خودون شُمو میدَنید که قد امزی دِستا رَحْمَت کشیدیم و ضرورت های خود خُو و کسای ره که قد مه بُود، پُوره کدیم.^{۳۵} ما عَمَلًا دَ شُمو نِشو دَدم که مو باید امی رقم رَحْمَت بِکشی و دَ آدمای ناتو یاری کنی و تورای مَولا عیسیٰ ره دَ یاد دَشته بشی که مُوگفت: بخشیدو از گِرفتو کده بَرَکَت شی کلو آسته.^{۳۶} وختیکه پولس تورای خُو ره دَ آخر رَسَند، قد پگ ازوا زانو زَدَه دُعا کد.^{۳۷} اونا پگ شی غَدر چخرا کد و پولس ره دَ بغل خُو گِرفته ماخ کد.^{۳۸} امی توره پولس اونا ره از پگ کلوتر غَمگی کده بُود که گفت: دِیگه رُوی مَره نَمِینگَید. اوخته اونا او ره تا بیخ کِشتی همراهی کد.

سَفَرِ پُولس دَ اورُشَلَیم

۲۱ بعد ازی که مو خود ره ازوا جدا کدی، مو از راه دریا سِیده دَ جزِیره کاوس آمدی. روزِ دِیگه شی دَ جزِیره روُدُس رفتی و اُونجی دَ شارِپاتارا. دَ اُونجی یگ کِشتی ره پیدا کدی که سُون منطقه فِنِيقیه رَبی بُود. پس دَزُو سوار شُده حَرَکَت کدی. امی که قِبرس از دُور مَعْلُوم شُد، مو از طرفِ جنوب اُزو تیر شُده دَ سَفَرِ خُو طرفِ سُوریه اِدامه دَدی و دَ بندرِ صُور تاه شُدی، چون قرار بُود که بارِ کِشتی ره دَ اُونجی خالی کُنَه.^{۳۹} اوخته، ایماندارا ره پیدا کده هفت روز دَ اُونجی مَنَدی و اونا دَ هِدایت روحُ الْقُدْسِ پولس ره محکم شُد که سُون اورُشَلَیم نَرَوَه. وَغَیْتیکه وخت مو دَ اُونجی پُوره شُد، اُونجی رَبی شُده دَ سَفَرِ خُو اِدامه دَدی. تمامِ ایماندارای امْزُ جای قد خاتُونو و بچکیچای خُو مو ره تا بُرون شار همراهی کد و دَ لَبِ دریا پگ مو زانو زَدَه دُعا کدی.^{۴۰} بعد اُزو قد یگدیگه خُو خُدا حافظی کده مو دَ کِشتی سوار شُدی و اونا پس سُون خانه های خُو رفت.

۴۱ مو از بندرِ صُور دَ سَفَرِ دریایی خُو اِدامه دَدی و دَ شارِپتولامائیس رسِیدی و دَ اُونجی قد بِرارو مَنَدِ نَشی کده یگ روز ره قد ازوا مَنَدی. روزِ دِیگه شی اُونجی ره ایله کده دَ شارِ قَبَصَرِیه آمدی و دَ خانه فِیلِیپس خوشخبری دِهندَه رفتنه قد اُزو مَنَدی. او یکی از هفت خِدمتگارِ نیک نام بُود.^{۴۲} فِیلِیپس چار دُخترِ خانه دَشَت که بَبُوت مُوكد.^{۴۳} بعد از چند روز، دَ حَالِیکه مو دَ اُونجی بُودی، یگ پَیغمبرِ دَنَامِ آگابوس از منطقه یهودیه دَ اُونجی آمد.^{۴۴} او دَ دِیر ازمو آمد و کمرَبَندِ پولس ره گِرفته دِست و پای خُو ره قد شی بسته کد و گُفت: روحُ الْقُدْسِ اینی رقم مُوگه، یهودیای اورُشَلَیم صاحِب امزی کمرَبَند ره امی رقم بسته مُونه و او ره دَ دِستِ بیگنگو تسلیم مُونه.^{۴۵} وختیکه مو امی توره ره شِنیدی، مو و کسای که دَ اُونجی حاضر بُود، از پولس خاھش کدی که دَ اورُشَلَیم نَرَوَه.^{۴۶} مگم

پولس آزوا گفت: "ای چې رقم کار آسته که شمومونید؟ چرا قد چخراي خو دل مرد میده مونید؟ ما ننها حاضر آستم که بتندی شنم، بلکه حاضر آستم که از خاطر نام مولا عیسی اورشلیم حتی جان خوره فدا کنم."

^{۱۴} ازی که تورای مو دزو هیچ تاثیر نکد، مو از شله گی دست باله کدی و گفتی: "بورو، هر چی که اراده خداوند بشه، امو رقم شنه."

^{۱۵} بعد امزو روزا که د اونجی بودی، مو تیاری گرفته سون اورشلیم رسی شدی. ^{۱۶} یگ تعداد از پیروای شار قیصریه ام قد ازمو قتی آمد و مو ره د خانه مناسون برد تا قد ازو بمنی. او از جزیره قبرس و یکی از ایماندارای قدیمی بود. ^{۱۷} وختیکه د اورشلیم رسیدی برارای ایماندار د خوشی از مو پذیرایی کد.

پولس د اورشلیم

^{۱۸} روز دیگه شی پولس قد ازمو د دیدون یعقوب رفت و تمام بزرگای جماعت ایماندارا د اونجی حاضر بود. ^{۱۹} بعد از سلام و متنه نشی، پولس از کارای که خدا د وسیله ازو د بین مردم غیر یهود کده بود، یگ یگ دزوا نقل کد. ^{۲۰} اونا وختیکه ای چیزا ره شنید، خدا ره ستایش کد و بعد ازو د پولس گفت: "ای بار، تو میدنی که هزارها نفر از یهودیا ایمان آورده و پگ ازوا د باره شریعت سخت غیرت دره. ^{۲۱} و بلده ازوا گفته شده که تو د یهودیای که د مینکل مردمای غیر یهود زندگی مونه، تبلیغ مونی که از شریعت موسی روى بگردنه و اولادی خوره ختنه نکنه و رسم-و-رجاج خوره ام نگاه نکنه. ^{۲۲} آلی چی باید کنی؟ اونا حتما از آمدنون تو خبر موشه. ^{۲۳} پس هر چیزیکه مو دز تو موغی امو رقم بکو: د اینجی چار نفر قد مو آسته که نذر د گردون خو گرفته. ^{۲۴} تو اونا ره گرفته ببر و خود ره قد ازوا یگجای پاک کو. مصرف ازوا ره ام بدی تا اونا بتنه سر خوره کل کده نذر خوره پوره کنه. اوخته پگ میدنه، چیزای که د باره از تو دزوا گفته شده هیچ حقیقت نداره، بلکه خود تو ام شریعت ره نگاه کده مطابق شی رفتار مونی. ^{۲۵} مگم د باره غیر یهودیای که ایمان آورده، مو فیصله خوره نوشتی کده دزوا رسی کدی تا از هر چیزی که بلده بسته ها قربانی شده بشه و از حون و از گوشت حیواناتی قپه شده و از زناکاری پرهیز کنیه. ^{۲۶} پس روز دیگه شی پولس امو چار نفر ره گرفته قد خوبرد و قد ازوا قنی مراسم پاک شدو ره پوره کد. بعد ازو داخل خانه خدا شد و از تکمیل شدون روزای پاک شدو د پیشوا خبر دد تا بلده هر کدم ازوا یگ قربانی تقدیم شنه.

گرفتار شدون پولس د خانه خدا

^{۲۷} دوره هفت روزه پاک شدو نزدیک تکمیل شدو بود که بعضی از یهودیای آسیا پولس ره د خانه خدا دید. اونا

مردم ره د شور آورده پولس ره دستگیر کد ^{۲۸} و چیغ زده گفت: "آی مَرْدَاهِ إِسْرَائِيلِي، كومك كُنید! ای امو کسى
آسته که د هر جای د ضِدِ قَوْم و شريعت مو و د ضِدِ امزى جاي مُقدَّس تبليغ مونه. د علاوه ازى، او يونانيا ره ام د
خانه خدا آورده و اى جاي مُقدَّس ره نَجِس کده." ^{۲۹} چون اونا چند وخت پيش تروفيموس از شارِ افسُس ره قد پولس
د شار ديده بود و گمان مُوكد که پولس او ره د خانه خدا آورده بشه. ^{۳۰} پس پگِ شار د شورش آمد و مردم د سر
پولس هجوم آورده او ره گرفت و از خانه خدا بُر کد و درگه های خانه خدا فوری بسته شد. ^{۳۱} وختیکه جمعیت مردم
میخاست او ره بُکشه، د قومدانِ اردوی رومی خبر رسید که تمام مردم اورشلیم د شور آمد. ^{۳۲} او یگ دم قد
عسکرا و صاحب منصبای خُ طرف جمعیت خیز کد. وختیکه مردم قومدان و عسکرا ره دید، اونا از زدون پولس
دست کشید. ^{۳۳} او خته قومدان نزدیک آمده پولس ره دستگیر کد و امر کد که او ره قد دو زنجیر بسته کنه. بعد
ازو پرسید که ای آدم کی آسته و چی کار کده؟ ^{۳۴} بعضی کسا از مینکل جمعیت د آواز بلند یگ چیز مُوگفت و
بعضی دیگه شی یگ چیز دیگه. وختیکه از خاطر چیغ-و-شورِ کلو تئنست حقیقت ره بفامه، او امر کد که پولس ره
د قشله بُرده. ^{۳۵} او که د راهزینه قشله رسید، عسکرا از خاطر قار مردم مجبور شد که پولس ره د بله شانه های خُ
بُرده، ^{۳۶} چراکه جمعیت مردم از دمبالِ ازوا رَی بود و چیغ میزد که "او ره بُکشید."

دِفاع پولس

عسکرا قریب بود که او ره د مَنِه قشله داخل کنه، پولس رُوي خُ رو ره سُون قومدان دور دده پُرسان کد: "إجازه
میدی یگ چیز بُگم؟" قومدان د جواب شی گفت: "تو زِيونِ يوناني ره میدانی؟ ^{۳۷} خَيْ تُوْ اوْ آدمِ مصری نیستی که
چند وخت پيش بلده انقلاب کدو چار هزار نفرِ جنگی ره قد خُو د بیابو بُرد؟" ^{۳۸} پولس گفت: "ما يهودی أَسْتُمْ، از
شارِ تارسوس قیلیقیه، باشندِ یگ شارِ بُرگ و مُهم. خاهش مُونم، إجازه بُدی که قد مردم توره بُگم." ^{۳۹} وختی
قومدان دَزشی إجازه دَد، او د بله زینه ایسته شد و قد دست خُو سُون مردم إشاره کد. امی که د اونجی آرامی
کامل برقرار شد، پولس د زبونِ عبرانی دَزوا گفت:

دِفاع پولس د پيشِ يهوديا

۲۲ ^۱"آی آتهگو و بِرارو! دِفاعِ مرَه که امی آلی د حُضُورِ شُمو پيش مُونم، گوش کُنید." ^۲ وختی اونا دید که او د
زبونِ عبرانی توره مُوگه، اونا کلوتر آرام شد. او خته پولس گفت: ^۳"ما يگ يهودی أَسْتُمْ که د شارِ تارسوس قیلیقیه
د دُنيا آمدیم، مگم د امزى شار تَرَيیه شُدیم و د تَي دِستِ گَمَالَائِيلِ مُطَابِقِ شَرِيعَتِ بابه کلونای مو دقیق تعليم دده

شُدیم. ما د باره خُدا سخت غَیرَت دشتهيم، امو رقم که إمروز شُمُو دَرِيد. ^٤ ما پَيَّرواى امرى راه ره تا سرحد مَرگ آزار-و-آذیت مُوكَدُم و اُونا ره گِرفتار کده ام مَردا و ام خاتونو ره دَبَندی خانه مِینَدَخُنم. ^٥ پیشوای بُزرگ و تمام اعضاي شوراي يهود دَزى باره شاهِد مه أسته. امچنان ما ازوا چند خط دَبَله بِرارون يهودي که دَ دَمشق بُود گِرفشم و حَركت کَدُم تا پَيَّرواى عيسى^٦ ره که دَأونجى بُود، دست بسته بَلده جَزا دَدو دَ اورُشَليْم بِيرُم. ^٧ مَكْم وختيکه ما د راه بُودم و دَ دَمشق نزديك مُوشَدُم، قَربَيَّا چاشت اولغَتلَه يگ نُور قَوى از آسمو گِرد مَرَه روشو کد. ^٨ ما د زمى افتَدُم ويگ آواز ره شِينيَّدُم که مُوكَفَت: 'شائول، آي شائول، چرا مَرَه آزار-و-آذیت مُوكَنَى؟' ^٩ ما پُرسان کَدُم: 'صاحب، تُو کَى أَسْتَى؟' ^{١٠} او دَ جواب مه گُفت: 'ما عيسى ناصِرى أَسْتَم امو که تُو آزار-و-آذیت مُونَى.' ^{١١} نفرای که قد مه بُود، نُور ره مِيدِيد، مَكْم آوازِ كَسى ره که قد مه توره مُوكَفَت، تَيَّيشِينَيد. ^{١٢} ما پُرسان کَدُم: 'يا مَولا، ما چى كَنْم؟' ^{١٣} و مَولا عيسى دَز مه گُفت: 'باله شُو، دَ دَمشق بُورُو و دَأونجى تمام وظيفه که بَلده تُو سپِرَه شُده، دَز تُو گُفته مُوشَه.' ^{١٤} از خاطرِ بلَقَسِ امزُو نُور چيمى مه كور شُد و نفرای که قد مه بُود دست مَرَه گِرفت و مَرَه كوتَل کده دَ دَمشق بُرد. ^{١٥} دَ دَمشق يگ آدم دَ نامِ حنانيا زِندگى مُوكَد که يگ شخصِ خُدا ترس، تابع شريعت و دَ بَين يهوديا نيك نام بُود. ^{١٦} او دَ پيشِ مه آمد و دَ بالُوي مه ايسته شُده گُفت: 'آي شائول بِرار، بِينا شُو.' ^{١٧} دَ امزُو لحظه بِينا شُدُم و سُون ازُو توخ کَدُم. ^{١٨} حنانيا بسم دَز مه گُفت: 'خُداي بابه كَلوناي مو تُو ره انتِخاب کده تا اراده ازُو ره بِدنى و شخصِ عادِل، يعني مَولا عيسى ره بِنگَرِي و آواز شى ره از دانِ خود شى بِشنَوى، ^{١٩} چُون تُو شاهِد ازُو مُوشى و دَ باره چيزى که دِيدِي و شِينيَّدِي دَ پيشِ پِكِ مردُم شاهِدِي مِيدِي. ^{٢٠} و آلى چرا معطل أَسْتَى؟ باله شُو، غُسلِ تعَمِيدِ بِكِير و نام ازُو ره گِرفته از گُناهَاهِي خُوپاك شُو. ^{٢١} وختيکه دُوبَاره دَ اورُشَليْم آمدُم، يگ روز دَ خانه خُدا دُعا مُوكَدُم که خاو دَبَله مه آمد ^{٢٢} و دَ امزُو حالت مَولا عيسى ره دِيدُم که مُوكَفَت: 'زُود باله شُو و اورُشَليْم ره ايله كُو، چراکه مردُم ازى شار شاهِدِي تُو ره دَ باره ازمه قبُول نَمُوكَنَه.' ^{٢٣} و ما گَفْمُ: 'يا مَولا، امي مردُم مِيدَنه که ما دَ عبادت خانه ها مو رَفَثُم و کسای ره که دَز تُو ايمان آورَده بُود، دَبَندی خانه مِينَدَخُنم و مِيزَدُم. ^{٢٤} وختيکه خُونِ شاهِد تُو إستيفان رېختنَد شُد، ما دَأونجى ايسته بُودُم و دَ امزُو کار رضایَت دَدُم و چَپَن هَاي قاتِلَاهِي شى ره نِگاه کَدُم. ^{٢٥} مَكْم مَولا عيسى دَز مه گُفت: 'حَركت كُو، ما تُو ره دَ جاي دُور دَ پيشِ مردُم غَيرِ يهود رَبي مُونَم.' "

جمعيَّت مردُم تا اينجى گپاى شى ره گوش کد، ولے بسم دَ آوازِ بِلنَد چِيغ زَده گُفت: "إي رقم نفر ره از رُوى زمى گُم كُييد! إي باید زِنَدَه نَمَنَه!" ^{٢٦} دَمُزو غَيَّتيکه مردُم قد چِيغ-و-شور كَلو چَپَنai خُو ره شور دَدَه خاک ره دَ هَوا باد مُوكَد، ^{٢٧} قومَنَدان امر کد که پُولُس ره دَ مَنِه قِشَلَه بِيره و قد قَمچى ازُو تحقِيقَات کُنه تا معلوم شُنَه که از چى خاطر اى چِيغ-و-شور دَ ضد ازُو باله شُده. ^{٢٨} وختيکه اُوره بَلده قَمچى زَدو بسته مُوكَد، پُولُس از صاحب مَنصَبَى که دَ اونجى ايسته بُود، پُرسان کد: "آيا قانون دَز شُمُو إجازه مِيدِيه که يگ نفر رُومى ره بِدون ازى که محَكُوم شُده"

بَشَه، قَدْ قَمَچِي بِزَنِيد؟^{٢٦} وَخِتِيكَه صَاحِب مَنْصَبِ إِي تُورَه رَه شِنِيد، پِيشِ قَوْمَنْدان رَفَت وَذُو گُفت: "تُومِيدَنِي
چِي مُونِي؟ إِي آدم يِكْ نَفِرِ رُومِي أَسْتَه."^{٢٧} قَوْمَنْدان پِيشِ پُولُس رَفَت وَاز شِي پُرسَان كَد: "ذَمِه بُكَي، آيا تُو
رُومِي أَسْتَي؟"^{٢٨} پُولُس گُفت: "أَرَى."^{٢٩} قَوْمَنْدان گُفت: "ما امِي حقِ تابعِيتِ رُوم رَه دَقِيمَتِ كَلو خِريديم."^{٣٠} پُولُس
گُفت: "مَكْمَ ما از زَمانِ تَوْلُدِ خُو رُومِي بُودِيم."^{٣١} پَس كَسَايِ كَه قَرَار بُود از پُولُس تَحْقِيقِ كَنه، يِكْ دَم ازُو دُور
شُد وَ قَوْمَنْدان وَختِي فَامِيد كَه پُولُس رُومِي أَسْتَه تَرسِ خَورَد، چُونْ أُوْ أَمَر كُدَّد كَه پُولُس رَه بِستَه كَنه.

پُولُس دَ حُضُورِ شورَاي يَهُودِيَا

روزِ دِيَكِه شِي ازِي كَه قَوْمَنْدان مِيَخَاست قِصَه رَه خُوب بُفَامَه كَه يَهُودِيَا از چِي دِليل دَ سِرِ پُولُس اَدْعَا كَده، أَو
پُولُس رَه بُرُو أُورَد وَ أَمَر كَد كَه پِيشِوْيَونِ عالِيِّ مَقَام وَ شورَاي يَهُودِيَا يِكْ جَلسَه تَشكِيلِ بِديه. اوختِه پُولُس رَه تَاه
أُورَد وَ دَپِيشِ ازوا حاضِرِ كَد.

٤٣ پُولُس توغرِي سُونِ اَعْضَاءِ شورَاه تَوَخَ كَد وَ گُفت: "آي بِراَرو، ما تا إِمْرُوز دَ حُضُورِ خُدا قد وَجَدَنِ پاك
زِندَگِي كَديم."^١ اوختِه حَانِيَا پِيشِوْيَاه بُزُرَگ دَ كَسَايِ كَه پَالُوي پُولُس اِيَسْتَه بُود، أَمَر كَد كَه دَ دَانِ شِي بِزَنِه.^٢
^٣ پُولُس دَرُو گُفت: "آي كَه ظَاهِرِ تُو لَخَشْمَ-وَسَفِيدِ أَسْتَه!"^٤ كَسَايِ كَه دَ پَالُوي پُولُس اِيَسْتَه بُود، گُفت: "آيَا دَ
پِيشِوْيَاه بُزُرَگِ خُدا تَوهِينِ مُونِي؟"^٥ پُولُس گُفت: "بِراَرو، ما نَفَامِيدُم كَه أُو پِيشِوْيَاه بُزُرَگِ أَسْتَه، چُونْ دَ كِتابِ
مُقدَّسِ نُوشَته شُدَه كَه دَ رَهْبِرِ قَومِ خُو بَدَ-وَرَدَ نَكَي."^٦ وَختِي پُولُس فَامِيد كَه يِكْ جَمِ ازوا صَدُوقِيَا أَسْتَه وَ دِيَكِه
جَمِ ازوا فَريسيَا، أَوْ قَد آوازِ بِلنَد دَ مجلِس گُفت: "آي بِراَرو، ما فَريسيَي وَ أَوَلَادِ فَريسيَي أَسْتَم؛ ما از خاطِرِ ايمَانِ و
أَمِيدِ دَ قِيَامَتِ مُرَدَه هَا دَ إِينِجي مَحاِكمَه مُوشُم."^٧ وَختِي أُوْ امِي رَه گُفت، دَ بَيَنِ فَريسيَا وَ صَدُوقِيَا إِختِلافِ پَيَدا شُد
وَ شورَاه دُو تَقْسِيمِ شُد، چِرا كَه صَدُوقِيَا مُنْكِرِ قِيَامَت وَ مَلاِيكَه وَ رَوحِ أَسْتَه، مَكْمَ فَريسيَا دَ پِكِ ازِي چِيزَا عَقِيدَه
دَرَه. پَس دَ بَيَنِ مجلِسِ غَرِيبِيَه بِريَا شُد وَ چَند نَفَر از عَلِمَاءِ فَريسيَي بالَه شُدَه اِعْتَراَضَ كَد وَ گُفت: "مو دَ آيِ آدم
هِيج تَقْصِيرِ نَمِينَگَرِي. از كُجا مَعْلُومِ آسْتَه كَه يِكَو رَوح يَا مَلاِيكَه قَد شِي تُورَه نَكْفَتَه بَشَه؟"^٨ إِختِلافِ دَ انْدَازِه
بالَه رَفَت كَه قَوْمَنْدان از تَرسِ ازِي كَه پُولُس رَه تِكه تِكه نَكُنَه، دَ عَسَكَرا أَمَر كَد كَه دَ مجلِسِ دَاخِلِ شُنَه وَ پُولُس رَه
دَ زَورِ از مِينَكَلِي جَمِيعَتِ بُرَ كَدَه دَ قِشَله بُبرَه.^٩ دَ شَاوِ امْزُو رَوزِ مَولا عَيسَى نَزَدِيكِ پُولُس أَمَدَه گُفت: "شُجاع
بَش. امُو رَقمِيكَه دَ اورُشَليِمَ دَ بَارِه مَه شَاهِدِي دَدِي، دَ شَارِ رُومَ ام بَايد امُو رَقمَ شَاهِدِي بِدي."

نقشه د ضد پولس

^{۱۲} شاو که صباح شد، یهودیا قد یگدیگه خوششته نقشه کشید و قسم خورد که تا پولس ره نکشنه، نان یا آو ره دان خونزنه. ^{۱۳} کلوتر از چل نفر دای دسیسه شریگ بود. ^{۱۴} اونا دیر پیشوایون عالی مقام و ریش سفیدا رفت و گفت: "مو سخت قسم خورده، تاکه پولس ره نکشی نان ره دان خونمیزنه. ^{۱۵} پس شمو و اعضای شورا از قومدان خاهش کنید که او ره صباح دپیش شمو بیره، دبایه ازی که شمو میخایید دباره قضیه پولس غوغتار تحقیق کنید. و مو تیار استی که پیش از رسیدون شی داینجی او ره بکشی. ^{۱۶} لیکن خوارزمه پولس ازی دسیسه باخبر شد و دیشه رفته پولس ره خبر کد. ^{۱۷} اوخته پولس یکی از صاحب منصب ره کوی کده گفت: "ای جوان ره پیش قومدان ببر، چون ای میخایه دزو یکو چیز بگیه. ^{۱۸} صاحب منصب او ره دپیش قومدان برد و دزو گفت: "امو پولس که بندی استه، مره کوی کده از مه خاهش کد که ای جوان ره دپیش از تو بیرم. ای میخایه دز شمو یکو چیز بگه. ^{۱۹} قومدان دست ازو ره گرفته دیگ گوشه برد و ازو پرسان کد: "تو چی میخاهی دز مه بگی؟" ^{۲۰} او گفت: "یهودیا نقشه کشیده که از تو خاهش کنه تا پولس ره صباح دشورا ببری. بانه ازوا امی استه که اونا میخایه دباره ازو غوغتار تحقیق کنه. ^{۲۱} پس اونا ره تن ندی، چراکه کلوتر از چل نفر دکمین ازو ششته و قسم خورده که تا پولس ره نکشنه نه چیز بخوره و نه وچی کنه. اونا امی الی تیار استه و فقط منتظر موافقه از تو یه. ^{۲۲} قومدان امو جوان ره رخصت کد و دزو امر کده گفت: "د هیچ کس نگی که مره ازی چیزا خبر کدی."

انتقال پولس د شار قیصریه

^{۲۳} پس قومدان دو نفر صاحب منصب ره دپیش خو طلب کده گفت: "دو صد عسکر پیده و هفتاد نفر سواره و دو صد نیزه دار تیار کنید تاکه ساعت سوم شاو د قیصریه بوره. ^{۲۴} بلده پولس ام یکو الاغ حاضر کنید که سوار شنه و او ره صحیح-وسلامت دپیش فیلکس والی برسیند. ^{۲۵} پس یگ خط دای مضمون نوشه کد:

^{۲۶} "از طرف کلودیوس لیسیاس د عالی جناب فیلکس والی، سلام تقدیم استه. ^{۲۷} ای آدم ره یهودیا گرفته بود و قصد داشت که بکشنه، لیکن ما قد عسکرای خود اونجی رفته او ره از چنگ ازوا نجات ددم، چون خبر شده بودم که او یگ نفر رومی استه. ^{۲۸} ازی که میخاستم علیت تهمت ازوا ره بفامم، ما او ره دشورای ازوا برد. ^{۲۹} مگم متوحه شدم که تهمت ازوا دباره مسئله شریعت خودون ازوا استه و هیچ تهمت دبله شی نشده که واجب قتل و یا بندی کدو بشه. ^{۳۰} پس وختی دز مه خبر دده شد که د خلاف امزو آدم نقشه کشیده شده، فوری او ره دپیش از تو

زېي کدُم و د مُدعیای شی ام گُفتُم که شِکایت خُو ره د پیش از تو بِرسنه.

^{٣١} پس اُمو رقِمِیکه دَبله عسکرا امر شُدہ بُود، پولُس ره دَعیت شاوتا شار آنتیپاترس رَسند. روز دِیگه شی عسکرای پیده عسکرای سواره ره رُختَت کد که قد پولُس دَسَفِر اِدامه بِدیه و خودون شی پس سُون قِشلَه خُو آمد.

^{٣٢} وخِتیکه اُونا دَقِیصِریه رسِید، خط ره دَوالی دَد و پولُس ره دَزشی تسلیم کد. والی خط ره خانده از پولُس بُرسان کد: "از کُدم ولايت آستني؟" وختی فامید که از ولايت قِیلیقیه آسته، ^{٣٤} او دَزشی گفت: "مُدعیای تو که دَاینجی حاضر شُد، اوخته ما دَگپای تو گوش میدیم." بعد اُزو امر کد که پولُس ره دَقلعه که مشهور دَقصر هیرودیس بُود، نِگاهداری کُنَه.

محکِمہ پولُس دَحُضُور فیلِکس والی

^{٤٢} بعد از پِیج روز حنانيا پیشوای بُزرگ قد چند نفر از ریش سفیدا و یگ وکیل دعوا دَنام ترْتُولُس دَقِیصِریه رسِید و ادعاهای خُو ره دَضِد پولُس دَوالی پیش کد. ^{٤٣} وخِتیکه پولُس ره حاضر کد، ترْتُولُس ادعاهای خُو ره شروع کده گفت: "جنابِ عالیقدَر، بخاطرِ حُکمرانی شُمو مو دَآمنیتِ کامل آستي و بخاطرِ دُوراندیشی شُمو دَامزی قَوَع بِهُودی غَدر دَ وجود آمدَه" و مو ازی چیزا دَ هر جای و از هر طریق از شُمو قدردانی و شُکرگُزاری مُونَی. ^{٤٤} والی ازی که وخت شُمو ره کلو نِگیرم، خاھش مُؤنم که قد امزُو لطفِ همیشگی خُو دَ عرضِ کوتاه مو تَوجُه کُنید: دَز مو معلوم شُدَه که ای آدم یگ شخصِ مُضرِر آسته و دَ مینکلِ تمام یهودیا دَ سراسِر دُنیا فِتنه آندازی مُونَه و امْچنان یگ سرکردِ فِرقَه ناصِرى آسته. ^{٤٥} او حتی کوشش مُوكد که خانِه خُدا ره تَجس کُنَه، مگم مو او ره دِستگیر کدی [و مو میخاستی که دَ مُطابِق شریعتِ خودون خُو او ره محاکِمَه کُنَى مگم لیسیاس قومِدان آمد و دَ زور او ره از چنگ مو خلاص کد ^{٤٦} و دَ مُدعیای اُزو امر کد که دَپیش شُمو بیبه]. اگه خودون شُمو اُزو تحقیق کُنید، حقیقتِ ادعاهای مو دَ خلاف اُزو بَلِدِه شُمو روشن مُوشَه. ^{٤٧} یهودیا ام دَ یگَحدا ادعاهای ترْتُولُس ره تایید کد و گفت: "راست مُوگَه!"

^{٤٨} وختی والی سُون پولُس إشاره کد که گپ بِزنه، او اینی رقم گفت: "ما خبر دَرُم که غَدر سال ها آسته که شُمو قاضی ازی مِلت آستِید، امزی خاطر ما دَ خوشی از خود خُو دفاع مُونَم". ^{٤٩} شُمو مِيتَنید معلوم کُنید، کلوتر از دوازده روز نَشَدَه که ما بَلِدِه عِبادت دَ اورُشَلِيم رفته بُودم. ^{٥٠} هیچ کس مَره نَدیده که دَ خانِه خُدا یا دَ عِبادت خانه ها و یا دَ داخلِ شار قد یَکو نفر بَحث کده بَشُم و یا مردم ره دَ شورِش اُورده بَشُم. ^{٥١} و ادعاهای ره که فِعلًا دَضِد مه جور کده اُونا نَمِيتَنَه که دَپیش شُمو دَ ثبُوت بِرسَنَه. ^{٥٢} مگم دَحُضُور شُمو اقرار مُونَم که ما خُدای بابه کلونای خُو ره دَ

مُطابِقِ امزُو راه که اُونا بِدَعَتْ مُوكِيَه، عِبَادَتْ مُؤْنَمْ وَ دَپَگِ چِيزَى كه مُطابِقِ تَورَاتْ و نوِشَتَه هَاي پِيغَمْبَرَا آسَته، عَقِيَّدَه دَرُمْ.^{١٥} ما رقمِ خُود امزِي نفرا دَخُدا أَمِيدَ دَرُمْ كه بَلَدَه آدمَي نِيك و بَدَ قِيَامَتْ دَپِيشِ رُويَ آسَته.^{١٦} امزِي خاطَر از حدَ كَلو كوشِشَ خُو ره مُونَمْ كه هَر وخت دَپِيشِ خُدا و إِنسَان وِجْدانِ پاك دَشَتَه بَشَمْ.^{١٧} ما پس از چندِين سال دَ اورُشَليَم آمدُم تا بَلَدَه غَرِيبَاي قَومْ خُو كومَك بِيرُم و هَدِيه هَا تقدِيمَ كُنمْ.^{١٨} بعد از مراسِمِ پاك شُدو دَمَزِي كار مشغَول بُودُم که اُونا مَره دَخَانِه خُدا پَيدَا كَد و دَأُونجَى نَه بِير-و-بار بُود و نَه شَر-و-شور.^{١٩} مَكْمَ چند نفر از يهُودِيَّاي آسيَا كه دَأُونجَى بُود بَايدَ دَپِيشِ شُمو حاضِر شُنَه و اَگه كُدم اِدعَاه دَضِيد ازمه دَرَه، خودون ازوا بُگَه.^{٢٠} يا اميَ كَسَاي که دَإِينجَى آسَته، بُگَيَه: وختِيَّكَه ما دَحُضُورِ شورَا ايستَه بُودُم، دَز مَه چِي جُرم پَيدَا شَد، بَعَيَر ازِي که دَبَيَن ازوا قد آوازِ بِلنَد گُفتَم: 'از خاطِرِ أَمِيدَ دَقِيَامَتْ مُرَدَه هَا، ما إِمْرَوزَ دَإِينجَى محاِكمَه مُوشَم!'^{٢١}

بَنَدِي شُدُونِ پُولُسْ دَقِيَصَريَه

^{٢٢} مَكْمَ فيلِكس والي که خود شَي از راهِ مَولا عيسَى خُوب صَحِيح خبر دَشَت، محاِكمَه ره پس آندَختَه گُفت: "وختِيَّكَه ليسيَّاس قومَدان دَإِينجَى بَيَه، اوختَه ما دَبَارِه دعَواي شُمو فَيَصَله مُونَمْ."^{٢٣} پس دَيَگ صاحِب منصب امر کَد که پُولُس ره نظر بَنَد كُنه، مَكْمَ تا يِگ اندازِه او ره آزاد بِيلَه و مانع رفت-و-آمد دوستَاي پُولُس که بَلَدَه بُورَه كدونِ ضرُورَت و خِدمَت شَي مَيَيه، نَشَنَه.

^{٢٤} چند روز بعد فيلِكس قد درُوسِلَ خاتُون خُو که يِگ خاتُونِ يهُودِي بُود، دَأُونجَى آمد و پُولُس ره دَپِيشِ خُو طلب کده دَ تورَاي شَي دَبَارِه ايمَان دَعيسَى مسيح گوشَ دَد.^{٢٥} مَكْمَ وختِيَّكَه دَبَارِه عدَالَت، پرهِيزگارِي و جَزَاء آخرَت تورَه گُفت، فيلِكس ترس خورَد و گُفت: "بَلَدَه فِعلاً بُورُو، غَيْتِيَّكَه فرصَت پَيدَا شَد، تُوره بَسَم طلب مُونَمْ."^{٢٦} دَ حَيَن حال فيلِكس أَمِيدَوار بُود که شايد پُولُس بَلَدَه شَي پَيسَه بِديَه و ازِي خاطَر اكثَر وخت او ره طلب کده قد شَي نَقل مُوكَد.

^{٢٧} مَكْمَ بعد از دُو سال پوركِيوس فِستُوس جانِشِين فيلِكس شَد. و ازِي که فيلِكس ميَخَاست دَحقِيَّه يهُودِيَا يِگ نِيكِي كُنه، او پُولُس ره دَبَنَدِي خانَه نِگَاه کَد.

پُولُس دَحُضُورِ فِستُوس والي

۲۵^۱ اوخته فِستوس سِه روز بعد از رسیدون خُوَّد ولايت یهوديه، از قيصريه آورشليم رفت. پيشوايون عالي مقام و ريش سفيداي یهود د پيش فِستوس آمده ادعا های خُو ره د ضيد پولس دُرُو گفت و ازو خاهش کد^۲ که دزوا لطف کده پولس ره آورشليم رئي کنه. اونا د کمين بُود تا او ره د بَيَن راه بُکشه. مگم فِستوس د جواب ازوا گفت: "پولس د قيصريه نظر بند آسته و خود مه د زُودي د اونجي پس مورم.^۳ کسای که از مينكل شمو صاحب اختيار آسته بييه و قد مه بوره و اگه کدم خطاي امزو آدم سر زده بشه، اونا ادعای خُو ره رُوي د رُوي ازو بُگه."

^۴ فِستوس تقریباً هشت يا ده روز د آورشليم مَنَد و بعد ازو د قيصريه رفت. روز دیگه شی د چوکی قضاوت شِشت و آمر کد که پولس ره بيره. ^۵ وختیکه پولس آمد، یهودیای که از آورشليم آمده بُود، گرد ازو ره گرفت و ادعا های کلو و خطرناک د ضيد پولس پيش کد، مگم نتیست که ثبوت کنه. ^۶ پس پولس از خود خُو دفاع کده گفت: "ما نه د خلاف شريعت یهود کدم کاري کديم و نه ام د ضيد خانه خُدا و قيصر روم دچار کدم خطابي شدیم." ^۷ مگم فِستوس که میخاست یهودیا ره راضی نگاه کنه، د پولس گفت: "آيا قبیل دری که د آورشليم بوري و د اونجي د پيش خود مه د باره امزی ادعا ها محاكمه شُنی؟"^۸ ^۹ پولس د جواب شی گفت: "فعلاً ما د پيش تخت قضاوت قيصر، يعني دمزوجای که باید محاكمه شُنم، ایسته یُم و خود شمو بهتر میدنید که ما مرتکب هیچ جرمی د ضيد یهودیا نشديم.^{۱۰} ^{۱۱} اگه مجرم بشُم و یا کدم کار بد کده بشُم که قابل اعدام بشه، از مرگ سركشي نَدرُم. لیکن اگه ادعا های که امي نفرا د خلاف ازمه کده هیچ حقیقت نَدره، هیچ کس حق نَدره که مرد د دست امزی کسا بدیه. ما د پيش قيصر روم دادخاهی مُونم."^{۱۲} پس فِستوس قد مشاورین خُو مشوره کده د جواب شی گفت: "آلی که از قيصر دادخاهی کدی، د پيش قيصر موري."

پولس د حُضُور اگرپیاس پادشاه

^{۱۳} چند روز بعد اگرپیاس پادشاه و خاتون شی بِرنیکی د قيصريه آمد تاکه د فِستوس خوش آمدید بُگه. ^{۱۴} پس ازی که اونا روزای کلو ره د اونجي مَنَد، فِستوس قضیه پولس ره د پيش پادشاه رَسَنَدَه گفت: "د اینجي يگ آدم آسته که از دوره فيلکس بندي مَنَد.^{۱۵} وختیکه د آورشليم رفتum، پيشوايون عالي مقام و کنه کلونای یهود د ضيد ازو رَسَما پيش ازمه شِكایت کد و خاهش کد که او محکوم شنه.^{۱۶} ما د جواب ازوا گفتم که د رسم-و-رواج روم اي رقم نبيه که يگ آدم بِدون محکمه بلده جزا تسليم شنه، بلکه پيش ازی که آدم مُتَهَم شده ره تسليم کنه، او ره قد مدعیای شی رُوي د رُوي مونه و بلده شی فرصت میديده تا د بَرايِ ادعاهای از خود دفاع کنه.^{۱۷} پس وختیکه اونا د اينجي آمد، ما بِدون معطل د روز دیگه شی د چوکی قضاوت شِشَم و آمر کدم که امو آدم ره بيره.^{۱۸} غيتیکه مدعیای شی

باله شد، د خلاف ازو هیچ جرمی ره ادعا نکد که ما انتظار داشتم، بلکه د باره دین خودون شی د بین ازوا اختلاف وجود داشت و ام د باره یگ شخص د نام عیسی که مُرده، مگم پولس ادعا مونه که او زنده يه.^{۱۹} ازی که د ای باره دُوله بُودم، ازو پُرسان کدم که آیا میخاهی د اورشلیم بوری تا ای قضیه د اونجی فیصله شنه؟^{۲۰} مگم پولس خاھش کد که تا زمان فیصله فیصر نظر بند بشه. پس ما امر کدم که او ره نظر بند کنه تا غیتیکه بشم او ره د پیش فیصر ری کنم.^{۲۱} آگرپاس د فستوس گفت: "غدر میل درم که تورای ازو ره خود مه قد گوش خو بشنوم."

فستوس د جواب شی گفت: "صباح تورای شی ره میشنوی."^{۲۲}

روز دیگه شی آگرپاس و برنيکی قدر ڈب ڈبه کلو آمد و قد قومندانا و مردای ناممتوی شار د صالحون عمومی داخل شد. د امر فستوس، اونا پولس ره حاضر کد.^{۲۳} اوخته فستوس گفت: "جناب آگرپاس پادشاه، و آی تمام کسای که د اینجی حاضر استید! امی آدم ره مینگرد، تمام مردم یهود، چی د اورشلیم و چی د اینجی، د سر امزی آدم د پیش مه عرض کده و قد چیخ-و-شور کلو گفته که ای آدم نیاید دیگه زنده بمنه!^{۲۴} لیکن ما پی بردیم که ای آدم هیچ کاری نکده که سزاوار مرگ بشه، ولے بخاطری که از فیصر دادخاھی کده، ما تصمیم گرفتیم که ای ره د اینجی د پیش پگ ری کنم.^{۲۵} مگم ازی که مطلب واضح نَدْرُم که د اعلیٰ حضرت د باره ازی نوشه کنم، ای ره د اینجی د پیش پگ شمو و مخصوصاً د حضور آگرپاس پادشاه اوردیم تا بعد از تحقیقات یکگو چیز پیدا کده نوشه کنم.^{۲۶} چون فکر مُوكِّم عاقلانه نییه که یگ بندي ره ری کنم و ادعاهای ره که د خلاف شی شده ذکر نکنم."

۲۶ و آگرپاس د پولس گفت: "تو اجازه داری که بله دفاع خو گپ بزنی." پس پولس دست خو ره باله کده اینی رقم از خود خو دفاع کد:^{۲۷} آی آگرپاس پادشاه، بله مه جای خوشبختی آسته که امروز د حضور شمو د باره تمام ادعاهای که یهودیا د سر مه کده از خود خو دفاع کنم.^{۲۸} مخصوصاً بخاطری که شمو د باره رسم-و-رواج یهودیا و اختلافات نظر که د بین ازوا آسته معلومات کلو دارید. پس خاھش مونم که لطف کده د عرض بنده قد صبر-و- خوصیله گوش بیدید.^{۲۹} پگ یهودیا د باره راه-و-رفتار زندگی مه از دورون جوانی مه خوب خبر دره، از شروع که ما د مینکل قوم خو د اورشلیم زندگی مُوكِّم.^{۳۰} اونا از گاه مرد مینخشه؛ اگه اونا بخایه میتنه شاهدی بدیه که ما د عنوان یگ فریسی د مطابق سختگیرتین فرقه دین مو زندگی مُوكِّم.^{۳۱} و آلی از خاطر امیدی که خدا وعده شی ره د بابه کلونای مو دده بود، محکمه مُوشم.^{۳۲} ای امو وعده آسته که دوازده طایفه مو امید داره که پوره شدون شی ره بِنگره و امزی خاطر شاو و روز از تی دل عبادت مونه. آرے جناب پادشاه، از خاطر امزی امید یهودیا د سر مه تُهمت کده.^{۳۳} آی قوما، چرا شمو فکر مُونید که ای ناممکن آسته که خدا مُرده ها ره زنده کنه؟^{۳۴} ما ام فکر مُوكِّم

که دَ هر وسیله ممکن قد هر کسی که نام عیسای ناصری ره بگیره، مخالفت کنم.^{۱۰} امی کارره ما د شار اورشلیم کدم: قد اختیاراتی که پیشوایون عالی مقام دَز مه دده بود، ما بسیاری از پیروای عیسی ره دَ بندي خانه میندختم و غیتیکه اونا د مرگ محکوم موشد، ما د خلاف ازوا رای میددم.^{۱۱} غدر و ختا د عبادت خانه ها رفته اونا ره جزا میددم و کوشش موکدم که اونا ره د کفر گفتتو مجبور کنم. قارو-غَضَبْ مه د بله ازوا د اندازه کلو شد که حتی تا شارای خارج رفته اونا ره آزار-و-آذیت موکدم.^{۱۲} د یکی امزی سَفَرَا د حَالِيَّكَه قد حُكْم و إختیارات از طرف پیشوایون عالی مقام سُون دَمِشَقْ موَرَفْتُم،^{۱۳} دَ دَمِ چاشت دَ بَيْنِ راه، آی پادشاه، یگ نور ره از آسمو دیدم که روشنوت از نور آفتو بود و د گرد ازمه و کسای که قد مه بود، بلقده کد.^{۱۴} امی که پگ مو د زمی افتادی، ما یگ آواز ره شنیدم که د زیون عبرانی دَز مه گفت: آی شائعول، آی شائعول، چرا مره آزار-و-آذیت مُوكْنَى؟ د سر شخله چیو قد لَغَه زَدَوْ بَلَدَه تُوْ مُشكِلْ خَلَقْ مُونَه.^{۱۵} ما پرسیدم: صاحب، تُوْ کی اَسْتَى؟ مَوْلَه گفت: ما عیسی اَسْتُم، امو که تُو آزار-و-آذیت مُونَى.^{۱۶} آلی باله شُو و د سر پای خُو ایسته شُو. ما دَز تُو ظاهر شُدُم تاکه تُو ره د خدمت خُو تعیین کُنم و تُو د باره هر چیزی که از مه دیدی و هر چیزی که ما د آینده بلده تُو نشو میدیم، شاهدی بدی.^{۱۷} ما تُو ره از دستِ قوم یهود و ام از دستِ مِلَّت‌های غَيْرِ یهود که تُو ره د پیش ازوا رَبِّی مُونَم، نجات میدم.^{۱۸} ما تُو ره رَبِّی مُونَم تا چیمای ازوا ره واز کُنى و اونا ره از تریکی د روشنی و از چنگ شیطو سُون خُدا راهنمای کنی تا گُناهای ازوا بخشیده شُنه و اونا د مینکل کسای که د وسیله ایمان دَز مه مُقدَّس شُده، میراث داشته بشه.^{۱۹} امزی خاطر آی اگرپاس پادشاه، ما نسبت د روایی آسمانی نافرمانی نکدم، بلکه اوَلَ د یهودیای دَمِشَق، اورشلیم و سر تا سر منطقه یهودیه وبعد ازو د مردم غَيْرِ یهود اعلان کدم که توبه کنید و سُون خُدا ببید و عملی ره انجام بید که توبه شُمو ره ثابت کنه.^{۲۰} دَمَزِی دلیل یهودیا مره د خانه خُدا گرفتار کد و میخاست که مره بُکُشه.^{۲۱} مگم تا امروز خُدا مره یاری کده و آلی د اینجی ایسته يُم و د ریزه و کته شاهدی میدیم؛ بَغَيْرِ از چیزای که آنیا و موسی پیشگویی کده که واقع مُوشَه، دیگه هیچ چیز ره د زیون خُو نَمِيرُم:^{۲۲} اونا پیشگویی کد که مسیح باید درد-و-رنج بکشه و بحیث اولین کسی که از مُرده ها دُوباره زنده شُده نور ره د قوم یهود و د مِلَّت های غَيْرِ یهود اعلان کنه.

دَ حَالِيَّكَه پُولُس امی چیزا ره گفته از خود دفاع مُوكد، فِسْتُوْس دَ آوازِ بِلَند گفت: "او پُولُس، تُو دیونه ای! عِلْمَ کَلَوْ تُو ره دیونه کده." پُولُس د جواب شی گفت: "جنابِ عالیقدر فِسْتُوْس، ما دیونه نِیم، بلکه حقیقت و تورای عاقِلانه ره مُوْگم.^{۲۴} اگرپاس پادشاه که ما آزادانه د پیش شی توره مُوْگم، ازی چیزا خبر دره. ما یقین دَرم که هیچ کُدم ازی چیزا از نظر ازو تашه نییه، چراکه ای واقعه ها د جای گوشه رُخ نَدَدَه.^{۲۵} آی اگرپاس پادشاه، آیا شُمو د پیغمبر اعیده دَرید؟ آرے، ما میدنم که شُمو دَزا عقیده دَرید." اگرپاس د پُولُس گفت: "خَيْ تُو د امیقس وخت کم مره وادر مُونی که مسیحی جور شُنم!"^{۲۶} پُولُس گفت: "از خُدا میخایم که دیر یا زُود، نه تنها شُمو اعلى!

حضرت، بلکه پگ کسای که امروز تورای مرد میشنو رق ازمه الی شنه، مگم نه رقم ازمه الی د زنجرای. ”

اوخته پادشاه، فستوس والی، بُرنيکي و دیگه نفراي که د اونجي ششته بود، باله شد^{۳۱} و ازونجي بُرو آمد و اونا قد يگيگه خو نقل کده مُوكفت: ”اي آدم کاري نکده که سزاوار مرگ يا بندیخانه بشه.“^{۳۲} و اگرپاس د فستوس گفت: ”اگه از قيسير دادخاهی نمود، اي آدم میتبست که ايله شنه.“

ريي کدون پولس د شار روم

٢٧ وختي قرار دزي شد که مو از راه دريا سون ايتاليا سفر کني، پولس و چند نفر بندی دیگه ره د يگ صاحب منصب د نام يوليوس که از فرقه نظامي قيسير بود، تسليم کد.^{۳۳} پس د يگ کشتی که از منطقه آدرميئيم بود و د زودي سون بندر هاي ولايت آسيا رئي موشد، سوار شده حرکت کدي. آرسترس مقدوني از شار تصالونيکي ام قد مو قشي رفت.^{۳۴} روز دیگه شی د بندر صيدون رسيدی و يوليوس قد پولس خوبی کد و بلده شی إجازه دد که د ديدون دوستاي خوبوره تا اونا ضرورت هاي شی ره پوره کنه.^{۳۵} ازونجي بسم از راه دريا رئي شدی و ازی که باد از دم روی مو بود، از گوشه گوش جزیره قبرس تیر شدی.^{۳۶} و بعد از سفر د مينكل دريا از بغل قيليقه و پامفيليه تیر شدی و د شار ميرا د ولايت ليکيه رسيدی.^{۳۷} د اونجي يوليوس صاحب منصب يگ کشتی ره که از شار سكندريه سون ايتاليا رئي بود، پيدا کد و مو ره دزو سوار کد.^{۳۸} مو بلده روزاي کلو د آهستگي پيش مورفتی و قد رحمت کلو د نزديکاي شار كنيدوس رسيدی و ازی که باد مانع پيش رفتوں مو موشد، مو از بغل جزيره کريت از پالوي سلموني رفتی.^{۳۹} د سختی از پالوي سلموني تیر شدی و د يگ جای د نام «بندر نيك» رسيدی که د نزديکاي شار لسيائيه بود.

کلو وخت تیر شدد و ادامه سفر از راه دريا د امزو غيت خطرناک بود، چراکه روزه گاه تیر شده بود. پس پولس دزوا نصيحات کده گفت: ”او مردم، ما مينگرم که سفر مو ازی کده پيش خطرناک آسته؛ نه تنها د کشتی و بار شی کلو نقصان ميرسه، بلکه د جان هاي از مو ام.“^{۴۰} مگم صاحب منصب د توراي کشتی وان و صاحب کشتی کلوتر توجه دشت تا د توراي پولس.^{۴۱} و ازی که امو بندر بلده تیر کدون زمستو مناسيب نبود، تمام ازوا صلاح دید که ازونجي حرکت کنه تا شايد د فينيكس که يگ بندر کريتی بود و روی شی سون شمال غربی و جنوب غربی واقع شدد، برسه و زمستو ره د اونجي تیر کنه.

رَبِّيْ كَدُونِ پُولُسْ دَ شَارِ رُوم

^{١٣} و ختيكه باه ملايم جنوبي باله شد، اونا گمان کد که ميتنه د مقصد ھو برسه. پس اونا لنگر کشتی ره باله کش کد و مو از بغل کريت ربی شدی. ^{١٤} ليکن زياد وخت تير نشد که يگ باه تند، مشهور د باه «شمال شرقی» از طرف جزيره کريت باله شده د کشتی زد. ^{١٥} اзи که کشتی گير مند و نتنست د دم باه پيش بوره، مو خود ره د دم باه ايله کدی و ساختيار برد شدی. ^{١٦} وختي د بغل يگ جزيره ريزگر د نام کاودا رسيدی، د زحمت کلوتنستی که کشتی ريزگر د چنگ بيري. ^{١٧} بعد از باله کدون ازو خدمای کشتی دوروبر کشتی کله ره قد رسپو محکم بسته کد و از ترس اзи که کشتی د ريجزار سيرتيس گور تروه اونا لنگر کشتی ره تاه کد و ايشت که کشتی امو رقم د دم باه برد شنه. ^{١٨} روز دیگه شی اзи که باه د شدت کشتی مو ره ميزد، اونا بار کشتی ره د پورته کدو شد و د روز سوم اونا قد دستاي خود ھو آسباباي کشتی ره د دريا پورته کد. ^{١٩} بلده روزاي کلونه آفتو معلوم شد و نه ستاره ها. باه امو رقم د شدت خو ادامه دشت و دیگه هیچ اميد نجات بلده مو نمنه بود.

^{٢١} دير وخت موشده که اونا چيزی نخورده بود. د امزو عیت پولس د مينكل ازوا ايسته شده گفت: "او مردم! شمو از اویل باید دز مه گوش میدید و از جزيره کريت حرکت نمودید تا از پگ امزی ضرر و تاوان بیعم مومنديد. ^{٢٢} آلى از شمو چدى خاھش مونم که همت ھوره از دست ندید، د مينكل شمو د جان هیچ کس نقصان نمیرسه، بلکه فقط کشتی از دست موره. ^{٢٣} چون ديشاو مليکه خدای که ما مربوط شی آستم و او ره پرستش مونم، د پالوي مه ايسته شده گفت: 'آی پولس نترس، چراکه تو باید د پيش قيصر حاضر شني و خدا جان پگ همسفراي تو ره ام بخاطر از تو بخشیده. ^{٢٤} پس آی مردم، قوي دل بشيند، چون ما د خدا ايمان درم که امو رقيكه بلده مه گفته شده، امو رقم موشه. ^{٢٥} ليکن کشتی مو باید د يکي اзи جزيره ها د ریگ گور بوره."

^{٢٧} د شاو چاردهم د حالیکه مو د دریای ادریاتیک ایسو-اوسو هی موشده، تقریباً د نیم شاو خدمای کشتی گمان کد که د خشکی نزدیک شده. ^{٢٨} پس اونا آوره اندازه کد و آو بیست بیه آدم بود؛ کمی پيشتر رفته بسم اندازه کد و آو پوزده بیه بود. ^{٢٩} و از ترس اзи که کشتی مو د سنگا نخوره، اونا از پیشت کشتی چار لنگر ره د دریا آندخت تا کشتی ره ايسته کنه و دعا موكد که زودتر روز واژ شنه. ^{٣٠} خدمای کشتی قصد دشت که از کشتی دوتا کنه و د بانه اзи که لنگرا ره از پيش کشتی د دریا میندaze، کشتی ريزگر د دریا تاه کد. ^{٣١} اوخته پولس د صاحب منصب و عسکرا گفت: "اگه خدمای کشتی د کشتی نمنه، شمو نمیتیيد نجات پیدا کنید." ^{٣٢} پس عسکرا رسپونای کشتی ريزگر د منٹی کده او ره ايله کد.

۳۳ کمی پیش از روز واژ شدو پولس ڈپگ عذر-و-زاری کد که یکگو چیز بخوره و گفت: "امروز چارده روز آسته که د انتظارِ ایسته شدون طوفان آستید و بدون خوراک شیشه هیچ چیز نخوردید. ^{۳۴} آلی دز شمو عذر مونم که یکگو چیز بخورید، چون بلده زنده مندو شمو د خوراک ضرورت دارید. یک تارِ مُوی از سرِ هیچ کدم شمو کم نموشه. ^{۳۵} بعد از گفتوں امزی توره نان ره گرفت و د حضور پگ خدا ره شکر کده نان ره میده کد و د خوردو شد. ^{۳۶} اوخته پگ ازوا دلگرم شده اونا ام د نان خوردو شد. ^{۳۷} جمله مو د کشتی، دو صد و هفتاد و شش نفر بودی. ^{۳۸} وختیکه پگ سیر شد، اونا تمام گندم ره د دریا پورته کد تا کشتی سُبک شنه.

میده شدون کشتی

۳۹ وختی روز واژ شد، خدمای کشتی زمی ره روش نتیست، مگم یگ خلیج ره دید که ساحلِ ریگزار داشت. اونا تصمیم گرفت که د صورتِ امکان کشتی ره د امزو ریگزار بشنه. ^{۴۰} پس اونا بند لنگرا ره مُنثی کده لنگرا ره د دریا ایله کد و د حین حال ریسپونای چلو کشتی ره ام واژ کد. بعد ازو بادبان پیش کشتی ره باله کش کد و کشتی ره یکسره سون ریگزار هی کد. ^{۴۱} لیکن کشتی قد یگ بُعْنَدی ریگزار ٹکر کد و د ریگ ششت. پیش روی کشتی محکم بند مند و هیچ شور نخورد، مگم پشت کشتی بخاطرِ ضربه جله های شدید دریا جو شد. ^{۴۲} عسکرا قصد کد که بندی ها ره بُکُشه تا نشنه که یکگون شی آو بازی کده دوتا کنه. ^{۴۳} مگم صاحب منصب که میخاست پولس ره نجات بدهیه، نهایشت که اونا نقشه خوره عملی کنه، بلکه امر کد که هر کسی که آوبازی ره یاد داره اول خود ره دریا پورته کنه و د خُشکی برسنه ^{۴۴} و باقی نفرا د بله تخته چیو ها و د بله ٹوٹه های کشتی از دُمبال ازوا بوره. دمزی رقم پگ صحیح-وسلامت د خُشکی رسید.

د جزیره مالت

۲۸ ^۱ وختیکه صحیح-وسلامت د لب دریا رسیدی، اوخته فامیدی که نام ازو جزیره مالت آسته. مردم اونجی قد ازمو کلو ھوبی کد. ازی که بارو موبارید و هوا یخ بود، اونا آتش داغ کده از پگ مو پذیرایی کد. ^۲ پولس یگ مقدار خاشه جم کده آورد و د حین ایشتو د بله آتش یگ مار از قد ازو بخاطر گرمی آتش بُر شد و د دست شی چسپید. ^۳ وختی مردم امزو جزیره مار ره د دست شی آوزو دید، قد یگدیگه خو گفت: "ای آدم حتماً قاتل آسته. اگرچه از دریا نجات پیدا کده، مگم عدالت الهی اجازه نمیدیه که زنده بمنه. ^۴ مگم پولس مار ره ٹک زده د منه آتش آندخت و هیچ ضرر دز شی نرسید. ^۵ اونا مُنتظر بود که جان شی آماس کنه یا ای که بے بلغه د زمی بُفته و

بُرمه. لیکن بعد از انتِظار کلو اونا دید که هیچ ضرری د پولس نرسید. او خته فکر ازوا بدل شد و اونا گفت: "ای یکی از خُدایو آسته."

د نزدیک امزو جای زمینای وجود داشت که مریوط حاکم امزو جزیره مُوشد که پُوبليس نام داشت. او مو ره د خانه خو بُرد و از مو پذیرایی کده مُدت سه روز مهemo نوازی کد. ^۹ دمزو غیت آته پُوبليس جاگمی بُود و تاو و پیچشی خونی داشت. پولس د ملاقات ازو رفت و دعا کده دستای خوره د بله شی ایشت و او ره شفا داد. ^{۱۰} بعد ازو واقعه پگ ناجورای دیگه امزو جزیره ام آمد و شفا یافت. ^{۱۱} امی خاطر اونا مو ره کلو احترام کد و غیتیکه تیاری رفت رو ره میگرفتی، چیزای ره که ضرورت داشتی بلده مو تهیه کد.

رسیدون پولس د شار روم

بعد از سه ماه مو د یگ کشتنی که از سکندریه بُود و زمستو ره د جزیره مالت تیر کدد، سوار شدی. د بله امزو کشتنی علامت «جوزا» نصب شده بُود. ^{۱۲} وختیکه مو د شار سراکوز رسیدی، سه روز د اونجی مَندی. ^{۱۳} از اونجی د کشتنی حرکت کده د شار ریغیوم رفتی. یگ روز بعد از رسیدون مو با د جنوبی باله شد و مو د روز دیگه شی د بند پوتیولی رسیدی. ^{۱۴} د اونجی برای ایماندار ره پیدا کدی که مو ره دعوت کد و مو مُدت هفت روز ره قد ازوا مَندی و از اونجی آخر کار سون شار روم آمدی. ^{۱۵} ایماندار ای روم وختی از رسیدون مو خبر شد، تا بازار آپیوس و یگ آغیل د نام «سه سماوات» د دم راه مو آمد. غیتیکه پولس اونا ره دید، خدا ره شکر گفت و دل پیدا کد. ^{۱۶} وختی د روم رسیدی، د پولس اجازه داد شد که د یگ خانه قد یگ عسکر که ازو مُحافظت مُوكد، تنها خو بُشینه.

بعد از سه روز پولس رهبرای یهودیا ره کُوی کد و غیتیکه اونا جم شد، دزا گفت: "ای بارو، اگرچه کدم عملی بد د ضد قوم یا رسم-و-رواج بابه کلونای خو نکدیم، ولی ما د اورشلیم دستگیر شده تسلیم رومیا شدیم. ^{۱۷} رومیا از مه تحقیق کد و میخاست که مره ایله کُنه، چراکه هیچ جرمی دز مه پیدا نشد که سزاوار مرگ بشه. ^{۱۸} مگم یهودیا مُخالفت کد و ما مجبور شدم که از قیصر دادخاهی کنم. با وجود ازی ام د ضد قوم خو هیچ شکایتی نَدرُم. ^{۱۹} د امزی دلیل شمو ره کُوی کدم تا شمو ره بِنگرم و قد شمو توره بُگم، چون ما از خاطر امید اسرائیل د ای زنجیر بَند آسُم. ^{۲۰} اونا دزا گفت: "هیچ کدم خط از ولایت یهودیه د باره ازنُو دز مو نرسیده و از برارونی که از اونجی آمد ام کسی د باره تو توره یا خبر بد نگفته. ^{۲۱} لیکن مو میخاهی نظر تو ره بِشتوی. مو میدانی که مردم د هر جای د ضد امزی فرقه بَدگویی مونه."

۲۳ پس اونا يگ روز ره تعیین کد و غَدر کسا بلده دیدون پولس َخانِه شی آمد. اوخته او از صبح تا شاو َباره پادشاهی خُدا قد ازوا َتفصیل توره گفت و کوشش کد که قد شریعت موسی و نوشه های آنیبا اونا ره َباره عیسی مسیح قناعت بديه. بعضی ازوا توره های ازو ره قبول کده ايمان آورد، ولی بعضی های شی ايمان نورد.

۲۴ وختیکه َبَین ازوا اختلاف نظر پیدا شد، اونا اونجی ره ايله کد. مگم پیش از رفتوں ازوا پولس اینی توره ره گفت: "روح الْقُدْس تَوْسُطِ إِشْعَيَا نَسِي َبَابَةَ كَلُونَى شُمُو چی خوب گفته بود،

۲۵ ۲۶ دَپِيشِ امزی قَوم بُورُو و بُكَى:

"شُمُو شِنِيده مورِيد، مگم هرگز بَي نَمُوقتید؛

دوامدار توخ مُونید، ليکن هرگز نَمِينَگِيد،

۲۷ چُون دِل امزی قَوم سخت شده

و گوشای شی گِرنگ شده

و اونا چیمای خُو ره پُوث گِرفته،

نَشِنه که قد چیمای خُو بِنگره

و قد گوشای خُو بِشَوه

و قد دِل خُو بَي بُبره و پس تاو بُخوره

و ما اونا ره شفا بِدیم. "

۲۸ و آلى بَدَنِيد که اى نِجاتِ اللهی َدَغَيرِ يهودیا دَدَه شُده و اونا او ره قُبول مُونه." [غَيتیکه پولس ای چیزا ره گفت، يهودیا َدَحالِیکه قد یگدِیگه خُو سخت بَحث مُوكد، ازونجی رفت.]

۲۹ ۳۰ پولس دُو سالِ تمام َخانِه کِرايی زندگی مُوكد و هرکسی ره که دَپیش شی میمَد، خوش آمدید مُوگفت. "او ره

دليري کامل و آزادانه پادشاهي خدا ره اعلان موكد و د باره مولا عيسى مسيح تعليم ميدد.